

INONA NO HATAOKO AMIN'I

JESOSY ANTSOINA HOE KRISTY?

 Ny Tompo hitahy anao, Rahalahy Vayle. Manao ahoana, ry sakaiza. Tara foana aho. Niteny tamiko i Billy hoe izaho dia nanana, izao maraina izao, fa manana fihaonana manokana eo amin'ny telopolo eo aho, ary efa nanana ny roa tamin'izy ireo aho, noho izany, mino aho fa roa na telo. Noho izany dia tsy afaka mandray ny olona rehetra fotsiny aho, fantatrareo, ary miandry ny olona, ary efa niandry teo amin'ny lisitra nandrity ny volana sy volana. Ary efa nanao zavatra lehibe maromaro ny Tompo tao. Oh, Izzy no—Izy no Andriamanintsika. Tsy izany ve Izy?

² Ankehitriny dia azoko antoka, izao maraina izao, fa mahafantatra tsara an'ilay alahelo lehibe izay nitranga tamin'ity firenena ity isika, ny fahalasan'an'ny Filohantsika, Atoa. Kennedy. Na dia tsy mifanaraka amin'ilay lehilahy aza aho amin'ny politikany sy amin'ny fivavahany, kanefa tsy mendrika ny ho faty tahaka an'izany izy. Tsia. Ary mamela an'ireo ankizy kely ireo aoriana, ary tsy manana dada. Ary reny iray izay... Rtoa. Kennedy, na dia tsy nifanaraka taminy tokoa aza aho, ary ny fombany sy ny sisa, angamba, saingy, tsarovy, reny iray izy. Nahavery an'ireo zazakeliny fotsiny izy, ary nahavery ny vadiny. Ary nianjera tamin'ny lohaliny mihitsy izy, ka niraraka teo ambonin'ny lohaliny ny ràn'ny vadiny manokana. Mahatsiravina izany.

³ Efa mba noeritreretinareo ve... Matetika isika dia mihevitra fa izy no mamestraka ny fomba famindra ho an'ny firenena, ao amin'ny lamaody sy ny sisa. Izany dia mety ho marina, ihany koa. Saingy efa fantatrareo ve, Rtoa. Kennedy dia tsy mbola nandre mihitsy ny anankiray tamin'ireo Hafatra izay notoriako mikasika an'izany? Raha afaka nandre anankiray tamin'ireo Hafatra ireo izy, dia mety ho hafa no nataony. Ary ny sasany amin'ireo anabavintsika izay mandre an'izany, nefo dia mbola tsy hahazaka an'izany foana. Hitanareo? Hitanareo? Hitanareo? Notezaina ho Katolika iray izy; izay ihany no fantany. Tsy misy na inona na inona manohitra an'izany, hitanareo. Izzy... Rafitra iray izany. Tsy misy na inona na inona manohitra an'ilay vahoaka, ilay vahoaka Katolika. Rafitra iray izany, ny rafitra Katolika, tahaka ny Presbyterana fotsiny, Metodista, na ny iray amin'ny sisa amin'izy ireo, hitanareo, na Pentekotista, ny iray amin'izany. Ilay rafitra izany, fa tsy ny vahoaka.

⁴ Atoa. Kennedy, heveriko, dia nanao a—asa tsara amin'ny maha-Filoha. Mangoraka ny vadiny ny foko. Ary mahatsapa ho

tena malahelo aho mikasika an'izany, hoe na dia ny firenentsika manokana aza dia nanao, ireo tsy vanona sy ny sisa ao amin'ny firenentsika, dia nanao zavatra iray tahaka an'izany.

⁵ Raha tsy afaka hifanaraka amin'ny olona iray ianareeo, marina, ka maka ny toeranareo manokana; fa tsy misy antony hamonoanareo an'ilay lehilahy iray hafa, nohon'ny anton-javatra tahaka an'izany fotsiny. Ary mahafantatra ireo ankizy kely ireo, nanao hoe, hoy ilay ankizy kely anankiray hoe, "Ankehitriny dia tsy manana na iza na iza hilalao miaraka amiko intsony aho. Lasa i Dada." Hitanareeo?

Noho izany nieritreritra foana aho isan'andro fa ho izany no anjarako, indray andro any. Efa saiky niseho imbetsaka izany, araka ny fantatrareo, ny amin'ny hoe voatifitra tany amin'ireo firenen-kafa; rehefa tsy maintsy nametraka ny vatan'izy ireo teo amiko izy ireo, nisakana ahy tsy ho voatifitra, avy lavitra.

⁶ Noho izany raha maty tahaka an'izany ny lehilahy iray... Fa, izany no—no vidiny izay voaloa, mandeha miaraka amin'ny voninahitr'ireo zavatra hafa izany. Hitanareeo? Heveriko fa isika dia eo amin'ny sahalan'isa isaky ny Filoha fahefatra, iray amin'ny efatra, dia vonoina, ary mahatsapa ho tena malahelo aho ny amin'izany. Henatra no ananantsika olona iray tahaka an'izany eto Amerika, izay hanao zavatra tahaka an'izany.

⁷ Ary ankehitriny, kanefa, araka ny nolazaiko, izaho—tsy nifanaraka tamin'ny politikany aho. Izaho dia... Izaho tsy, tsy nifanaraka tamin'ireo heviny ny amin'izay nezahany hatao. Saingy, hitanareeo, lehilahy hafa iray izy. Ary tsy mifanaraka amin'ny rafitry ny fivavahany aho. Izaho—tsy mifanaraka amin'izany tokoa aho. Saingy, kanefa, izy—tahaka an'izany no nitaizana azy. Izany dia—tahaka an'izany ilay izy. Araka ny nolazaiko, angamba raha efa nandre zavatra hafa iray izy, dia mety ho efa hafa ilay izy.

⁸ Isika dia manana za—zavatra iray eto izay ataontsika, ka na oviana na oviana no maty ny iray amin'ireo olontsika, na zavatra iray, na dia any... Heveriko amin'ny maha—maha-fiangonana Amerikana iray, amin'ny maha-vatan'Amerikana iray...

Ny vahoaka Amerikana dia nifyd an'Atoa. Kennedy ho Filoha. Ary izany dia... Izany no antony hoe demokrasia iray isika. Tsy nifyd an'Atoa. Kennedy aho. Nifyd an'Atoa. Nixon aho, satria fantatro Atoa. Nixon, manokana. Ary izaho—tiako izy, ary izaho—ary nifyd azy aho, manokana, satria tiako izy. Fa ireo vahoakan'ity firenena ity, ireo Amerikana, ireo namako teratanin'ity firenena ity, dia nifyd an'Atoa. Kennedy. Ary ny fomba nanaovan'izy ireo an'izany, eny, dia miankina amin'izy ireo sy Andriamanitra izany, fa izay no betsaka.

⁹ Fa heveriko, noho io reny io, olombelona iray, reny iray an'ireo ankizy, Rtoa. Kennedy, dia afaka hitsangana vetivety fotsiny ve isika ho an'ny vavaka iray ho azy?

¹⁰ Tompo Jesosy, izahay olombelona, dia manana fihetseham-po ho an'ny iray hafa. Ary malahelo izahay, Tompo, fa notifirina tahaka ny naha-izy azy ny Filohanay, tamin'ny famonoan'olona mandatsa-drà. Ary malahelo izahay fa tonga teo amin'izany toerana izany ny firenenay, hoe olona tahaka an'izany no—no ao amin'ny firenenay, izay namono olombelona iray tamin'ny famonoan'olona mandatsa-drà; tahaka ny nitifiran'izy ireo an'ilay rahalahy mainty hoditra vao tsy ela akory izay, ary nitifitra azy fotsiny tamin'ny fandatsahan-drà, noho ny antom-pirazanana. Ary malahelo izahay fa olona tahaka an'izany no misy eo anivonay, Tompo. Izahay, ny fahalemenay, no nitondra an'izany.

¹¹ Ary mivavaka ho an-dRtoa. Kennedy izahay, ilay vad'in'io, ilay Filoha. Ary fantatray fa ireo zaza kely ireo dia mijery ny—ny rainy, izay nandao azy ireo andro vitsy talohan'izany, lehilahy faly, sy nitolona ary nilalao niaraka tamin'izy ireo teo amin'ny gorodona. Ankehitriny dia tsy manan-dray izy ireo. Ary ho an'io vehivavy io izay . . . ny vadiny, izay nianjera teo amin'ny lohaliny mihitsy ny vadiny manokana, ka lany teo ambonin'ny akanjony ny ràny; mandevina ny zazakeliny fotsiny.

¹² Kanefa, Tompo, mety mino izahay fa diso ilay vehivavy, ny amin'ny—ny—ny fomba izay nametrahany fomba famindra iray tato amin'ny firenena, ny amin'ny fiakanjoana sy ny sisa; saingy izany—mety ho an'ny vahoaka Amerikana izany, ny manontolo, izy ireo, hoe izany no tian'izy ireo. Noho izany izahay—mivavaka ho azy izahay, izao maraina izao, mba Hanampianao azy. Ary enga anie hisy fotoana iray ao anatin'io fahoriania lalina io hahitany an'izay Fahamarinana, Jesosy Kristy! Ekeo izany, Tompo, ilay Anankiray Izay hany afaka manome fiadanana sy fampiononana ao amin'ny oran'ny fahoriania.

¹³ Ary ampio izahay, Tompo, mba hanohy ho lasa, amin'ny fonay rehetra, hazavana mamiratra iray, fa tsy fantatray hoe fotoana inona na fitaomana inona no mety atao nay eo amin'ny olon-kafa. Avelao izahay hampamiratra ny Hazavan'i Kristy mandra-Pihaviny. Amin'izay fotoana izay ilay Mpiandry ondry Lehibe an'ilay andian'ondry, Izay mahafantatra ny fahamarinana rehetra, no hitondra ny fahotana rehetra ho ao amin'ny famaliana, ary Izy no hahafantatra marina hoe ahoana no hanaovana an'izany. Ary mandra-pahatongan'izany, dia mametraka ny tenanay eo an-Tànanao izahay, ho an'ny Fitiavanao sy ny famindramponao eo aminay. Amin'ny Anaran'i Jesosy. Amena.

¹⁴ Eny, tsy mihevitra aho fa misy olona mendrika ny ho faty tahaka an'izany. Ankehitriny, tsy mendrika ho faty tahaka an'izany Atoa. Lincoln. Tsy mendrika ny ho faty tahaka an'izany Atoa. McKinley. Tsy mendrika ho faty tahaka an'izany Huey Long; tsy ny iray amin'ireo lehilahy ireo. Tsy mino an'izany aho. Mpamono olona, ratsy izany. Tsy ho an'ny

zavatra tahaka an'izany no niadian'ireo zazalahintsika tany ampitan-dranomasina. Tsy ho an'ny zavatra tahaka an'izany no nitsanganan'ny sainantsika. Tsy ho an'ny zavatra tahaka an'izany no maha-teratany Amerikana antsika. Tsia. Na dia, voavily sy mivily amin'ny fahotana aza ny firenentsika, izany no—izany no manao an'ireo zavatra ireo. Ny fahotana izany.

¹⁵ Ankehitriny, androany isika dia manana... Hampianatra sekoly Alahady aho, sy zavatra vitsivitsy izay tiako tenenina amin'ny fiangonana. Ary izany dia, ny zavatra voalohany, tiako ianareo hamela ahy noho ny fihazonana anareo rehetra tena ela amin'ireo Alahady maraina izay itondrako an'ireo Hafatra. Ary noho izany raha sitraky ny Tompo... Ny antony anaovako an'izany, dia satria izaho—eo anivon'ny oloko aho ary izaho—mampianatra foto-pampianarana mafy mihitsy arak'izay fantattro aho. Tsy mampianatra an'ireto foto-pampianarana ireto aho any amin'ireo toerana hafa. Mitsangana fotsiny aho eo amin'ireo—ireo fototra lehibe an'ny Filazantsara. Fa ireto foto-pampianarana izay mafy ireto, izaho—tsy mampianatra azy ireo aho any—any amin'ireo toerana hafa. Ary noho izany, eto, dia mila ora iray izany ho ahy, indraindray, ora roa na telo, mba hahavitana ny Hafatro. Ary mihazona anareo eto aho matetika, amin'ny roa ambin'ny folo sy sasany, amin'ny iray ora. Ary kely mihitsy izany amin'izay nataoko taloha. Nijanona nandritry ny alina manontolo aho, saiky, indraindray. Nandeha aho, nanomboka izahay, matetika, amin'ny valo ora ary mandeha mody ny ampitso maraina amin'ny roa na amin'ny telo, marina izany, avy any amin'ireo favoriana.

¹⁶ Fa izaho—izaho—hanandrana hanao aho, rehefa tonga miaraka aminareo indray, ary fotsiny ke—kely iray... toriteny iray raha tokony ho fampianarana betsaka an'ity, raha tsy hoe milaza aminareo mialohan'ny fotoana aho fa ho zavatra iray ilay izy. Satria, manana an'ireo Trompetra Fito aho, mino aho, ho avy, izay mifamatotra mihitsy amin'ny Tombokase Fahlenina. Rehefa naneno ny Tombokase Fahlenina, dia nandeha niaraka tamin'izay ireo Trompetra Fito ireo, hitanareo. Ary noho izany isika... Tiako ny hitondra an'izany ho an'ilay Fiagonana alohan'Ny Fihaviany, raha...na ny fandehanako, na mety ho inona ilay izy, raha vitako.

¹⁷ Ankehitriny, raha manao an'izany izahay, amin'izay fotoana izay dia hilaza aminareo mialohan'ny fotoana izahay. Ary angamba amin'izay fotoana izay, araka ny hitantsika izao maraina izao, hipoka ireo efitrano, sy ireo rindrina, ary manodidina, dia hiezaka izahay... Manana toerana iray izahay ankehitriny izay mety ho azonay eto. Izany dia mameetraka eo amin'ny olona telo arivo eo, ary trano malalaka tsara iray izany an'ny sekoly iray eto ambonintsika eto mihitsy. Ary ireo Trompetra Fito, hiezaka izahay ny hitory azy ireo any

amin'io sekoly io. Ary hanome efitra hipetrahana betsaka izany, hitanareo, noho izany dia afaka mitondra ny olona isika.

¹⁸ Tianay ny hanao tatitra, tany New York, nanana fotoana iray nahafinaritra mihitsy izahay. Ilay Morris Auditorium tany, voatery namerina ny olona fotsiny izahay, isan-kariva. Nifanety izy ireo. Ny afo... Ilay lehilahy izay tompon'ny toerana... Ho nanidy an'ilay toerana ny mpamono afo raha namela azy ireo hitsangana izahay, nifanety tahaka an'izany. Ary noho izany dia voatery namoaka azy ireo izahay. Ary ireo olona teny an-dàlambe, nandeha nandroso-sy-niverina teny an-dàlambe, nivavaka mba hisy olona iray ho reraka ka hitsangana sy hivoaka, mba ahafahan'zy ireo hiditra ary hahazo seza. Hitanareo? Olona anankiray fotsiny, niandry olona anankiray fotsiny tao ivelany tao izy ireo, mba hidirana. Ary ilay anankiray izay akaikin'ny varavarana, ary amin'izay fotoana izay izy ireo vao namela anankiray hiditra tahaka an'izany. Rehefa mitsangana ny olona iray ka mivoaka, voatery handeha hody aloha, eny, dia niditra izy ireo ka nizara an'izany betsaka. Hitanareo, niditra izy ireo. Izany dia tena mahafinaritra, andian'olona mahafinaritra. Ary mino aho fa izao tontolo izao, ny fiangonana Kristiana, dia noana an'Andriamanitra.

¹⁹ Ankehitriny izaho dia—izaho dia—matoky aho fa... Misaotra anao, rahalahy. Izaho dia—matoky aho fa—fa hanaiky an'izany fanararaotra izany ho antsika Andriamanitra, izay ahafahantsika ho tonga miaraka ka hanana an'ireo Trompetra Fito farany. Tiako ny ho voatarika hanao an'ireo zavatra ireo, mba hahafantarantsika.

²⁰ Avy eo tao amin'ny sakaf marainan'ireo lehilahy mpandraharaha... Mazàna, ny favorian'zy ireo any, heveriko fa nilaza izy ireo fa nanana dimampolo ka hatrany amin'ny zato tany ho any tao amin'ny sakaf marainany. Fa tamin'io maraina io dia nahalafo tapakila fitonjato sy arivo izy ireo, ka namela ny sisa tamin'ny toerana tao anatiny, hameno ny toerana ivelany. Ary ny lâlantsara rehetra, sy nanerana ny rindrina, ambony-sy-ambanin'ny tohatra, no nitsanganan'ny olona. Ary ireo mpitoriteny vitsivitsy ambony laharana, pretra vitsivitsy, sy—sy ny sisa, dia tany mba handre ny Hafatra. Ary noho izany, azoko, mino aho fa nanampy kely izany. Mety ho nahavita vitsivitsy izany—vitsivitsy amboniny, tsaratsara kokoa noho izay noheverinay marina tokoa fa haha-izy azy.

²¹ Ankehitriny, noho izany, rahariva ny... isika dia banana ny... ny Hafatra rahariva, raha sitraky ny Tompo, eo amin'ny—eo amin'ny lohahevitra hoe—hoe ahoana, mikasika an'ireo toerantsika miaraka amin'i Kristy. Ary ankehitriny izany dia ho... Ho fohy izany. Isika dia te-hanomboka, te-ho eto amin'ny lampihazo aho amin'ny fito sy sasany. Raha... Amin'ny firy ianareo no manomboka mazàna, amin'ny fito sy sasany? [Hoy ny rahalahy iray hoe, "Manomboka amin'ny fito sy sasany izahay, fa

hanomboka amin'ny fito izahay.”—Mpand.] Oh, amin'ny fito, ary hoe eto amin'ny lampihazo aho amin'ny fito sy sasany, ary tokony hamela ahy hivoaka amin'ny valo sy sasany izany, raha sitrakny Tompo, satria izaho—izaho fotsiny... Ho haingana mihitsy arak'izay vitako aho, ary hanomboka hizatra.

²² Avy eo zavatra hafa iray, dia, mety misy vahiny vitsivitsy mandre ny olona mihomehy. Satria, miezaka aho ny hiala lavitra avy eto, saingy tsy afaka manao an'ilay izy aho. Ilay izy dia somary... Manantena aho fa tsy toy ny manevateva ilay izy, fa ny reniko dia nilaza fahiny, rehefa miangona miaraka tahaka an'izany ny olona, ilay izy dia tahaka ny jaboran'ny sorgho amin'ny maraina mangatsiaka iray. Fantatrareo, matevina ilay izy, ary mitsonika miadana. Ary noho izany dia saiky tahaka an'izany ilay izy. Mandeha miadana aho ao amin'ireto Hafatra ireto, satria ilay—ilay hamamian'ny farin'Andriamanitra, fantatrareo, somary manatevina antsika miaraka. Ary izaho—izaho—izaho tsy, tsy ho tiako amin'ny fomba hafa ilay izy. Izaho—tahaka an'izany fotsiny no itiavako azy. Eo, tsaroako isika nitsangana fahiny ary nihira an'ity hira ity:

Isaorana anie ilay tady izay mamatotra
Ny fontsika ao amin'ny fitiavana Kristiana;
Ny fiombonan'ny fisainam-pihavanantsika
Dia tahaka an'ilay any Ambony. (Hitanareo?)

Rehefa misaraka isika,
Dia manome antsika fanaintainana anaty izany;
Saingy mbola hifandray am-po isika,
Ary manantena ny hihaona indray.

²³ Ary izaho—matoky aho fa izany foana no ho—no tanjontsika eto. Maro amin'ireo olo-masina fahiny no nodimandry hatramin'izany, saingy mbola hifandray am-po foana isika. Ary mieritreritra an'ilay fahitana tamin'io maraina io aho, nahita azy ireo tany, ary ilay voatahy sy ny voninahitr'ireo tsanganana tanora an'ny lehilahy sy maha-vehivavy, dia mbola mitovy amin'izay naha-izy azy ireo teto, fony izy ireo teto an-tany. Heveriko fa miandry ny fahatongavantsika izy ireo. Indray andro any dia hikambana amin'izy ireo isika, raha sitrapon'Andriamanitra. Ankehitriny izaho—izaho...

²⁴ Ary tsarovy ireo fotoana, ireo fotoan'ny hira dia hanomboka amin'ny fito ora marina rahariva, raha tokony ho amin'ny fito sy sasany.

Ary avy eo, amin'ny herinandro ambony, dia any Shreveport aho, Louisiana, ary any amin'ny Life Tabernacle any Shreveport, Louisiana. Ary heveriko fa miezaka ny hahazo an'ilay trano malalaka eo ampitan'ny lèlambe izy ireo. Niantso Rahalahy Moore omaly hariva, nilaza fa izy ireo... Fivoriana isan-taona iray izany, ary manantena olona maro be izy ireo.

²⁵ Te-hanome fijoroana vavolombelona kely aho alohan'ny hamakiako ny Soratra mihitsy. Ny—nipetraka teto ny ramatoa iray indray andro, nisy... Teneniko aminareo hoe fitaomana toy ny inona ny amin'ny olona iray mivavaka ho an'ny iray hafa. Sendra njery fotsiny aho ka nahita ramatoa hafa iray izay izaho fotsiny... Margie Cox, vadin-dRahalahy Rodney Cox mipetraka eto. Ary tamin'ny herinandro lasa, mino aho fa izay ilay izy, rehefa teto izahay, dia nanome famantarana nanerana ny tranobe ny Fanahy Masina, fantatrareo, ahoana no notenenin'ny olona. Ary nipetraka izy... Mipetraka eto mihitsy izy ankehitriny. Fa tany ankoatra tany ho any fotsiny izy. Ary izaho—njery teo aho, ka nisy ramatoa iray izay—izay nantsoina, izay tratry ny diabetan-tsiramamy. Ary Margie dia... Ary i Margie no tao amin'ilay fahitana. Ary nitsangana teo i Margie; kanefa njery aho, nahita azy, ary izany dia... Ary nieritreritra aho... Ary njery aho mba hahita an'io vehivavy hafa io, ary i Margie no tao amin'ilay fahitana, saingy ilay Hazavana dia teo ambonin'ilay vehivavy. Noho izany aho—nandinika aho.

²⁶ Dia nieritreritra aho, eny, raha miantso an'i Margie aho, dia hilaza izy ireo hoe, "Azo antoka, izany, azo antoka." Misy olona iray mahafantatra azy ireo, hanao hoe, "Nahoana, izy—izy... Ny vadiny dia anankiray mihitsy amin'ireo—ireo sakaizany akaiky. Miara-miaina izy ireo, miara-matory, miara-mihaza, ary—ary ny zavatra rehetra. Azo antoka, izany dia, fantany izany." Fa i Margie tsy nahafantatra an'izany. Fa niantso an'ilay ramatoa hafa aho, izay ny... Mino aho, izay anabavy iray avy any Chicago, araka ny nianarako taty aoriana.

²⁷ Fa noho izany dia tonga, izany dia tao...ilay orinasa, nanome fizahana diabeta izy ireo. Ary—ary tratry ny diabeta izy. Ary noho izany dia teny amin'ny lalany izy, ny afak'ampitso, hankany amin'ilay toeram-pitsaboana ho an'izany. Ary—ary noho izany rehefa nilaza an'izany izy, tamin'izay fotoana izay dia nampahatsiahiviko azy izany. Dia hoy aho hoe, "Avia eto, Ranabavy Margie." Dia noteneniko taminy ny mikasika ny hoe ahoana fa efa ngoly izy teo amin'ny tananay, ary—ary ahoana ilay fahatsapana tena ratsy.

Miasa andro aman'alina ilay ramatoa kely, saiky, tany, mba...reny kely mahatoky, mba hanampiana ny vadiny handoavana ny tranon'izy ireo izay ezahan'izy ireo haorina. Ary—ary izy sy ny rahavavy keliny, Nellie, ary Charlie, ny rahalahin'i Rodney izany, ny vadiny, ary izy rehetra ireo dia niara-niasa tany amin'ireo orinasa tany, mafy arak'izay azon'izy ireo nandehanana. Ary niaritra ny latsa. Namela ny volon'izy ireo haniry izy ireo, ary nanala ny lokon-tarehy, ireo zavatra tahaka an'izany, rehefa lasa Kristiana. Mino ny fanomezana voninahitra eo amin'izay mendrika voninahitra aho. Ary manana toerana iray mafana tokoa aho ao am-poko ho an'ireo vehivavy tanora roa ireo.

²⁸ Ary tamin'izay fotoana izay dia nentiko tamin'ny tñana izy ka nivavaka ho azy. Dia lasa izy, ary tsy afaka nahita marika iray an'ny diabeta na taiza na taiza izy ireo. Lasa ilay izy, arak'izany.

Ramatoa iray mipetraka ato mihitsy any ho any, izay nantsoina, ary anabavy iray izany amin'ny anarana hoe Bruce. Tsy mahita azy aho izao maraina izao, fa izy isan'andro dia... Tena vehivavy iray mivavaka tsara mihitsy izy. Ary niditra io vehivavy io ka, tamin'ny fotoana farany naaha-teto ahy izany, ary tsy nisy—tsy nisy karatra fangataham-bavaka nozaraina, na inona na inona, noho izany dia tsy olona, tsy nisy laharam-bavaka, noho izany fotsiny izy ireo... Niantso teo amin'ny mpanatrika fotsiny ny Fanahy Masina.

²⁹ Ary io Ramatoakely Bruce kely io, izy dia—efa sitrana izy indray mandeha, ny tenany, tamin'ny homamiadana. Fa izy—fa nanana enta-mavesatra iray foana izy tao am-pony ho an'ny olon-kafa iray, ary nivavaka fotsiny izy. Ary nisy ramatoa iray avy any Louisville, izay teo am-pahafatesana, homamiadana tao amin'ny tenda. Ary raha mbola nivavaka izy, dia nandeha avy hatrany nankeo amin'io vehivavy io ny Fanahy Masina, niantso azy, ary na inona na inona Nataony, miteny aminy hoe iza izy, niteny taminy, raha ny marina, hoe iza izy, sy hoe inona ny aretiny, ary mikasika ny hoe tratry ny homamiadana izy, ka nilaza fa izy, ho mety tsara izany. Dia lasa nandeha nody ilay ramatoa kely.

Andro vitsy taorian'izany, dia nanomboka sempotra ho faty mihitsy izy, saiky, nibontsina fotsiny ny tendany. Nanao kohaka goavana iray izy, ka nipitika nivoaka ilay homamiadana. Ary tanteraka izy. Hitanareo?

³⁰ Inona no nitranga, hitanareo, ilay vongana, izy tenany, dia fetsy iray izay manana aina ao anatin'y. Hitanareo? *Homamiadana*, izany dia avy amin'ny—ny teny, ny fiteny arapsabooana, hoe “foza,” izay midika hoe manana tongotra betsaka izy, tahaka ny—ny foza izay azonareo avy ao amin'ny ranomasina ary—ary mitsentsitra ny rànareo avy ao aminareo izany. Ary io fivontosana fetsy tao amin'ny tendany io dia nanana, izany dia, izany no nataony.

Ankehitriny, hitanareo, tsy ilay fivontosana no karakaraiko. Mikarakara ny aina izay ao anatin'ilay fivontosana aho. Hitanareo? Ny aina izay ao anatin'ilay fivontosana no karakarainay. Hitanareo? “Handroaka devoly Amin’Ny Anarako izy ireo.” Ny teny hoe *devoly* dia “mpampahory,” toy ny hoe an’ny vatanareo. Ary devoly iray io. Ary avy eo rehefa mivoaka avy ao amin'ny fivontosana ilay aina, mazava ho azy, dia izany no mamela an'ilay fivontosana hanomboka hibontsina.

³¹ Tahaka ny alika kely iray fotsiny izay voahitsaka eny andàlambe, zavatra tahaka an'izany, avelao handry eo amin'ny

masoandro mandritry ny andro vitsy izy, avy eo, dia hahazo indroa amin'ny lanjany izy.

Eny, izany no nanao an'ilay vehivavy kely ho lasa niharatsy. Matetika no nanazavako an'izany. Raha lasa miharatsy ianareo, dia izany ilay tena famantarana mihitsy fa sitrana ianareo, hitanareo. Ary noho izany dia lasa niharatsy fotsiny ilay izy isan'andro, ka nanempotra azy, satria nibontsina ilay izy. Ary ny...Fa votsotra ilay izy, nivoaka avy tao aminy ilay aina. Ary nikohaka tahaka an'izao izy, hitanareo, [Mikohaka Rahalahy Branham—Mpand.] tahaka an'izao, nipoirtsaka, namoaka an'ilay izy niala tamin'ny sisa tamin'nynofony. Ary ilay zavatra maty, ilay vatana fotsiny tsy nisy aina tao anatiny, lasa ilay homamiadana, nipitika nivoaka, hitanareo, nilatsaka.

³² Noho izany, izany no, nivoaka ilay vatana arak'izany. Tsy ilay devoly no nivoaka. Ilay trano izay nippetrahany izany. Nivoaka izy nohon'ny finoan'ilay vehivavy tao amin'izay notenenina taminy, mahafantatra fa Jesosy Kristy no tsy mivoa omaly, anio, ary mandrakizay, izany no namono an'ilay homamiadana, nanala an'ilay aina.

Ankehitriny, mety niverina nankany amin'ilay dokotera izy, ka nilaza ilay dokotera hoe, "Fahadalana, ilay—ilay—eo fotsiny tahaka ny na-ha-izy azy isan'andro ilay zavatra." Fa marina izany, teo ilay fivontosana, fa tsy ilay aina, tsy teo izany. Hitonareo?

³³ Ankehitriny, ahoana moa raha efa tany ho any ilay izy izay tsy nahafahany ho—ho tafavoaka?

Ity ve ilay sary? [Hoy Rahalahy Neville tamin-dRahalahy Branham hoe, "Ity dia sarin'ny fivontosana iray izay nivoaka avy tamin-dRtoa. Baker, avy tany Springville, Indiana. Ary izy...Sary iray nohalehibeazina ity, izay nalefany, taorian'ny vavaka."—Mpand.] Ity no sarin'ilay fivontosana avy tamin-dRtoa. Baker, avy any Springfield, Indiana, izay nalefa, taorian'ny vavaka. Sarin'izany ity. Hitonareo, ity ilay vatana izay nippetrahan'ilay devoly.

Tahaka anareo mipetraka ao anatin'io vatana izay ipetrahanareo io mihitsy; mety ho kely ilay izy, goavana, mena volo, maity volo, na inona na inona ilay izy. Hitonareo? Na ilay devoly no mipetraka ao amin'io vatana io, na Kristy no mipetraka ao amin'io vatana io. Eny, noho izany rehefa mivoaka avy ao aminy ilay aina, dia mbola eto ambonin'ny tany foana ny vatanareo, hitonareo, fa ilay aina tsy ao.

Rehefa nivoaka ilay aina, dia mbola teo ilay vatana. Ary avy eo dia niendaka avy tamin'ny vatany ilay izy ka voaroaka, nivoaka ilay vatana.

Fa raha ao amin'ny toerana iray izay tsy ahafahany hivoaka ilay izy, amin'izay fotoana izay dia tsy maintsy maka an'io zavatra maty io ny fonareo ary manadio ny rà, isaky ny

mitempo izy. Miteraka tazo izany, sy ny zavatra hafa rehetra, satria aretina iray ilay izy. Hitanareo? Ary ny fonareo dia tsy maintsy... Heveriko fa ny fo no manadio ny rà raha mandoalo izy. Marina ve izany, Ranabavy Dauch? Heveriko fa marina izany. Ny fo, raha mitempo izy, manadio izany. Mpampivelona iray, fantatrareo, ary anankiray hafa mipetraka eo alohany eto. Mana-... maka an'ilay... Ary izany no miteraka tazo avy amin'ny aretina iray. Maka an'ilay aretina izany ary—ary miteraka tazo iray.

³⁴ Ankehitriny, ny olona, hitanareo, ny finoanareo ilay izy. Tsy ny fihetseham-ponareo mihitsy ilay izy. Tsinontsinona izany, raha izany no izy, raha tsy mahitsy ny tànako. Tsy misy idiran'izany amin'io. Ny finoako no manao an'izany. Hitanareo? Eto anatrehantsika mihitsy, dia mahita ny sarin'ny olona iray sitrana tanteraka isika, tamin'ny finoana. Ary avy eo dia mandroso tsikelikely isika mandra-pahalasantsika ho izany olona izany, ary manohy mandeha miaraka amin'izany mihitsy. Hitanareo? Eo ianareo izao. Ary izany, izany no manao an'ilay izy, ny finoanareo; fa tsy ny fihetseham-ponareo. Ny finoanareo no manao an'ilay izy. Ho an'Andriamanitra ny saotra sy ny dera!

³⁵ Ankehitriny dia fotoana ho an'ny vavaka iray fotsiny, ary manana lohahevitra iray isika eto izay tiantsika hodininhina, ary fotoana kely iray izay hifanaraharan'ny Tompo amintsika arak'izany.

Ary, ankehitriny, ary avy eo raha tsy maintsy handeha ny sasany aminareo izao maraina izao, ka tsy ho eto amin'ny favoriana hariva, raha sitraky ny Tompo, izaho—tiako ny ho eto indray. Hiverina amin'ny herinandron'ny Krismasy ny fianakaviana. Ary noho izany, ny Alahady aorian'ny Krismasy, raha sitraky ny Tompo, dia tiako ny history ny Hafatro Krismasy eto amin'ny tabernakla; Alahady aorian'ny Krismasy. Raha sitraky ny Tompo, ny lahateny dia ho, *Ilay Mpirenireny Eny Andalambe*.

Noho izany dia ndao isika hanondrika ny lohantsika ankehitriny ka hanolotra vavaka alohan'ny hamakantsika ny lahateny.

³⁶ Tompo Jesosy, aoka Ianao ho akaikinay amin'ity fotoana ity mihitsy. Ary fantatray fa sarotra ilay izy ato amin'ny fiangonana kelinay, ary nefo maro no mitsangana. Ary—ary eto izahay tsy nohon'ny fiadanana'ilay toerana, izay manome anay fiadanana ara-batana, satria tsy mampiadana izany. Ary tsy eto izahay mba ho hita. Fa eto izahay satria nahatsapa Ny Fanatrehanao izahay. Ary fantatray fa eto Ianao. Ary eto izahay ho an'ny fanitsiana. Ary eto izahay, mahafantatra fa ato amin'ny tranon'Andriamanitra izahay. Ary mahatsapa ho tsara izahay ny tonga eto, tsy mampaninona na tsy mampiadana toy ny ahoana aza ilay izy, ny fitsanganana, ary—ary mipetraka

mifanizina, fa eto izahay satria izahay—mahatsapa izahay fa eto Andriamanitra.

³⁷ Ary mitovy amin'izany no tsy maintsy tsapan'ilay zazalahy tamin'io alina io, rehefa nitory teny lava nandrity ny alina manontolo i Paoly, hafatra iray lava toy ny inona, angamba nanomboka tamin'ny filentehan'ny masoandro ka hatramin'ny fiposahan'ny masoandro, ny ampitso maraina. Ary ilay zazalahy tanora izay nipetraka teny ambony, nianjera izy ka nihevitra izy ireo fa maty izy. Fa nametraka ny vatany teo amboniny i Paoly, ka ilay Fanahin'Andriamanitra izay teo amin'ilay iraka no namerina ny fanahin'aina nankao amin'ny vatan'ilay zazalahy. Dia hoy izy hoe, "Ho mety tsara izy," ka velona ilay lehilahy tanora. Liana tamin'izay nolazain'i Paoly izy.

³⁸ Ary, Andriamanitra, liana amin'izay mety ho lazain'ny Fanahy Masina amin'ny fonay izahay izao maraina izao. Ary mivavaka izahay mba Hamakianao ny Mofon'Aina ho an'ny tsirairay avy aminay, ka rehefa miala eto izahay androany, dia tsy hiala eto amin'ity tranobe ity ho ilay olona iray ihany tahaka anay rehefa niditra izahay. Enga anie hanakaiky Anao kokoa ireo Kristiana. Enga anie hiverina ireo mpanota androany. Enga anie ho sitrana ny marary. Ary enga anie hanatona hanakaiky anay ny Fanjakan'Andriamanitra, na ho ao anatinay mihitsy aza. Fa mangataka an'izany amin'ny Anaran'i Jesosy Kristy izahay, raha miandry Ny Fanahiny izahay hanome anay an'ireo Teny. Amen'a.

³⁹ Ankehitriny dia ndao isika hamaky Soratra vitsivitsy, izany dia... Marina foana ny Tenin'Andriamanitra.

Ary ankehitriny, ary ny tsirairay avy, hitako ianareo fa tena tsara fanahy amin'ireo izay mitsangana. Mahita olona iray mitsangana aho ary mipetraka, ka manome seza iray ho an'ny olon-kafa. Tena mahafinaritra izany. Maniry aho ny hananantsika efitra amboniny, saingy tsy manana an'izany mihitsy isika, ary amin'ity fotoana ity.

Mamadiha ao amin'ny Matio 27, ary hamaky manomboka amin'ny andininhy faha-11 isika, ary avy eo dia hiresaka eo amin'ity lohahevitra ity.

Ary nitsangana teo anatrehan'ny governora Jesosy: ary nanontany azy ny governora, nanao hoe, Ianao ve no Mpanjakan'ny Jiosy?... Hoy Jesosy taminy hoe, Voalazanao.

Ary rehefa nampangain'ny lohan'ny mpisorona sy ireo loholona izy, dia tsy namaly na inona na inona.

Ary eo dia hoy i Pilato taminy hoe, Tsy renao ve hoe firy ireo zavatra maro iampangan'izy ireo anao?

Ary tsy namaly azy tamin'ny teny iray mihitsy izy; ka dia gaga indrindra ny governora.

Ankehitriny tamin'ny fety ny—ny governora... fanaony ny mandefa mpifatotra iray ho an'ny olona, arak'izay tian'izy ireo.

Ary izy ireo tamin'izany dia efa nanana mpifatotra malaza iray, nantsoina hoe Barabasy.

Koa rehefa niara-niangona izy ireo, dia hoy i Pilato tamin'izy ireo hoe, Iza no tianareo halefako ho anareo? Barabasy, sa Jesosy izay antsoina hoe Kristy?

Fa fantany fa nohon'ny fialonana no nanoloran'izy ireo azy.

Ary raha nipeetraka teo amin'ny sezatsarana izy, dia naniraka nankeo aminy ny vadiny, nanao hoe, Aza... manao na inona na inona amin'io lehilahy marina io: fa njaly tamin'ny zavatra maro aho androany tao amin'ny nofiko nohon'ny aminy.

Fa ny lohan'ny mpisorona sy ny loholona dia nandresy lahatra ny vahoaka betsaka mba hangatahan'izy ireo an'i Barabasy, ary hamono an'i Jesosy.

Namaly ny governora ka nanao tamin'izy ireo hoe, Iza amin'ireo roa ireo no tianareo halefako ho anareo?... (Eritrereto fotsiny ity!)... Hoy izy ireo hoe, Barabasy.

Pilato nilaza tamin'izy ireo hoe, Inona àry no hataoko amin'i Jesosy izay antsoina hoe Kristy? Inona àry no hataoko amin'i Jesosy izay antsoina hoe Kristy? Dia hoy izy rehetra taminy hoe, Aoka hohomboana izy.

Dia hoy ny governora hoe,...inona no ratsy efa nataony? Fa vao mainka niantsoantso mafy izy ireo, nanao hoe, Aoka hohomboana izy.

Koa hitan'i Pilato fa tsy afaka naharesy na inona izy, fa vao maika nandroso ihany aza ny tabataba, dia naka rano izy, ka nanasa ny tânany teo anatrehan'ny vahoaka betsaka, nanao hoe, Tsy manan-tsiny amin'ny rân'ity olona marina ity aho: asa anareo izany.

Dia namaly ny vahoaka rehetra, ka nanao hoe, Aoka ny râny ho aminay, sy ho amin'ny zanakay.

Dia nalefany ho azy ireo i Barabasy: ary rehefa nasainy nokapohina Jesosy, dia natolony mba hohomboana izy.

⁴⁰ Sary iray mampalahelo toy ny inona! Miantso lahateny iray avy amin'ity aho, raha tahaka an'izany no hitiavanareo hanoratra azy, na izany no iantsoana azy. Ary angamba te-hanisy titra an'ity ny horonam-peo hoe: *Inona No Hataoko Amin'I Jesosy Antsoina Hoe Kristy?* Ary ny lohahevitra izay tiako ampiasaina, aorian'izany lahateny izany; tiako ny hampiasa ny lohahevitra hoe, “amin'i Jesosy eny an-tânareo.” Amin'i Jesosy eny an-tânareo, inona no hataonareo?

⁴¹ Ny sehatsika dia manomboka, izao maraina izao, ao amin'ny efitra fitsarana; izay i Pilato, ilay governora, no nantsoina teo amin'ny sehatra, mba—mba hihetsika sy—sy hanao fitsarana iray. Tamin'ny maraina aloha be tamin'izany, mialoha kelin'ny misandratr'andro, ary efa nikorontana tanteraka izy tao amin'ny torimasonry, ary—ary antsoina mba hihaino ny—ny zava-misy ny amin'ity Lehilahy ity.

⁴² Fotoan'ny fanohomboana ny Tompo sy Mpamponjintsika izany, Jesosy Kristy. Izy dia—tsy nanao na inona na inona Izzy, raha ny azon'izy ireo hita tao Aminy, ary Izzy dia—namaly ny zavatra rehetra Izzy. Izany fotsiny ilay ora izay tsy maintsy nahatahaka an'izany an'ilay izy.

Tsy misy na inona na inona afaka hitranga raha tsy misy zavatra ao ambadik'izany mba hanao azy ho tahaka an'izany. Tsy maintsy misy antony iray ho an'ny zavatra rehetra izay miseho. Satria izany dia—misy antony izany, mazava ho azy, amin'ny alàlan'ny—ny fanahy izay ao anatin'ny vatana, ao anatin'ny olombelona, sy ny sisa. Misy antony iray ao, anton'izany, sy ny—sy tanjona iray, ary tsy maintsy misy antony iray ao.

Ary izany, ny antony tsy maintsy nitrangan'izany tamin'ity Lehilahy malaza indrindra izay hany niaina tetra an-tany ity, na hany afaka niaina; ny antony nitrangany tahaka an'izao, dia satria izany no fotoana hitrangany. Hitanareo? Tsy maintsy ho tahaka an'izany ilay izy, ary tsy nisy fomba hialana amin'izany. Izany, tsy maintsy tamin'io fotoana io ilay izy.

Ary Jesosy dia tonga tetra an-tany arak'izay nolazain'ny Tenin'Andriamanitra mialoha marina tokoa fa Hahatongavany. Nanao marina tokoa an'izay nolazain'ny Teny fa Hataony Izzy. Niaina an'ilay fiainana Izzy, marina tokoa, ka Andriamanitra no nampahafantatra, na naneho, an'ilay Taranak'io fotoana io. Tsarovy ankehitriny, Andriamanitra . . .

⁴³ Ny Baiboly dia manomboka amin'ny Genesisy ka tonga hatrany amin'ny Apokalypsy. Ankehitriny ity no lesona izay izaho—tiako ho azonareo, hoe . . . Hitanareo, tao amin'ny taranaka tsirairay dia efa voateny, ao amin'ny Baiboly, ny amin'ny zavatra anankiray hitranga ao amin'ny taranaka tsirairay.

Ohatra hoe Daniela dia nahita ny . . . nandika ny nofin'i Nebokadnezara; ahoana no hahatongavan'ireo fanjakana Jentilisa, ary ahoana fa hianjera izy ireo, ary ahoana fa hivoaka izy ireo. Ary ny tsirairay avy tamin'ireo vahoaka ireo tao amin'ireo firazanana sy ireo firenena ireo, io fahefana Jentilisa izay mifehy io, nifehy an'izao tontolo izao, dia nanao marina tokoa arak'izay nolazain'ilay fahitana fa hataon'izy ireo.

⁴⁴ Rehefa i Nebokadnezara, ilay loha volamena, no nesorina, dia niditra ny Mediana-sy-Persiana avy eo; sy ny natioran'izy ireo, araka ny—ny natioran'ilay fitaovana, ary arak'izay

nolazain'ilay mpaminany, marina tokoa. Nebokadnezara, ilay loha volamena, no lehibe indrindra sy voalohany amin'ilay Fanjakana. Ary eo dia ny Mediana-sy-Persiana izay volafotsy. Ary avy eo dia mitohy midina mankao amin'ny fe, avy—avy amin'ny varahina. Ary ny metaly tsirairay dia lasa mihamafy sy mihamafy; ny volamena no malemy indrindra. Ary miafara amin'ny vy ilay izy, dia ilay mafy indrindra amin'ny rehetra amin'izany, dia ny vy.

Ankehitriny, ny tsirairay avy amin'ireo fanjakana ireo dia tonga marina tokoa, araka ny natiora, arak'izay nolazain'ilay mpaminany fa hahatongavan'izy ireo. Ary inona no nataony? Namafy voa iray izy mba hitandreman'ireo firenena, ary isaky ny nifarana io fanjakana io, dia tsy maintsy nanao arak'izay nolazain'ny Teny ilay izy.

⁴⁵ Ary avy eo dia tsy maintsy tonga teo amin'ny sehatra ny Mesia. Ary rehefa tonga teo amin'ny sehatra Kristy, dia tsy maintsy namaly an'ireo Tenin'Andriamanitra izay tsy maintsy tanteraka Izy, izay notenenin'ilay mpaminany, izay Hataony.

Hoy i Mosesy hoe, “Izy dia ho—ho Mpaminany iray tahaka ahy Izy.” Ary ianareo raha nanana...raha nanana fotoana hanaovana tandindona an’izany indray isika ka haneho fotsiny hoe ahoana fa tamin’io fotoana goavana io, rehefa tao amin’ny fahababoana tany Egypta ny Israely, ahoana fa Mosesy dia teraka ho zaza hafahafa, miavaka iray; ary ahoana fa izy—niha-lehibe izy, ary notezaina, ary ahoana fa nafenina tao anatin’ny zozoro izy; ary ahoana fa lasa mpitarika iray izy, nandeha nankany an-tendrombohitra ka nahazo ny lalàna, ary niverina nidina. Ary tsy mpitarika iray fotsiny; fa mpisorona iray izy, sy mpanjaka iray, ary governora iray. Ireo zavatra rehetra ireo, ary ahoana fa nanao tandindona marina tokoa an’i Kristy izany. Ary hoy i Mosesy hoe, “Ny Tompo Andriamanitraiseo dia hanangana Mpaminany iray tahaka ahy.” Hitanareo?

⁴⁶ Ankehitriny, rehefa teraka Kristy, dia tao amin'ny fahababoana indray i Israely tao amin'ny Fanjakana Romana. Ary inona Izy? Teraka ho Zaza miavaka, ary hafahafa, ahoana no nitaizana Azy. Ahoana fa niakatra teny an-tendrombohitra Izy, ary nidina ka nanao hoe, “Efa renareo izy ireo nilaza, ireo tamin’ny andro fahiny hoe, ‘Aza mangalatra.’ Efa renareo izy ireo nanao hoe, ‘Aza mijangajanga,’ fa Izaho kosa milaza, na iza na iza mijery vehivavy iray ka mitsiriritra azy, dia efa njangajanga sahadys.” Mpanome-Lalàna iray, hitanareo, sy Mpanjaka iray, Mpisorona iray, Mpaminany iray, tahaka azy marina tokoa. Noho izany dia tsy maintsy tanteraka ireo zavatra rehetra ireo, ary rehefa mipetraka eo io elanelampotoana io ho an’ny fiainan’ny Mesia, rehefa voamarina tanteraka izany.

Ankehitriny, mety ho ity no lesona lava farany izay ampianariko vettivety. Tiako ho azonareo tsara ilay izy ankehitriny.

⁴⁷ Rehefa voateny ho an'io taranaka anankiray io ny Teny, dia hisy olona iray hitsangana eo amin'ny sehatra izay hanatanteraka an'io Teny io, satria Andriamanitra no niteny Azy. Izany no fanamarinana ny Teny voambara. Ary nahatanteraka ny fepetra tsirairay Jesosy, ary ny Teny, voamarina ho ny Mesia, marina tokoa. Misy ihany koa ireo Teny, voateny ao amin'ny Baiboly, ho an'ny andro farany. Tsy maintsy tonga amin'ny fiainana ireo Teny ireo.

⁴⁸ Ary hitantsika eto fa, tamin'ny andron'ny Tompontsika, efa nandà Azy sahady ny fiangonana talohan'ny Nahatongavany teo amin'ny efitra fitsaran'i Pilato. Nolavin'izy ireo Izy, nanomboka tamin'ilay andro mihitsy izay nanombohan'ny Asam-panompoany naminany ary niteny tamin'izy ireo ny Fahamarinana mikasika ny Teny. Noho izany, dia tsy nety azon'izy ireo izany, ahoana Izy, izay Olona iray, no afaka nahafantatra an'izay tao am-pon'ny olona. Kely no nahafantar'an'izy ireo, fa, ny Teny dia Andriamanitra! “Ary ny Teny,” hoy ny Baiboly, “dia mpamantatra ny eritreritra sy ny fisainan'ny fo.”

⁴⁹ Nefa te-hiantso Azy ho fanahy ratsy iray izy ireo. Hoy Izy hoe, “Hamela anareo Aho ny amin'izany. Fa rehefa tonga ny Fanahy Masina hanao an'ilay zavatra iray ihany, ny miteny teny iray manohitra an'Izany dia tsy ho avela mihitsy.”

Ary ireo zavatra rehetra izay Naminaniany fa hisy amin'izao andro izao ireo, dia misy zavatra izay tsy maintsy hitondra an'izany ho amin'ny fiainana. Fa rehetra entina ho amin'ny fiainana Izany, dia ho tena samihafa betsaka amin'izay neverin'ny olona ho maha-izy Azy izany, hany ilay izy ka-ilay Voafidy irery ihany no hahita an'Izany. Isan'andro, dia ilay Voafidy irery ihany fotsiny no zavatra tokana izay hahita an'Izany, satria Izy no voafidy sy voalahatra hahita an'Izany. Noho izany, tsy mety ilay izy, tsy misy fomba hafa.

⁵⁰ Hoy Jesosy hoe, “Tsy afaka hanatona Ahy ianareo. Tsy misy olona afaka manatona raha tsy Ny Raiko no mitarika azy; ary izay rehetra Nomeny Ahy no hanatona Ahy.” Hitanareo? Hitanareo? Noho izany dia tsy nisy fomba. Hoy Izy hoe, “Manana maso ianareo nefo tsy afaka mahita; sofina, fa tsy afaka mandre.” Hoy Izy, “Naminany tsara ny aminareo Isaia.” Hitanareo? Nipoitra ny faminanian'i Isaia, ka tonga voaseho.

Aza adino izany, eto na ny mpihaino horonam-peo, fa tsy maintsy voaseho ny Tenin'Andriamanitra. Voatery Andriamanitra hahita fa manatanteraka an'izany Izy.

⁵¹ Tahaka ny nanendrena mialoha an'i Jaona Mpanao-batisa ho mpialoha lâlana ny fihavian'i Kristy mihitsy, dia tsy maintsy

nisy lehilahy iray hitsangana haka an'io toerana io. Tsy maintsy tanteraka io Teny io.

⁵² Noho izany rehefa tonga Jesosy amin'ny maha-Mesia voahosotra, ka nanao marina tokoa an'izay nolazain'ny Tenin'Andriamanitra fa Hataony; kanefa niandry zavatra hafa ireo Jiosy, "dia tonga ny Mpanjaka iray niaraka tamin'ny tehimby teny an-Tanany," izay amin'ny ho avy. Fa nanatanteraka ny Teny tsirairay Izzy.

Tany Kapernaomy indray andro, rehefa naka ny Soratra Izzy ka namaky, (efa voamarikareo ve?) namaky ampanahantsoa io fotsiny Izzy. Ary avy eo dia Napetrany ilay Boky, ka nanao hoe, "Anio no tanteraka izany."

⁵³ Rehefa tsy maintsy hitory ny taon-jobily Izzy, ankehitriny, nahoana Izzy no tsy namaky ny sisa tamin'Izany? Satria mahakasika Ny Fihaviany hafa Izany. Tsy nilain'izy ireo ny hahafantatra an'izany. Izany dia ho an'ilay taona izay Hahatongavany.

Fa ilay taona izay nisy Azy, izany ilay antony Nahafahany nilaza hoe, "Tanteraka androany eto imasonareo izany Soratra izany. Eto mihitsy no ahitanareo an'Izany. 'Mba hitory vanim-potoana ankasitrahana, sy hamehy ny fo torotoro, ary hanasitranay ny marary.' Ho an'izany no Nahatongavany.

Ny sisa amin'Izany dia—dia hitondra fitsarana ho an'ny Jentilisa, sy ny sisa, noho izany dia tonga manaraka izany. Hitanareo, tsy maintsy nandà Azy ny Jentilisa, aloha.

⁵⁴ Ankehitriny, eo amin'ny fanohomboana, izay misy antsika androany eo amin'ny lohahevitra, hoe, "Jesosy eo antananareo." Efa voamarina tanteraka ny Tenin'Andriamanitra, efa voaporofo hatrany sy hatrany, hoe Izzy no valiny ho an'ny Tenin'Andriamanitra. Teo amin'izay nisy an'ireo mpanoradalàna . . .

⁵⁵ Hitanareo, efa voapetrak'Andriamanitra Izany. Aoka hianatra an'Izany ny mpitoriteny. Fa, hitanareo, maka ny tenin'olon-kafa izy ireo mikasika an'Izany; vondron-dehilahy iray. Tena jamba ny amin'ny Fahamarinana izy ireo, ka, rehefa voaseho ny Fahamarinana, dia diso amin'ny fahitana an'Izany izy ireo. Fa, hitanareo, marina Andriamanitra, Nosoratany teo Izany. Nosoratany, ato amin'ny Boky mihitsy, izay hitranga amin'izao andro izao, noho izany dia ho tanteraka Izany. Fa ireo hafa dia tsy voalahatra hahita an'Izany, tsy hahita an'Izany mihitsy, hitanareo, izy ireo—nafangaron'izy ireo tanteraka Izzy rehetra.

⁵⁶ Ary izany no Fomba nanaovan'izy ireo Azy tamin'izany. Tsy fantatr'izy ireo mihitsy hoe Izzy Izany. Ary tamin'ny alàlan'ireo famantarana hoe Izzy no Irak'io fotoana io, dia tsy nisy olona afaka nandà an'izany. Niresaka ny amin'izany ny Mpaminaniny; hoy izy hoe, "Izaho, izaho tsy maintsy mihena, fa Izzy no hitombo.

Tsy mendrika ny hamaha ny Kirarony aho, fa mitsangana eo anivonareo Izy ankehitriny,” hoy i Jaona. “Ary ho avy Izy. Ary mipetraka eo amin’ny fototry ny hazo ny famaky; ka ny hazo izay tsy mamokatra voa dia ho esorina hiala amin’ny ala, ka, na hiala amin’ny—ny tanim-boaloboka, na ny—na ny saham-boninkazo. Tsy ho eo intsony izy.”

⁵⁷ Ankehitriny, hitantsika fa nitranga marina tokoa arak’izay Nolazainy ireo zavatra ireo. Afaka namantatra ny eritreritr’izy ireo tao anatin’ny fony Izy. Mpaminany iray Izy. Ny zavatra rehetra izay Noteneniny mialoha, dia nitranga marina mihitsy arak’izay Nilazany azy.

“Hiakatra ho any Jerosalema Aho. Any no hanolorana Ahy eo an-tànan’ireo lehilahy mpanota. Ary hitondra Azy ratsy izy ireo, ka hohomboana Izy. Fa hitsangana indray Izy amin’ny andro fahatelo.” Fa hoy Izy, “Hitanareo aza miteny an’izany amin’ny olona ianareo.” Ary nanajamba an’Izany tamin’izy ireo Izy, ka tsy azon’izy ireo Izany mandra-pahatanterak’Izany.

⁵⁸ Hitanareo, matetika dia mamela antsika ho lasa jamba Izy mandra-pahatonga an’ilay ora izay ilantsika an’Izany. Mamela antsika ho lasa jamba amin’ireo zavatra izay hitantsika amin’izao andro izao Izy, satria izao no ora ilantsika an’Izany, mba hanamarina an’ilay andro izay misy antsika. Hitanareo? Ireo raintsika tsy nahafantatra an’ireo zavatra ireo. Ny Baiboly no nilaza fa tsy hahafantatra an’ireo izy ireo. Nafeniny izy ireo, ary amin’ny—amin’ny andro farany dia ho voambara amin’ireo zanak’Andriamanitra Izany; na, manao, ho voaseho izy ireo, mba hanehoana ny Voninahiny sy ny fiderana Azy eto ambonin’ny tany.

⁵⁹ Ary izay rehetra nolazain’i Daniela mikasika ny andro farany, ary ahoana fa, “Ireo izay mahafantatra ny Andriamaniry dia hanao zava-dehibe.” Ary Soratra maro be mihitsy no mifamatotra amin’ity andro izay iainantsika ity! Ahoana fa ireo andro ratsy, mamitaka dia ho eto ambonin’ny tany! Ary izay ananantsika ankehitriny marina tokoa no manatanteraka an’Izany.

Izy ireo, izy ireo dia—izy ireo dia nomena anjara iray hahita Azy, ary, saingy nandà an’ilay tena Mesiany mihitsy izy ireo.

Ary izany ilay zavatra iray ihany amin’izao andro izao, ilay tena zavatra iray ihany mihitsy. Nomena fanararaotra isika, satria tsy afaka mitsara Andriamanitra raha tsy manana aloha...voamarina amin’ny Fitsarany.

Ankehitriny, raha niteny tamin’ny—ny olona anankiray ianareo nandeha nidina teny an-dàlana, nandeha mafy; nanajanona azy ireo ianareo, nanao hoe, “Misy la—lavaka iray eo amin’ny lèlana ao ambany ao. Raha manohy amin’izao hafainganam-pandeha izao ianao, dia ho faty.”

⁶⁰ Ka hoy izy ireo hoe, “Fahadalana, fantattro izay ataoko.” Amin’izay fotoana izay, hitanareo, tsy mety ho eo aminareo ilay rà, satria efa nampitandrina azy ireo tsara mihitsy ianareo.

Eny, manao an’ilay zavatra iray ihany amin’ny alàlan’Ny Teniny Andriamanitra. Mampitandrina tsara ny olona mihitsy Izy ny amin’ny fitsarana ho avy, ary maneho an’ireo Famantarany sy fahagagany izay voateny mialoha ao amin’ny Baiboly ho an’io taona io. Maneho azy ireo Izy, fa mandeha eo ambonin’Izany fotsiny mihitsy ny olona.

Tsy mora ho an’ny olona iray ny mandeha mankany amin’ny helo. Miady ny lèlany ny olona iray mankany amin’ny helo. Ny lainga voalohany hany noteneninareo, dia fantattrareo fa ratsy izany. Ny sigara voalohany hany nofohanareo, dia fantattrareo fa ratsy izany. Ny ratsy voalohany nataonareo, dia fantattrareo fa ratsy izany. Fa tao amin’ny fieritreretanareo, dia niteny taminareo fa ratsy izany, nefà manohy mamakivaky an’ilay jiro mena ianareo, mandeha mihoaatra an’ireo fefy. Tsy malina ianareo. Tianareo ny hanao an’ilay izy, na ahoana na ahoana, maneho fa zalahy goavana iray ianareo. Hitanareo? Fa, tsarovy, miady ny lèlanareo ianareo mankany amin’ny helo. Tsy mora ny mandeha mankany amin’ny helo. Tsy maintsy mandà ny Fahamarinana ianareo.

⁶¹ Alohan’ny ahazoanareo an’ilay loza, dia tsy maintsy mamakivaky an’ilay jiro mena ianareo. Alohan’ny ahazoanareo an’ilay loza, dia tsy maintsy ianareo, eny amin’ny lèlana, manana an’ireo—ireo fampitandremana izay efa napetraka ianareo. Fa, ianareo, manana ny fombanareo manokana ianareo mikasika an’izany, manana ny olona amin’izao andro izao. Ary mahafantatra betsaka noho ny olon-kafa izy, ary izy tsy hihaino an’ireo—ireo famantarana sy fampitandremana mikasika ny Fitsarana ho avy, sy ireo izay mandà an’i Kristy.

⁶² Mariho ankehitriny, ary izany no neken’izy ireo raha tokony ho ity Kristy ity. Eritrero ankehitriny ny amin’ilay fiangonana tamin’izany andro izany, ny fahajamban’izy ireo. Nandà mpamono olona ampahibemaso iray izy ireo, Barabasy. Lehilahy iray izay efa voaporofo fa mpamono olona iray, ary niandry marina tokoa ny fitsarany. Ary izy—izy efa voaporofo ho—ho mpamono olona iray, ary efa lehilahy ratsy iray. Ary satria fotsiny hoe—hoe ny Fiainan’i Jesosy . . .

Fa, Izzy, nihaika azy ireo Izzy. Hoy Izzy hoe, “Iza aminareo no afaka miampanga Ahy amin’ny fahotana?” *Fahotana dia “tsi-finoana.”* “Raha tsy manao an’ireo asan’Ny Raiko Aho, amin’izay fotoana izay dia aza mino Ahy; raha niteny taminareo ny Fahamarinan’ny Soratra Aho. Ary miresaka ny Amiko ny Soratra, Izzy tenany. Zahao ny Soratra,” hoy Izzy, “satria ao amin’Izzy ireo no heverinareo fa anananareo Fiainana

Mandrakizay, ary Izy ireo no Hany manambara Ahy ao amin'ity taona ity."

⁶³ Fa hoy izy ireo hoe, "Manao ny Tenany ho Andriamanitra Izy. Manao ny Tenany ho zavatra Izy." Tsy nanao na inona na inona Izy... Andriamanitra no nanao Azy ho Andriamanitra; Andriamanitra Izy. Izy no fahatanterahan'ny Soratra. Tsy nanao ny Tenany ho inona na inona mihitsy Izy. Andriamanitra no nanao Azy an'izay naha-izy Azy. Ary, noho izany, ilay izy dia satria izany ilay ora izay hahatanteraka an'io Teny io. Noho izany, fa tsy afaka nahita an'Izany izy ireo, satria nanohitra ny hevitra ara-anaram-pianganan'izy ireo Izany, ny amin'izay noheverin'izy ireo mikasika an'ilay Kristy. Ary nanajamba loatra izany raha ny amin'ny Teny.

⁶⁴ Ankehitriny, ary ankoatr'izany, mba hialana amin'io Lehilahy io, dia tsy maintsy nanaiky mpamono olona iray izy ireo, loza mananontanona ho an'ny vahoaka, ihany koa. Trosa iray ho an'ny fiaraha-monina izany, trosa ho azy ireo; mpamono olona iray! Tsy maintsy nanaiky an'izany izy ireo, satria, mba—mba handàvana an'i Kristy.

Ary alohan'ny ahafahan'ny lehilahy na vehivavy iray hanaiky ny ratsy, dia tsy maintsy mandà ny tsara izy ireo. Misy zavatra mikasika ny natiora, misy lalàna iray ho an'izany, hoe tsy maintsy mandà an'ilay zavatra marina ianareo alohan'ny ahafahanareo mandray an'ilay zavatra ratsy.

Araka ny vao avy notononiko, mba—mba hialana amin'ny fitenenana lainga iray... Ianareo—niteny lainga iray nanohitra ny fitsaranareo tsaratsara kokoa ianareo. Niteny lainga iray nanohitra ny fieritreretanareo ianareo. Niteny lainga iray nanohitra an'izay nampianarin'ny reninareo na ny raiamandreninareo hatao ianareo. Na, na dia ny natiora izy tenany aza dia mampianatra fa tsy tokony hanao an'izany ianareo. Koa, noho izany, ianareo, mba handàvana ny Fahamarinana, dia tsy maintsy manaiky ny—ny—ny lainga ianareo, ary tsy maintsy mandà ny Fahamarinana ianareo alohan'ny ahafahanareo hanaiky ny lainga. Hitanareo?

⁶⁵ Koa tahaka an'izany no nataon'ireo olona ireo, nandà ny Fahamarinana izy ireo. Ary Izy no Fahamarinana. "Izaho no Lèlana, ny Fahamarinana, ary ny Fiaainana."

"Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka voaseho teo anatrehantsika." Ao amin'ny Timoty Voalohany 3:16, "Iaraha-manaiky, fa lehibe ny zavamiafina ny amin'ny toe-panahy araka an'Andriamanitra, fa Andriamanitra dia voaseho teo amin'ny nofo, notsapain'ny tènanay." Andriamanitra, Jehovah! Izany dia—mahagaga izany, manaitra izany, ny mihevitra fa ilay Andriamanitra Izay nametraka ny—ny—ny fihodinan'ny masoandro teny amin'ny

habakabaka, izay nanao an'ireo kintana izay an'arivony goavana noho ity izao tontolo izao ity . . .

⁶⁶ Ary raha ny anankiray tamin'ireo kintana ireo no nanomboka hankety an-tany, amin'ny iray alina maily isan'ora, nahoana, dia hila zato tapitrisa taona izany ahatongavana eto; tena lavitra be izany. Ary kintana kely anankiroa no mipetraka, toy ny hoe inch iray ny elanelany, avy eto, izy ireo dia mifanelanelana lavitra noho izy ireo amintsika. Ary, kanefa, tsy misy anankiray amin'izy ireo tsy mihazona ny toerany. Ary io toeran-kintana lehibe io, oh, oadray, ilay halehibe sy hakadirin'Andriamanitra Izay afaka nanao an'ireo zavatra ireo! Ny tsirairay avy dia tsy maintsy mihazona an'ilay iray hafa. Izany no antony ijanonany tahaka ny maha-izy azy. Raha miala amin'ny laharana izy ireo, dia hianjera ilay rafitra manontolo.

⁶⁷ Izany no nitranga tany Edena. Rehefa niala tamin'ny laharana tamin'ireo didin'Andriamanitra i Eva, dia lavo ilay taranaka manontolo.

Izany ilay olana amin'izao andro izao. Tsy tokony hisaratsaraka ao amin'ireo rafi-pandaminana sy anaram-piagonana isika, sy ny sisa. Tokony ho zanakalahy sy zanakavavin'Andriamanitra isika, miara-mihazona an'ilay toeran-kintana lehibe an'izao tontolo izao.

⁶⁸ New York, tamin'ny herinandro lasa, nihaino hafatra iray notononina, na nolazain'i Einstein aho, ilay siantifika malaza, ilay—ilay antsoina hoe attidohan'ny—an'ny fotoana. Ary izaho dia . . . nandre an'izany. Avy eo dia nandeha aho mba hihaino an'i Norman Vincent Peale, ny amin'ny psykolojiani mikasika ny hoe ahoana no tokony hataon'ny olona, na handehanany, ary hamolavolany ny tenany amin'ny psykolojia.

Noho izany, teo amin'i Einstein, dia niresaka ny amin'ny toeran-kintana izy izay eo anelanelan'ilay rafitra eo, lavitra an'ireo kintana. Ary raha misy olona iray afaka mandeha amin'ny hafainganam-pandeha, mino aho fa nilaza izy, an'ny hazavana, . . . Ankehitriny, neveriko, inona moa ilay, . . . enina arivo sy valo alina? [Hoy Rahalahy Neville hoe, "Enina amby valopolo amby zato." —Mpand.] Zato, enina arivo sy valo alina sy iray hetsy maily isa-tsegondra, no andehanan'io hazavana io. Ary ankehitriny dia zarao dimy minitira izany, firy tapitrisa sy lavitrisa maily no hisy anareo. Ary ny—hila roapolo amby zato tapitrisa taona an'ny fotoan'ny hazavana hitondrana anareo hankany amin'io toeran-kintana io. Ary avy eo dia roapolo amby zato, na dimampolo amby zato tapitrisa taona; dimampolo amby zato tapitrisa taona mankany, ary dimampolo amby zato tapitrisa miverina.

⁶⁹ Fa nandona zavatra iray izy ireo izay nahavery hevitra azy ireo. Ary izy ireo, rehefa avy nandeha tany ka niverina, hila telo tapitrisa taona tokoa ianareo hanaovanareo ny dia, telonjato

tapitrisa taona. Telonjato tapitrisa taona hanaovana ny dia, ary, rehefa miverina eto an-tany ianareo, dia ho dimampolo taona fotsiny tokoa no nahalasa anareo. Miditra ao amin'ny Mandrakizay ianareo. Tsy misy farany ny amin'Izany.

⁷⁰ Ary ny mieritreritra, fa, ilay Andriamanitra Izay nanao an'io rehetra io ka nametraka azy tao amin'ny lamina, ary niteny an'Izany, dia nidina ka tonga nofo teo anivontsika, mba hanavotra antsika. Ary tena nanaja antsika tamin'Ny Fanatrehany mendrika, hoe Izy—hitsangana eto amin'ity tany mpanota ity Izy amin'ny andro farany, ary hanaporofo Ny Teniny ho marina, satria voaterin'io Teny io Izy. Amena. Ny fahamasi-mandidy sy ny fahamarinan'ilay Anankiray Izay mihazona an'ireo zavatra ireo eo an-Tànany!

⁷¹ Mariho, ireo firenena. Ny—tsy maintsy mandà Ny Teny ilay fiangonana, aloha. Avy eo, rehefa avy nandà an'Izany ilay fiangonana, ka niantso Azy hoe “Belzeboba iray, na fanahy ratsy iray,” dia Izany no nitondra azy teo anatrehan’ny governemanta, mba hahavoaheloka an'ilay taranaka manontolo. Ankehitriny dia mahita an'i Jesosy isika, izao maraina izao, eo anoloan'ny—ny governora iray, Pilato, Romana iray, mba hotsaraina. Ary hitantsika fa ilay fiangonana dia nandà Azy, aloha, satria tsy nino Ny Hafany izy ireo, satria tsy nahafantatra ny Teny izy ireo.

⁷² Niteny tamin'izy ireo Jesosy hoe, “Raha ianareo no—nandre an'i Mosesy, dia ho nino Ny Teniko ianareo, satria izy no anankiray izay niresaka ny Amiko.” Hitanareo? Izany ilay Teny izay ilay mpaminany... Satria, ny—tonga tamin'ny mpaminany ny Tompo, ary ny mpaminany no niteny ny Teny ho an'ilay ora izay ho avy. Ary eto dia voamarina Izany, ka hoy Izy, “Milaza ianareo fa mahafantatra an'i Mosesy ary izy no mpitardàlana anareo. Tsy mahafantatra an'i Mosesy ianareo, ary tsy mahafantatra ny Teniny koa.” Amin'ny teny hafa, dia hoy Izy hoe, “Izaho no Teny. Izaho ilay Teny voatondro izay notenenin'i Mosesy fa ho avy, nefo ianareo manameloka Ahy.” Hitanareo? Nohon'ny fombafomban'izy ireo, hitanareo, no nanamelohan'ny fiangonana Azy.

⁷³ Ankehitriny, hitantsika Izy ankehitriny eo anatrehan'i Pilato, ary nekena marina tokoa, ihany koa, voatondro araka ny fotoana, na ilay fiangonana, amin'ny alàlan'ilay iraky ny fotoana. Efa nomena anjara iray izy ireo mba hahita sy hino, saingy nandà an'Izany. Nahoana izy ireo no nandà an'Izany? Maro tamin'izy ireo no te-hino an'Izany; saingy ireo fombafombany, tsy ilay vahoaka, fa ireo fombafombany!

⁷⁴ Ankehitriny, hitanareo, tahaka an'i Nikodemosy izay tonga tamin'ny alina, ka nanao hoe, “Mpampianatra, fantatray fa Mpampianatra iray avy amin'Andriamanitra Ianao. Fantatray fa avy amin'Andriamanitra Ianao. Tsy misy olona mahay manao an'ireo zavatra izay Ataonao raha tsy Andriamanitra no

momba Azy. Izahay . . ." Iza ilay "izahay" izay resahany? Ilay fiangonana, ireo Fariseo, ireo mpitarika tamin'izany andro izany. "Fantatray. Resy lahatra marina tokoa izahay fa Ianao izany Olona izany." Nahoana àry izy ireo no tsy afaka nanao an'izany? Satria, ireo rafitrary. Tiako hilentika tena lalina izany, satria ho tonga eo amin'izany aho. Hitanareo? Ilay rafitra izay efa nanakambanan'izy ireo ny tenany, no ilay anankiray izay tsy nahafahan'izy ireo nihetsika. Na dia tena hitan'izy ireo aza fa Io no Mesia, saingy ilay rafitra izay nifandrais'an'izy ireo no tsy namela azy ireo hanaiky an'Izany.

Ianareo ve—azonareo ve? Ankehitriny dia te-hanontany aho, avy eto amin'ity mpanatrika hita maso ity, firy no mahazo an'izay resahako? Atsangano ny tànanareo. Eny àry.

⁷⁵ Ankehitriny, rafitra iray! Nino an'Izany izy ireo, ary fantatr'izy ireo fa teo Izany. Toy ny ahoana no hitiavako hilaza fa ilay zavatra iray ihany izany amin'izao andro izao! Hitantsika izay natao hisy eto amin'izao andro izao, ary hitantsika Izany, saingy ilay rafitra dia tsy hamela azy ireo hanaiky an'Izany. Tena voafehin'ilay rafitra izy ireo! Hitanareo, tsy ilay olona izany, ilay rafitra izany.

Tahaka an'izay noresahiko mikasika ny Filoha izay vao avy novonoina mihitsy. Tsy ilay lehilahy; araka ny fantattro, dia lehilahy tsara iray izy, tsy nanao zavatra ratsy mihitsy izy araka ny fantattro. Fa ilay rafitra izany. Tsy ny olona izany; ilay rafitra izany.

⁷⁶ Tsy ireo Jiosy izany; ny rafitr'izy ireo izany. Io rafitra io no nanameloka Azy, satria tsy nandefitra tamin'ny rafitr'izy ireo Izany. Azonareo ve? Ankehitriny, ireo zavatra iray ireo ihany no miseho ankehitriny. Ary nifidy an'io fahavalom-bahoaka io izy ireo, mpamono olona iray.

Fa nahatafiditra ny governemanta ilay olana ankehitriny. Noho izany dia tsy maintsy nanonona an'io didim-pitsarana io ny governemanta, satria, mba hanesorana aina iray, dia tsy maintsy tonga eo anatrehan'ny governemanta izany. Tsy navela hanao an'izany izy ireo, satria izy ireo dia teo ambanin'ny—ny fanapahan'i Roma, ary tsy afaka nanala aina iray izy ireo tsy mampaninona na impiry aza no nilazan'ny fiangonany hoe, "Tsy maintsy ataanay izany." Nahoana, izy ireo—tsy afaka nanao an'izany izy ireo raha tsy, voalohany, i Roma no nanome azy ireo ny alàlana ho an'izany. Noho izany, dia tsy maintsy nentina teo anatrehan'ny governemanta izany. Ankehitriny dia tafiditra tao anatin'ilay zavatra ny governemanta.

Ankehitriny, raha tsy izany no sarin'izao andro izao, dia tsy hitako hoe inona. Hitanareo, marina tokoa!

⁷⁷ Mandà an'Izany ny fiangonana, ankehitriny dia tafiditra ny governemanta. Tonga ny fotoana izay ny firenena, ny rehetra, manontolo, no tsy maintsy tonga. Noraisina

ny fanapahan-kevitra. Antomotra ny fampisehoan-kery. Nandà Azy ilay firenena manontolo, ka ny fidinan'ny fahatezeran'Andriamanitra no teo amin'izy ireo. Ary talohan'ny... Nandà Azy mihitsy aza ny fiangonana, ka izany no nitondra ny fahatezerana teo amin'ny fiangonana. Fa ankehitriny dia ny firenena no nandà Azy, mba hitondra ny fahatezerana eo amin'ny rehetra.

Ary, amin'izao andro izao, dia nandà Azy izao tontolo izao, mba hitondra fitsarana eo amin'izao tontolo rehetra izao. Tsy maintsy tsaraina ny firenena rehetra.

⁷⁸ Ary fantatsika fa izany dia nitranga tamin'ny andron'ilay generaly Romana malaza, Titus. Nataony fahirano i Jerosalema, ary avy eo ny niafarany fotsiny... Nifampihinana zanaka izy ireo; nihinana hodin-kazo, sy ahitra avy tamin'ny tany. Ary—ary avy eo dia niditra nitaingin-tsoavaly avy hatrany i Titus ka nandrodana an'ireo manda ka nandoro an'ilay tanàna, ary ny rà dia nandriaka teny—teny an-dàlambe tahaka an'izany, rehefa namono azy ireo tao izy.

Ary tsy maintsy izany ilay izy. Alohan'ny ahafahan'Andriamanitra marina iray hamela ny olona, izay Nofidiany, ho tonga eo ambanin'ny zavatra tahaka an'izany, dia—dia tsy maintsy misy antony marina iray. Marina Izy. Ireo—Ireo lalàny dia mitaky ny Fahamarinany. Ary ny lalàna iray tsy misy sazy dia tsy lalàna.

⁷⁹ Raha nilaza aho, nanao lalàna iray teto amin'ny tanàna hoe, “Misy ny—ny—ny lamandy amin'ny fandikana jiro mena iray,” nefá avy eo tsy misy sazy amin'izany, dia hanohy handika an'ireo jiro mena fotsiny ianareo. Fa tsy maintsy misy ny sazy iray.

Ary ny sazin'ny lalànan'Andriamanitra, ny mandà ny Fandaharany, dia fahafatesana. Ary tsy maintsy nisy fahafatesana iray, noho izany dia tsy maintsy aloa izany.

⁸⁰ Mitsangana ao amin'ilay raharaha—pitsarana mitovy isika izao maraina izao, manerana an'izao tontolo izao, raharaha—pitsarana iray. Nandà ny Teny ireo anaram-piangonana rehetra. Fantatro fa tena masiaka izany. Ary tiako ireo mpitoriteny izay mihaino, manatrika eto sy ireo ao amin'ny horonam-peo, ihany koa, hiezaka hazaho an'ity ankehitriny, hoe miezaka manao azy mazava aho. Fa mihazona ny hevitro aho, na milaza ny hevitro aho eto, ary milaza fa isika dia mitsangana, androany, ao amin'ny efitra fitsaran'i Pilato hafa iray.

⁸¹ Hoy ianareo hoe, “Raha izaho no nitsangana tany, dia ho niteny nanohana an'i Jesosy Kristy aho.” Ary, eny, inona no ataonareo mikasika an'izany ankehitriny? Izany ilay zavatra. Hitanareo? “Tsy mampaninona na impiry no nandavan'ny fiangonana Azy, dia ho nitsangana teo Anilany aho.” Nanana an'ilay fanararaotra ianareo. Ah-hah. Hitanareo? Izy ireo, nandà Azy izy ireo.

⁸² Ankehitriny dia tsaraina Izy, androany, na vao avy notsaraina, na, ary eo amin'ny raharaha-pitsarana, mba hanaovana rafit'r'izao tontolo izao iray, izay antsoina hoe, ny fiombonamben'ireo fiangonana, mba—mba—mba hatao ao amin'ny—ao amin'ny Fiombonamben'ny fiangonana Manerantany. Ankehitriny, dia inona no nataon'izy ireo? Nolanian'izy ireo fa hanakambana ny tenany tanteraka hiaraka tokoa izy ireo ary hanana fiombonamben'ireo fiangonana iray.

Ary ao amin'io Fiombonamben'ireo Fiangonana io, hoe tsy maintsy mikambana amin'io fiombonambe io ireo fiangonana rehetra, na, raha tsy izany izy ireo, dia tsy avela hitory teny akory aza ianareo, tsy avela hanao vavaka iray ho an'ny marary akory aza ianareo. Ary ny fiangonanareo dia azo ampiasaina amin'ny zavatra rehetra tian'izy ireo ampiasaina azy. Raha tehitahiry boaty ao izy ireo, na bala, na inona na inona tian'izy ireo hatao, dia tsy manana fifehezana an'izany mihitsy ianareo. Na ianareo mikambana amin'ilay Fiombonamben'ireo Fiangonana na ianareo tsy mikambana mihitsy.

Ary izany ilay rafitra izay atao eto Etazonia, izay manatanteraka ny Soratra, hatrany amin'ny teboka. Manatanteraka an'izay notenenin'ny Tompo tamiko tamin'ny 1933 izany, hitanareo, ary mitsangana eo amin'izany fotoana izany isika izao maraina izao.

Ary Jesosy Kristy, ilay Teny, dia eo amin'ny raharaha-pitsarana, androany, tahaka ny tamin'ny fanohomboana, ary ankehitriny dia eo an-tànantsika Izy. Eo an-tànan'izao tontolo izao Izy. Efa voatondro mazava tsara ny Teny, nanerana an'izao tontolo izao, hitanareo, ary mitsangana eo amin'ny raharaha-pitsarana iray Izy. Nandà Azy ireo anaram-piagonana rehetra. Ary ankehitriny dia tsaraina Izy ho ny...ao amin'ny Fiombonamben'ireo Fiangonana, ary mandà Azy indray izy ireo ka mifidy raha ny marina tahaka ny nataon'izy ireo tamin'izany.

⁸³ Hitanareo, mamerina ny tenany ny natiora ao amin'ny tantara, satria manohy tsy miova ny natiora. Mbola manohy mitombo foana ireo hazo, ary maniry ireo zava-maniry, sy ireo voninkazo, ary minodina tahaka azy isan'andro mihitsy ny tany. Ny natiora izany. Ary ny natioran'ny taona tsirairay dia mamokatra, indray, ary miverina mamokatra an'ilay—ilay taratry ny—ny—ny natiora izay talohan'izy ireo. Ary, androany, dia mahita ny tenantsika indray mitsangana eo amin'io toerana iray io ihany isika.

Ankehitriny, Jesosy dia “ny Teny,” Masindahy Jaona, ny toko faha-1. Mino an'Izany isika rehetra. Izy no Teny. Ary satria Izy no Teny...Aoka hahazo azafady. Izy no Teny, ary tsy maintsy manohitra an'ilay rafitra Izy.

Ary izy ireo tsy—tsy nandà Azy nohon'ny Fahagagany izy ireo. Tsy nandà izy ireo. Nilaza izy ireo . . . Hoy Izy hoe, “Iza no afaka miampanga Ahy?”

“Ary inona no ratsy Nataony?” hoy ilay ramatoa kely. “Inona no ratsy Nataony afa-tsy nanasitrana ny marary?”

⁸⁴ Hoy izy ireo, “Tsy noho ireo zavatra ireo no anamelohanay Azy.” Hitancareo? “Manameloka Azy izahay satria Izy, izay olona iray, dia manao ny Tenany ho Andriamanitra.” Nefa ny Soratr’izy ireo manokana no nilaza fa ho Andriamanitra Izy.

Ao amin’ny Isaia, ilay mpaminany lehibe izay nanoratra Boky enina amby enimpolo an’ny Isaia, ary manomboka amin’ny . . . Any amin’ny voalohany, ohatra ny fiandohana; ary eo afovoan’ilay Boky dia tonga i Jaona Mpanao-batisa; ary mifara amin’ny fanjakana Arivo taona. Ary Boky enina amby enimpolo ao amin’ny Baiboly, mitovy amin’ny hoe misy toko enina amby enimpolo ao amin’ny Isaia. Mahavariana fa mifanojo tahaka an’izany ilay izy. Io Isaia 9:6, hoy izy hoe, “Zaza no teraka ho antsika, Zazalahy no omena antsika; ary Ny Anarany dia hantsoina hoe, ‘Mpanolo-tsaina, Andrian’ny Fiadanana, Andriamanitra Mahery, ilay Ray mandrakizay, Mahagaga.’”

⁸⁵ Ary ireo fombafomba jamba, na rafitra, dia tsy nahita fa Andriamanitra Io; tamin’ny alàlan’ny mpaminaniny manokana, izay nahatongavan’ny Teny, izay nilaza fa ho Andriamanitra Izy. Ireo rafitra jamba! Noho izany dia nolavin’izy ireo ny Teny, ka nila mpamono olona iray teo amin’ny toerany, Barabasy.

⁸⁶ Ary, amin’izao andro izao, ny Teny, tena mazava tsara ho an’ity andro ity, dia efa nohamarinina. Efa natao nisy Izany. Efa voaseho ho ny Fahamarinana Izany. “Ary amin’ny andro farany,” araka ny nolazain’i Jesosy, “tahaka ny tamin’ny andron’i Sodoma,” sy ny sisa, “dia ho toy izany koa amin’ny fihavian’ny Zanak’olona.” Ilay tena Andriamanitra, Izy tenany, Izay ny Teny, no nilaza mialoha ny andro farany sy izay hitranga; ary hamiratra ireo Hazavana amin’ny andro hariva; ary ahoana fa, Malakia 4, handefa an’ireo zavatra ireo Izy ary hanaporofo azy ireo.

⁸⁷ Ary nentina teo amin’ny toeran’ny fanapahan-kevitra iray izany, nefà nandà an’Izany ireo fiangonana. Ary inona no nirian’ireo fiangonana? Mpamono ny Teny iray, anankiray izay maka rafitra iray. Raha mifanohitra amin’ny Teny ilay rafitra, amin’izay fotoana izay dia mpamono ny Teny izany. Ary naniry fombafomban’anaram-piangonana iray izy ireo, raha tokony ho ny Teny marina izay voaseho ary voaporofo fa Izany no Andriamanitra eo anivon’ny olona; tamin’ny alàlan’ny siansa, tamin’ny alàlan’ireo sary, Hazavana iray, ilay Anjelin’ny Tompo iray ihany, ilay Andry Afo.

Ilay Anankiray ihany izay niaina tetra an-tany tao amin’ny—tao amin’ny vatan’i Jesosy Kristy, no tonga eo amin’ny Olony

amin'ny andro farany, ka ny siansa no naka ny sarin'Izany. Nahita an'ireo Asany ny fiangonana. Voatondro marina tokoa izany, tamin'ny alàlan'ireo horonam-peo sy ny zavatra rehetra, manerana sy manerana an'izao tontolo izao, ary voatory amin'ny isan'olona.

Nefa mbola, ao amin'izany rehetra izany, dia maniry Fiombonamben'ireo Fianganana iray ny rafitr'izy ireo mba hanameloka ny Fahamarinana. Maniry mpamono olona iray izay hampangina, na hampijanona, na handroaka. Ary, hataony izany, hajanon'izy ireo ny Zavatra tahaka an'izany. Ary tsy maintsy hanao an'izany ilay Fiombonamben'ireo Fianganana. Izany ilay mariky ny bibidia; antikristy, manohitra ny Teny, izay Kristy. Fa tsy ny fanen- . . .

⁸⁸ Mihevitra izy ireo fa fombafomba izany. Mihevitra izy ireo fa avy amin'Andriamanitra ny fombafomban'izy ireo. Hitanareo? Saingy tsy hijoro miaraka amin'ny Teny izany, ary tsy manamarina an'izany ho marina koa Andriamanitra. Nijoro niaraka tamin'ny Teny Jesosy, fa tsy niaraka tamin'ny fiombonamben'izy ireo; fa niaraka tamin'ny Teny. Ary ny Teny no nanaporofa Andriamanitra Izy.

Ary Izany no manaporofa androany fa Andriamanitra Izany, satria miaina an'ilay Fiaianana iray ihany Izany, Izany dia manao an'ilay zavatra iray ihany eo anivontsika izay Nataony tany aoriana tany, ary voalaza mialoha.

⁸⁹ Noho izany dia inona no ataon'izy ireo? Manaiky zavatra iray izy ireo izay . . . Nanaiky izy ireo, sahady, ilay tena rafitra izay hanohombo an'Izany mihitsy. Ary antomotra ny fanohomboana ny tsy anaram-piangonana afaka. Marina izany.

⁹⁰ Ankehitriny, tsy mifanohitra amin'ny Soratra izany. Araka ny Soratra izany. "Ary hanao sary iray ho an'ny bibidia izy ireo." Manakambana an'ireo anaram-piangonana maneran-tany ao anatin'ny Protestanta anankiray, manao ny mariky ny bibidia, ny sarin'ny bibidia, araka ny Apokalypsy 13:8. "Ary nanao sary iray an'ny bibidia izy ireo."

Ilay *bibidia* dia "Roma." Mahafantatra an'izany isika rehetra. Fa efa i Roma foana izany, ny rehetra . . . Ahoana no ahafahan'izany ho—ahoana no ahafahan'izany ho Rosia, nefä ny Baiboly dia milaza hoe Roma? Hitanareo, diso hevitra fotsiny ny olona. Hitanareo? Ahoana no ahafahan'izany ho zavatra hafa iray, nefä efa voalaza mialoha fa tsy maintsy avy ao Roma izany?

⁹¹ Miverena indray any amin'ny Daniela, ilay vy sy tanimanga eo amin'ny tongotra; tsy nitsahatra mihitsy ilay vy, nanomboka teo amin'ny lohalika nidina ka hatrany amin'ny farany. Ary ny olona rehetra dia mahafantatra fa tsy mbola fantatra akory aza i Rosia tamin'izany. Roma izany. Ilay dragona mena dia Roma. Roma foana izany. Ary tsy niova ho zavatra hafa mihitsy io vy

io, avy tamin'ny Roma nankany amin'ny zavatra hafa; nianona ho Roma izany. Ary ilay bibidia dia Roma!

⁹² Ary ilay Roma dia nanana rafitra ara-pivavahana izay nanana loha nahafaty...na ratra nahafaty namono azy teo amin'ny lohany, saingy velona indray izy, avy tamin'i Roma mpanompo sampy nankao amin'i Roma papaly. Ary ankehitriny dia hanao sary iray an'izany izy ireo, avy amin'ilay bibidia izay mivoaka avy ao amin'ny Apokalypsy 13.

Efa mba voamarikareo ve? Ity firenena ity dia manana isa telo ambin'ny folo, ary miseho... Tsy milaza aho hoe ity dia... Ilay izy dia—hafahafa ilay izy, na izany aza, hoe nitranga aramatematika ilay izy, ma...araka ny Soratra marina tokoa. Izy dia hita ao amin'ny toko faha-13-n'ny Apokalypsy, ity firenena ity.

⁹³ Ireo bibidia hafa rehetra dia nivoaka avy tao amin'ny rano, izay hatevenana sy habetsahan'olona, hoy ny Baiboly; fa ity bibidia kely ity dia nivoaka avy tao amin'ny tany, izay tsy nisy olona. Kanefa, zanak'ondry iray izy, fahalalahana'ny fivavahana; avy eo dia niteny tahaka ny dragona iray izy, ary nanakambana ny tenany tamin'ny hery ka nanao an'izay rehetra nataon'ilay dragona talohany. Marina tokoa. Noho izany dia eo ianareo izao. Izany dia—tsy maintsy ho tahaka an'izany ilay izy. Tsy misy fomba hafa hihodinana amin'izany.

⁹⁴ Ary eto isika izao, androany, manao an'ilay rafitra. Rafitra iray! Tsy afaka miandry isika mandra-pisian'ny iray... Niezaka isika nanao ny olona rehetra ho lasa ny—Loterana iray; nefo tsy afaka nanao an'izany. Niezaka nanao azy ireo ho lasa Batista iray; tsy afaka nanao an'izany isika. Ny rehetra ho lasa Metodista iray, na ny rehetra ho Pentekotista iray; tsy afaka nanao an'izany izy ireo. Noho izany, mba hanaovana an'io, tena fohy ny fotoana, dia nanao fiombonambe iray izy ireo, loha iray, sary iray an'ny bibidia. Izany marina tokoa no nataon'izy ireo. Ary inona izany? Ny fanohomboana ny Teny, indray, dia antomotra. Eo amin'ny raharaha-m-pitsarana iray izany ary ho tonga eo amin'ny sehatra tsy ho ela.

⁹⁵ Mariho, ny Teny voaseho, amin'ny anaram-piangonana. Izany dia maneho. Ny—ny Teny dia samihafa amin'ny anaram-piangonana.

Inona io, inona io rafitra io? Izany dia zanabolana iray ho an'i Roma. Tsy nilaza ve ny Baiboly fa ho izany ilay izy? Eny, tompoko! Apokalypsy 17, nahita an'i Roma nanangana ny tenany tao amin'ny rafitra ara-pivavahana iray izy ireo, an'ny vehivavy iray. Ny vehivavy iray, ny fiangonana dia voaseho amin'ny alàlan'ny vehivavy isan'andro.

Satria, ny Ampakarin'i Kristy dia vehivavy iray. Eva no anankiray izay lavo; izy no Anankiray izay havotana. Ary ilay Fiangonana (dia inona?) dia vehivavy iray izay navotana.

⁹⁶ Ary ity vehivavy ity dia mipetraka eo ambonin'ilay bibidia miaraka amin'ny loha fito. Ary fantatsika ny mikasika an'ireo havoana fito, sy ny sisa, araka ny nolazain'ny Baiboly fa hisy izany. Tsy misy fahadisoana. Tsy misy anjara ho an'ny fahadisoana iray. Hitanareeo?

Ary mariho avy eo, mahita isika, fa izy dia "RENIN'NY MPIJANGAJANGA." Hitanareeo? Ary miara-mikambana indray ny reny sy ny zanakavavy ao amin'ny fisakaizana. Fa, indray mandeha, dia nandositra niala tamin'ilay reny ilay zanakavavy, mba hiezaka hiaina mendrika, satria tena ambany sy masiaka ny reniny hany ka nandao ny trano ilay zazavavy. Ah-hah. Fa ankehitriny, hatramin'ny nanombohany nahazo taona kely, izy, ary nanao zava-dratsy marobe, ny tenany; izy no reniny, mihevitra izy fa marina ny an'ny reniny, noho izany dia manao rafitra iray avy amin'ny azy manokana izy. Hitanareeo? Marina tokoa.

⁹⁷ Manakambana ny anaram-piangonana, Protestantisma, manatantera marina tokoa izay nolazain'ny Soratra an'ny Apokalypsy 17. "Ny rehetra, izay tsy voasoratra ao anatin'ny Bokin'ny Fiainan'ny Zanak'ondry ny anarany, dia mikambana aminy." Ny anankiray na ny hafa, na ilay bibidia na ilay sarin'ny bibidia. Ny Baiboly no niteny an'izany.

Ary niresaka ny amin'io Jesosy, tsy hoe kominism. Fa ao amin'ny Matio ny toko faha-24, manomboka amin'ny andininy faha-21 ka hatramin'ny faha-26, dia nilaza mialoha Izy fa ilay fanahy ao amin'io rafitra io dia tena hitovy betsaka amin'ilay tena zavatra hany ka hamitaka an'ilay tena Voafidy izany raha azo natao; ilay Voafidy, izay manana ny Anarany voapetraka eo amin'ny Bokin'ny Fiainan'ny Zanak'ondry talohan'ny fanorenana an'izao tontolo izao. Ary, am-pahatsorana, hanao azy ireo ho tena voafatotra izany, hany ka nilaza Izy fa raha tsy Nohafoheziny ilay asa, nohon'ny amin'izy ireo, dia tsy ho nisy nofo novonjena teto ambonin'ny tany. Ary isika dia manana fotsiny ihany . . .

⁹⁸ Izao dia—izao dia '64, sa tsy izany? Ary heveriko fa izy ireo dia milaza fa misy fito ambin'ny folo taona ankoatran'izao, noho izany, araka ny alimanaka. Ary eo amin'ny '64 isika, 1964, izay hanao (inona izany?) enina amby telopolo taona tavela, hatramin'ny taonjato faha-iraika amby roapolo.

Ary isaky ny roa arivo taona, dia tonga eo amin'ny fiafaran'ny rafitra manerantany izao tontolo izao, rafitra arapivavahana, eo amin'ny fiafaran'ny rafitra rehetra, ary tsy maintsy niditra Andriamanitra. Nanao Izy tamin'ny andron'i Noa; ireo roa arivo taona voalohany. Ireo arivo taona faharoa; miverina eo amin'izay antsoin'ny lahatenintsika ilay rafitra, izao maraina izao, ary nandefa Ny Teniny indray Izy. Nandefa Ny Teniny tamin'ny alàlan'ny mpaminany iray Izy, tamin'ny

andron'i Noa, Noa mpaminany; fa nolavin'ny olona Izany, nohon'ny rafitr'izy ireo. Nandefa Ny Teniny indray Izy tamin'ny andron'i Jesosy, ny Teny voaseho tamin'ny fahafenoana; nolavin'ny olona Izany. Ary ankehitriny dia 1964 izao, enina amby telopolo taona sisa tavela mandra-pahatongan'ny roa arivo taona amboniny mihitsy aza; ary efa nentina ny Teny, fa nandà an'Izany ilay rafitra.

⁹⁹ Akaiky toy ny ahoana isika? Angamba efa tara noho izay heverintsika, hitanareo, mety hitranga amin'ny fotoana rehetra izany. Angamba efa nitranga izany, araka ny fantatsika rehetra, tahaka ny noteneniko tamin'ny Alahady lasa rehefa teto. Mety efa eo amin'io Boky io ilay anarana farany; rehefa eo izany, dia tsy misy hiditry intsony. Hanohy handroso tahaka ny naha-izy azy fotsiny izao tontolo izao, saingy ilay Fiangonana dia voaisy tombokase. Mariho ankehitriny raha manohy isika eto. Ny anaran'izy ireo, ankehitriny, tsy hamitaka an'ireo izay manana ny anarany voasoratra eo izy.

¹⁰⁰ Inona izany? Tsy maintsy ho rafitra iray izany. Hitanareo? Ary eritrereto fotsiny, ny mikambana amin'io anaram-piangonana ao anatin'io rafitra io, inona no ataonareo amin'izay fotoana izay? Inona no nataonareo? Voaisy tombokase ianareo, hitanareo, lavity ny Teny, mankany amin'ny rafitra mpamono olona iray izay manaisotra, “Manana ny endriky ny toe-panahy araka an'Andriamanitra, nefä mandà ny Heriny.” Izany no mariky ny bibidia. Marina tokoa. Hitanareo?

¹⁰¹ Izany ilay bibidia eo, izay nataony; ary ity ilay sary, ilay zavatra iray ihany. Ary tena lehibe ilay bibidia, izay nanao an'ilay fiangonana malaza manerantany tany Nise, hitanareo, ka izy ireo dia nanao ny rehetra—an'izao tontolo rehetra izao hanatona an'izany, ho eo amin'io rafitra anankiray io. Ary nihevitra izy ireo fa tena lehibe izany hoe, “Tsy misy olona mahay miady amin'izy ireo,” hoy ny Baiboly, hany ka nanao sary iray ho an'ny bibidia izy ireo, ka nitondra ny Protestanta rehetra tao anatin'ny Fiombonamben'ireo Fiangonana; izay nanao rafitra iray, ka tsy ho noheverina ho Kristiana iray akory aza ianareo na zavatra hafa raha tsy nikambana tamin'io rafitra io.

¹⁰² Misy fahasamihafana eo amin'ny mariky ny bibidia sy ny fanisiana Tombokasen'Andriamanitra. Manisy tombokase amin'ny alàlan'Ny Teniny Andriamanitra. Mino ve ianareo fa izany ny Teny?

Ankehitriny dia hoy ianareo hoe, “Marina ve izany, Rahalahy Branham?” Eny, tompoko.

¹⁰³ Ankehitriny, fantatro fa ianareo Sabatista, na ireo Adventista an'ny andro Fahafito, dia manao hoe, “Ny fitandremana ny andro Sabata.” Fa tsy izany ilay izy. Tsy hoe

ny ho ratsy aminareo, fa tsy ara-tsortra tanteraka mihitsy izany.

Hoy ny Efesiana 4:30, hoe, “Aza mampalahelo ny Fanahy Masin’Andriamanitra, izay nanisiana tombokase anareo hatramin’ny andro fanavotana anareo.” Hitanareo?

¹⁰⁴ Ankehitriny, ny Fanahy Masina dia ny Teny. Tsy telo Andriamanitra. Izy no ilay Andriamanitra iray ihany ao amin’ny fizaram-potoana telo, asa telo. Andriamanitra, ilay Ray, teo ambonin’ny lalana; Andriamanitra, ilay Zanaka, tao amin’ny fahasoavana; ary Andriamanitra, ilay Fanahy Masina, araka ny iantsoanareo Azy, ilay Andriamanitra iray ihany ao amin’ny fizaram-potoan’ny Fanahy Masina. Andriamanitra, ilay Ray, dia ny Teny; Andriamanitra, ilay Zanaka, dia ny Teny; ary Andriamanitra, ilay Fanahy Masina, dia ny Teny. Hitanareo, asa telo fotsiny izany. Ary mba ha-... Ary ny Fanahy Masina no manisy tombokase anareo, noho izany dia voaisin’ny Teny tombokase ianareo.

Ankehitriny dia hoy ianareo hoe, “Eny, izaho dia voaisy tombokase tamin’ny...”

¹⁰⁵ Eny, noho izany, dia manondro ny tenany izany. Hitanareo? Manaporofa izany. Tsy afaka hikambana amin’ny rafitra iray ianareo, ka voaisy tombokase amin’ny rafitra sy ny Teny, hitanareo, satria mifanohitra izany, ny iray amin’ilay hafa. Tsy afaka manao an’izany ianareo. Eny àry.

Ankehitriny dia mahita isika, fa, ilay milina mekanika goavana, ireo mekanikan’ilay milina goavana, izany dia mba...

Ilay milina, izany dia... ny fiarakodia iray, izany dia manana pistons, soupapes, sy carburateur, sy ny sisa. Izany ireo—izany ireo mekanika.

¹⁰⁶ Tiako ny hilaza zavatra iray amin’ilay Fiagonana eto mihitsy, tonga ao amin’ny fitadidiako. Hitanareo, izany no... Mino aho fa tena akaikin’ny farany isika, izaho—hilaza zavatra iray aho ankehitriny. Hitanareo? Hitanareo? Ireo—ireo mekanika, Maro ireo olona miezaka manazava an’ireo mekanika nefo tsy fantatrareo izany. Hitanareo? Ny zavatra tokana izay ianareo... Ary, fantatrareo, tokony ho fantatrareo izany. Fantatra ireo mekanika. Ankehitriny ahoana moa raha i Mosesy...

Ahoana moa raha nilaza ny olona iray hoe, “Noa, te-hanazava aminao an’ireo—ireo mekanika aho hoe ahoana no itsingevanan’ilay sambofiara. Ahoana izany?” Tsy afaka manao an’izany izy.

Tsy voatery hahafantatra an’ireo mekanika ianareo; ireo Dynamikan’Izany fotsiny. Hitanareo, ireo Dynamika no ilainareo ho fantatra.

“Ahoana?” Eny, raha tonga teo amin’ny Isirael ny olona iray, ka nanao hoe, “Hono ho’aho, ry Mosesy, te-hahazo aho. Ahoana no nahafahanao namorona biby tamin’ny teninao manokana?”

¹⁰⁷ Hoy izy hoe, hoy izy, “Tsy teniko ilay izy. Ilay izy dia Tenin’Andriamanitra. Izy no niteny tamiko hanao an’izany.” Hitanareo?

¹⁰⁸ “Izaho—izaho—izaho... Teneno, azavao amiko hoe ahoana no nanaovanao an’ireo lalitra ho tonga teto an-tany, nefy tsy nisy iray teo, io lalitra betsaka teto an-tany io.” Hitanareo? Tsy afaka nanazava an’izany i Mosesy, ny tenany. Tsy voatery ianareo. “Ahoana no nanaovanao ny rivotra atsinanana ho tonga ka nitsoka lavaka iray nitety an’ilay Ranomasina Mena, ary nanaraka anao teo amin’ny tany maina izahay rehetra. Azavao ireo mekanikan’izany. Inona—inona—inona ilay—ilay—ilay rafitra izay nampiasainao, ry Mosesy? Inona? Teneno amiko ilay fikarohana siantifika hoe atoma inona no navotsotrao.” Hitanareo? Hitanareo?

¹⁰⁹ Tsy fantany izany. Izy, eny, tsy fantany ireo mekanika; nahafantatra an’ireo dynamika fotsiny izy. Ary—ary izany ilay fanao.

Tsy afaka miteny aminareo aho hoe ahoana no mahavelona ahy. Tsy afaka miteny aminareo aho hoe ahoana no mahavelona anareo, saingy velona ianareo. Tsy afaka miteny aminareo aho hoe ahoana ny fonareo, sy ny sakafonareo izay miditra ka manao ny rà. Ary maka ny—ny hery avy amin’io sakafio, ka—ka mandeha mankao amin’io sosona fahatelon’ny làlan’ny tsinay io ka mamadika an’izany ho ain-drà, ary mandefa an’izany miverina manerana anareo. Izaho—tsy afaka manazava an’izany aho, nefy manao an’izany ilay izy. Hitanareo, manao an’izany ilay izy. Izaho—tsy afaka manazava an’izany aho. Tsy mahafantatra an’ireo mekanika aho. Ilay izy dia ireo dynamika.

¹¹⁰ Ankehitriny, mety nahafantatra an’ireo mekanika i Mosesy, saingy tsy nisy olona teo amin’ny toeran-kafa hahazo an’izany afa-tsy i Mosesy. Fantatr’izy ireo fa nety izany, ary mahafa-po izany. Nahoana ny olona no tsy mety afa-po tahaka an’izany amin’izao andro izao? Hitanareo? Tsy afaka ny ho Mosesy iray ny olona rehetra. Mosesy anankiray fotsiny no nisy. Fantatr’izy ireo fotsiny fa avy tamin’Andriamanitra izany. Hitan’izy ireo fa avy tamin’Andriamanitra izany.

Ary nanohy nanaraka izy ireo ary nanao tsara mandrapahatongan’izy ireo nanomboka nisalasala an’izany, te-hanangana olon-kafa hanao an’ilay zavatra iray ihany, Kora, Datana. Ary rehefa nanana olona iray nampiditra fakan-tahaka ara-nofo izy ireo, dia hoy Andriamanitra tamin’ny farany hoe, “Saraho ny tenanao. Aza miditra ao amin’io rafitra ararafi-pandaminana io. Hitanao, mivoaha avy ao amin’izany!

Hateliko izany.” Dia nanokatra ny tany Izy ka nitelina an’izany. Hitanareo?

¹¹¹ Tsy mahafantatra ianareo, tsy voatery hahafantatra an’ireo mekanika ianareo. Fantaro fotsiny ireo dynamika, ilay zavatra izay manetsika azy, izay manao azy ho marina, dia jereo raha tsy mahadona an’ilay fikendry izay nampanantenain’ny Baiboly fa hodominy amin’izao andro izao izany. Hitanareo, ny Teny indray izany, miverina amin’ny Teny.

¹¹² Ankehitriny, mipetraka ilay milina goavana ankehitriny, ary vonona ny hihetsika. Efa eo ireo mekanika. Efa manana an’ilay rafitra mekanikan’ny rafi-pandaminana iray izy ireo izay hitondra, eto ambonin’ny tany, “fiadanana iray,” hoy izy ireo. izy ireo dia manana ny...ohatra ny U.N.

Mikambana miaraka ireo firenena. Fotoan’ny fikambanana iray izao. Vao avy nitory teo amin’izany aho, vao haingana. Ny...Mikambana miaraka izy ireo, hitondra inona? Fiadanana iray maneran-tany. Nanao an’izany izy ireo tao amin’ny Fikambanan’ireo Firenena. Efa nanao an’izany foana izy ireo, fa tsy mety mihitsy izany. Tsy afaka hety izany. Ny U.N. dia tsy misy afa-tsy baolina fingotra goavana iray fotsiny izay entin’ny rivo-poto-pampianaran’ny firenena tsirairay. Hipoaka izany ary hitsoaka ny zavatra rehetra. Tsy afaka hety izany.

Tsy afaka hety koa ny Fiombonamben’ireo Fiagonana. Rafi-pandaminana iray nataon’olona izany, manohitra an’ilay rafitra...na miaraka amin’ny rafitr’izy ireo mifanohitra amin’ny Tenin’Andriamanitra, fa tsy afaka hety izany. “Ahoana no ahafahan’ny roa handeha hiaraka raha tsy nifanaraka izy ireo?” Tsy afaka manao an’izany ianareo. Ary ahoana no ahafahan’ny fiagonana Kristiana, tsy maintsy ho...

¹¹³ Ireo—ireo Pentekotista, ireo Assemblées de Dieu, ary ireo—ireo fiangonana malaza hafa an’ny—an’ny fanjakana Pentekotista, sy an’ny olon’ny Full Gospel, ahoana no ahafahan’izy ireo handao ny fampianarany ara-pilazantsara, ireo tena fitsipika izay nijoroan’izy ireo mihitsy? Ary teo amin’izay nitaizana azy ireo, mba hivoaka avy tao amin’ireo rafi-pandaminana ireo ka nanameloka an’izany; ary tsy maintsy handao ny foto-pampianarany ara-pilazantsara izy ireo, mba handeha hiaraka amin’ireo lehilahy izay tsy mifanaraka eo amin’ireo fitsipiky ny Baiboly, sy ny Fanasitranana avy amin’Andriamanitra, sy ny Herin’Andriamanitra, ary Jesosy Kristy. “Ahoana no ahafahan’ny roa mandeha miaraka raha tsy mifanaraka izy ireo?”

¹¹⁴ Eo ianareo izao, izany ilay ora izay ahatongavantsika, ary izany ilay milina goavana izay tafapetraka. Ankehitriny dia manana an’ireo mekanika izy ireo. Ny zavatra tokana tsy maintsy hananan’izy ireo dia i Satana ao anatiny ao, miaraka amin’ireo dynamika, mba hanery an’ilay fanisiana ny mariky ny

bibidia. Rehefa terena izy, amin'izay fotoana izay dia miasa ireo dynamika. Eo ireo mekanika. Efa manana azy ireo izy ireo.

¹¹⁵ Mamelà ahy hilaza zavatra iray, ihany koa; ity fotoan'ny fikambanana ity, mahita an'ireo fiangonana mikambana, ireo firenena mikambana. Izao no fotoan'ny fikambanan'Andriamanitra sy Ny Ampakarin, ihany koa. Ary milaza an'izao amin'ny fankatoavana sy fanajana aho. Mino aho fa voaantsa ny Ampakarin'i Kristy. Mino aho fa voaisy tombokase ao amin'ny Fanjakan'Andriamanitra Izzy. Mino aho fa eo ireo mekanika. Miandry an'ireo Dynamika izy ireo izay haka Azy hiala eto an-tany, hankao amin'ny Voninahitra, ao amin'ny Fampakarana. Mino an'izany amin'ny foko rehetra aho. Eny, tompoko. Tsy fantatsika hoe ahoana no Hanaovany an'izany, fa Hataony izany.

Izy no Dynamika. Lasa mambra an'ilay milina fotsiny isika, an'Ny Vatany, manao ny tenantsika ho Endriny, ary mahita Azy manakambana ny Tenany amintsika, ao amin'ireo Asany, miaraka amin'ny Fanomezam-pitiavany, raha manolotra azy ireo amintsika Izzy mialoha indrindra ny Sakafo harivan'ny Mpanambady. Ary miandry isika, miambina ho an'izany.

Tsy maintsy mikambana ny fiangonan'izy ireo goavana.

¹¹⁶ Ireo Dynamikan'io Fiangonana io dia ho famenoana iray an'ny Fanahy Masina izay niasantsika tamin'ny fatra kely raha eo am-pidinana ilay Vatotendro mba hikambana amin'ilay Vatana. Fa rehefa miara-mikambana io Loha sy Vatana io, dia hampakatra Azy ny herin'ny Fanahy Masina tahaka an'izany marina tokoa; na dia ny maty aza, izay maty ao amin'i Kristy, nandritry ny an-jatony taona lasa, dia hitsangana ao amin'ny hatsaran'ny Fahamasinany, ka hanidina hankeny amin'ny lanitra. Ireo Dynamika dia ny Fanahy Masina.

¹¹⁷ Ary ankehitriny ireo dynamikan'io fitondrana lehibe izay naorin'izy ireo io, hiasa ao amin'ny fivoriamben'ny Fivoriamben'ireo Fiangonana Maneran-tany mikambana io milina goavana io indray andro any, izay hanao fanerena iray, ihany koa. Tsaro-...fa tsarovy...

Hoy ianareo hoe, “Rehefa mitranga izany...” Efa ho tara loatra ho anareo amin'izany. Efa ao anatin'izany ianareo. Na tianareo ny ho ao, na tsia, efa ao ianareo. Hitanareo? Mariho, efa nanana an'io fanahy io eo aminareo ianareo.

¹¹⁸ Amin'ny andro izay ireo—izay ireo—itsofan'ireo rivotry ny Fanahy avy any atsinanana, avaratra, andrefana, ary atsimo, mandresy lahatra ny olona hivoaka avy ao amin'izany, sy maneho amin'ny olona!

Izany no antony tena nanoherako an'io rafitra io. Hitako fa nisy zavatra tao, aizina iray. Tahaka ny nahitako an'ireo vehivavy araka ny nanaovan'izy ireo an'io karazan-javatra io teo

amin'ny tarehiny, niteny taminareo aho tamin'ny Alahady lasa, fantatro fa nisy zavatra ho avy.

¹¹⁹ Nahoana aho no nanohitra foana ny karazan-javatra tahaka an'izany? Tsy nahafantatra an'izany aho; fantatro ilay izy ankehitriny. Nahoana aho no nanohitra foana ny fivavahana voarafitra? Izany dia satria (hitako ilay izy ankehitriny) izany no mariky ny bibidia. Hitanareo? Tsy mbola nilaza an'izany mihitsy aho raha tsy herinandro vitsivitsy fotsiny izay. Hitanareo?

Ankehitriny, arak'ireo politikan'ny fiangonana, avy eo dia inona no mitranga? Rehefa avy nohamarinina marina tokoa ny Teny? Ankehitriny, jereo, amin'ny farany izany dia tonga eo amin'ny toerana iray izay tsy maintsy hisian'ny fifampiraharahana iray. Ny hetsik'izy ireo manaraka ankehitriny dia...

¹²⁰ Inona ny hetsik'ireo Jiosy manaraka rehefa avy nandà an'Izany ny fiangonana? Nandà ny Teny ny fiangonana. Tsy nila na inona na inona natao tamin'Izany izy ireo. "Fanahy ratsy iray Izany." Fantany ireo eritreritra izay tao amin'ny fon'izy ireo. "Ratsy Izany." Kanefa, ny Teny Izany. Ireo asa izay Nataony, no nanambara Azy, nanamarina hoe Iza Izy. Tsy nila na inona na inona natao tamin'Izany izy ireo.

Avy eo, ny zavatra manaraka, tonga teo amin'ny governemanta iray. Ary governemantan'ny fiangonana io, satria tafiditra ireo firenena manontolo. Nisy firenena mpanompo sampy iray nifehy ny firenena mpivavaka iray. Ankehitriny, izany dia, ny zavatra rehetra dia fivavahana, ary noho izany dia tsy maintsy tonga eo amin'ny fivavahana manerantany iray izany.

Oh, oadray, afaka mahita an'izany ny olona jamba iray! Ary inona no lazain'ny olona jamba iray rehefa mahita an'izao izy? Rehefa hitany izany, dia hivoaka avy ao amin'ny fahajambany izy.

¹²¹ Mariho eo rehefa tonga miaraka io favoriambe manerantany io, "Inona no hataontsika amin'ity Jesosy antsoina hoe Kristy ity?" Tsy mila na inona na inona hatao amin'Izany tokoa izy ireo. Noho izany dia zavatra tokana ihany no atao, noho izany, izay nataon'izy ireo marina tokoa tamin'izany, hanohombo an'Izany izy ireo, izany tokoa, hampitsahatra an'Izany. "Tsy mety hisy intsony Izany. Tsy havela hatao intsony Izany." Tsy hamela azy ireo hanao an'izany intsony ilay herin'ny fivavahan'ireo firenena. Ny asam-panompoana tahaka an'izao izay miseho eto, ary ireo zavatra tahaka an'izany, dia hakatona tanteraka. Tsy afaka manao ianareo raha tsy misy alàlana iray avy amin'ireo foibe, ilay lohan'ny fiangonana, hitanareo, sary iray an'ny bibidia. Oh! Eto isika izao, izany ihany. Isika—isika—tonga isika.

Ary voamarina marina tokoa; ny hetsika manaraka dia ny manohombo Azy.

¹²² Mitovy amin'ny ankehitriny, hanao ny rehetra izay tsy mikambana amin'izy ireo, hakatona ary tsy havela history teny, hitanareo. Izany no manohombo, indray, an'ilay Tenin'ny teny fikasana nohamarinina. Manajanona an'izany, "Tsy avela hanana an'izany intsony ianareo. Tsy misy asam-panasitranana intsony. Tsy misy vavaka ho an'ny marary intsony. Tsia, tompoko! Tsy afaka manao an'izany ianareo. Tsia, tsy misy anankiray amin'io hafa io. Tsia, tompoko! Ho tonga amin'ny alàlan'ny Fivoriamben'ireo Fiangonana ianareo na tsy manana an'izany mihitsy."

¹²³ Ankehitriny dia afaka mahita ianareo hoe nahoana aho no manohitra ny fivavahan'ny anaram-piangonana, satria izany no mariky ny bibidia. Roma no lohan'izany, ilay anankiray voalohany. Marina tokoa izany. Ary izany no manao ny rehetra handray azy amin'ny alàlan'ny fikambanan'ireo zanakavavy, izany ilay sary. Nanao an'ilay zavatra iray ihany ilay reny. Taiza i Roma no voarafitra voalohany? Iza no fivavahana voarafitra voalohany teto amin'izao tontolo izao? Ny Katolika Romana. Ny olona anankiray izay manana teny iray izay milaza fa tsy marina izany, dia avelao fotsiny aho handre an'izany. Tsy eto izany. Ny rafi-pandaminana voalohany, ny fiangonana voalohany hany voarafitra, dia tany Nise, Roma. Eny, tompoko. Ary izany marina tokoa no nataon'izy ireo.

¹²⁴ Ary inona no nataon'i Luther taorian'ny fahafatesany? Nanao an'ilay zavatra iray ihany izay nataony tany Nise, Roma izy ireo. Inona no nataon'izy ireo taorian'i Wesley? Inona no nataon'izy ireo taorian'ireo hetsika lehibe rehetra izay nipoitra? Nanao an'ilay zavatra iray ihany izy ireo, nanao zanakavavy ho an'ilay mpijangajanga, tanteraka marina tokoa. Mitovy, tahaka an'izany ihany, mahita isika eto...

¹²⁵ Nandray naoty Soratra kely iray aho teto. Tsaratsara kokoa ho ahy angamba ny mamela an'izany. Fa, ary diniho, izy ireo dia nanana...

Ny fandrafetana an'ilay fiangonana dia manana an'ilay rafitra iray ihany miaraka amin'izao andro izao. Ny zavatra tokana ilain'izy ireo dia ireo dynamikan'izany, zavatra anankiray fotsiny hampihatra azy amin-kery. Ary ho tonga eo amin'ny fampisehoan-kery iray izany, eo no ho eo.

¹²⁶ Ho lasa mpisakaiza ny fiangonana Katolika sy ireo fiangonana Protestanta. Efa niteny taminareo aho hatramin'ny—hatramin'izay, nandrity'reo telopolo taona mahery lasa. Hikambana miaraka izy ireo. Ary hitanareo marina tokoa izay ataon'izy ireo ankehitriny. Ny—ny Protestanta dia tsy ho lasa Katolika mihitsy, saingy hikambana ho amin'ny firahalahiana izy ireo, mariky ny bibidia iray, mitovy amin'ny bibidia.

¹²⁷ Mitovy amin'ilay fanao iray ihany izay nanimban'ilay reny, Eva, an'izao tontolo rehetra izao tamin'ny fahafatesana ara-batana. Ilay reny, Eva! Henoy. Nanimba ny taranak'olombelona manontolo i neny Eva, tamin'ny fahafatesana ara-batana, (ahoana?) tamin'ny fandàvana ny Teny ka nanaiky zavatra iray saiky mitovy amin'Izany. Izy no nahatonga ny fahafatesana ara-batana rehetra satria nilaozany ilay Teny marina, ary nino ny Teny marina rehetra izy afa-tsy anankiray kely bitika fotsiny. Tsy fanekena anankiray kely ny Tenin'Andriamanitra feno no nahatonga ny aretim-po rehetra, ny aretina rehetra ary ny zavatra rehetra izay hany nisy teto ambonin'ny tany. Eva no nanao an'izany, ilay renin'ny fahafatesana. Hitanareo ve ankehitriny hoe aiza no ahatongavantsika? Ilay renin'ny fahafatesana, mariho, tsy nankatò ny Teny fotsiny izy.

Hoy izy hoe, "Andriamanitra no nilaza . . ."

Hoy Satana hoe, "Marina izany."

"Andriamanitra no nilaza . . ."

"Marina izany."

"Andriamanitra no nilaza . . ."

"Marina izany."

"Andriamanitra no nilaza . . ."

¹²⁸ "Eny, izany, marina izany. Amin'ny—amin'ny lafiny iray, dia marina izany, saingy, hitanao, izany—izany—tsy izany ihany ny amin'Izany. Hitanao, ianao dia—banana ny masonao hisokatra ianao, ianao dia ho . . ."

Fa Andriamanitra no nilaza, dia milamina hatreo izany, ny Teny! Hitanareo, nanomboka tamin'ny fandisoana hevitra kely fotsiny ny Teny izy, ary, ilay zavatra iray ihany, tahaka an'izany ihany no hiafarany.

¹²⁹ Mariho, ny zanakavavy iray dia vokatra iray avy amin'ny reny sy ray iray, amin'ny alàlan'ny firaisansa. Ankehitriny dia misy zavatra manaitra ity. Fa ny fahafatesana, ara-batana, ny fahafatesana ara-batana dia ny firaisan'i neny Eva sy Satana, miaraka, tamin'ny tsy fankatoavana ny Tenin'Andriamanitra. Niray izy ireo ary nampiditry ny—ny vokatry ny fahafatesana. Izy, ny . . . Ny fahafatesana dia vokatry ny firaisan'i Satana sy Eva, miaraka.

¹³⁰ Nanana ny Teny i Eva. Satana dia nanohitra ny Teny. Ary, jereo, saiky ny sivy amby sivifolo faingo sivy amby sivifolo isan-jaton'Izany, dia nanaiky i Satana fa marina. "Tena hifanakaiky," hoy ny Baiboly, "amin'ny andro farany, hamitaka an'ilay tena Voafidy raha azo natao." Hitanareo ve hoe ahoana no nidiran'izany, efa toy ny ahoana ilay izy isan'andro, ahoana no hivoahany? Ilay fomba iray ihany, nanakambana ny tsi-finoana tao amin'ny Tenin'Andriamanitra feno. Azonareo ve ilay izy? Izany no nitondra ny fahafatesana, dia ny firaisan'ny tsi-finoana

amin'ny Teny. Ny tsi-finoana, ampahany kely, bitika iray an'izany fotsiny; kely, bitika, bitika kely, iray ampahazaton'ny iray isan-jato. Fa tsy maintsy zato isan-jato Izany! Izay ihany.

¹³¹ Mariho, ny zanakavavin'Andriamanitra, ilay Fiagonana, ilay Ampakarina, dia vokatra iray ihany koa, an'Andriamanitra sy Ny Teniny, miray. Ny Fanahy Masina miray ao amin'ny vatan'ny nofo iray, Izany no namokatra an'ilay Zanak'Andriamanitra, vokatra iray an'ny fahamarinan'Andriamanitra. Ary amin'ny andro farany, araka ny notenenina tamintsika, "tahaka ny tamin'ny andron'i Sodoma," hakamban'ny Tenin'Andriamanitra tonga voaseho tao amin'ny nofo ny Ampakarina, ny Fanahy Masina no manisy tombokase azy ireo ao amin'Andriamanitra, sy manisy tombokase ny tsi-finoana hivoaka, any ivelany.

¹³² Araka ny nolazaiko, raha ny ain'i Beethoven no tao anatinareo, dia ho niaina tahaka an'i Beethoven ianareo; raha ny ain'i Hitler no tao anatinareo, dia ho niaina tahaka an'i Hitler ianareo. Ary rehefa ny Ain'i Kristy no ao anatinareo, dia hiaina tahaka an'i Kristy ianareo, ary ireo asan'i Kristy no ataonareo. Ary hisy izany. Raha velona Kristy androany, dia ho nanao marina tokoa an'izay nolazain'ny Teny fa Hataony androany Izy. Ary ny Teny no nilaza fa, "Izy no tsy miova omaly, anio, ary mandrakizay." Ahoana no tsy ahafahan'ity izao tontolo izao ara-pivavahana jamba ity mahita ny ora izay iainan'izy ireo? Hitanareo?

¹³³ Eva no nahatonga ny fahafatesana ara-batana rehetra, tamin'ny niezahana nanatsofoka fitokoana iray an'i Satana tao amin'ny Teny. Ary izany ilay zavatra iray ihany izay nitranga tamin'ny fiagonana, tany Nise, Roma, tamin'ny fandraisana dogma raha tokony ho ny Teny. Izany ilay zavatra iray ihany ao amin'ny Metodista, Batista, Presbyterana, rehefa nipoosaka ilay Hazavana tao amin'ny taona tsirairay nefo nolavin'izy ireo Izany.

Izany no antony nahafatesan'ny Loterana rehefa nitsangana i Wesley. Tao amin'ny taona hafa iray izany. Nivoaka ny Teny, ary tokony nanaiky an'Izany izy ireo na maty. Izany no antony mahafaty an'ireo Pentekotista ankehitriny, satria eto ilay taona. Efa tonga voaseho ny Teny, ilay fotoan'ny voromahery, ny fotoan'ny Teny hiverina indray, "hamerina ny Finoan'ireo ray, hiverina amin'ireo zanaka indray." Fa tena nikambana izy ireo, lavin'izy ireo Izany, ary tsy manana afa-tsy fahafatesana arapanahy izy ireo. Isan'andro...

¹³⁴ Ny Vatan'Andriamanitra, mikambana ho Ny Ampakariny, lasa Anankiray; Izy sy Kristy, miaraka, dia ny Fanahy izay miasa ao amin'nynofon'ilay Fiagonana tahaka ny Niasany tao amin'nynofon'i Jesosy Kristy, satria amphanan'Ny Vatany Izany. Tsy roa; fa Iray! Izy ireo dia Iray. Ny vady lahy iray sy ny vady

vavy dia tsy roa intsony, fa iray. Ary Kristy sy Ny Vatany dia Iray. Ary ilay Fanahy iray ihany izay tao amin'i Kristy no ao amin'Ny Ampakariny, ao amin'Ny Vatany, izay manakambana Azy ireo miaraka amin'ny Teny rehetra. Ary Andriamanitra no mipetraka ao anatiny ao, Izy tenany, maneho an'izany.

¹³⁵ Ary ilay antikristy, dia hilaza hoe, “Oh, mino an'i Kristy aho, mino ny Filazantsara aho, mino an'ireo Zavatra ireo aho, saingy, fantatrareo . . .” Eo ianareeo izao. “Saingy, fantatrareo, efa lasa ireo andron’ny fahagagana. Tsy misy izany karazanjavatra izany, hitanareo.” Eo ianareeo izao. “Oh, tsy mino aho fa tokony hatao batisa amin’ny Anaran’i Jesosy Kristy ianareo.”

¹³⁶ Ny Baiboly no nilaza fa tokony ianareo. Ankehitriny dia mila teolojiana iray aho tsy hanaiky an’izany. Hitanareo? Hitanareo? Tsy maintsy izany ilay izy. Hoy ianareeo hoe, “Eny, tsy manao fahasamihafana iray ny batisa.” Eny, noho izany, nahoana no nosoratana izany? Nahoana no nanao fahasamihafana iray izany tamin’i Paoly? Nahoana no nanao fahasamihafana iray izany tamin’ny sisa rehetra tamin’izy ireo? Na ianareo natao batisa . . .

Hoy ny Baiboly hoe, “Manana anarana ho velona ianao, nefamaty,” satria tsy misy anarana hafa nomena eto ambanin’ny Lanitra.

Nahoana ianareo no history amin’Izany, mivavaka amin’Izany, ny zavatra hafa rehetra, nefo, rehefa manatona ny dobo ianareo, dia mandà an’Izany? Ah-hah. Hitanareo?

Nilaza tamin’ny lehilahy iray aho indray andro, hoy aho hoe, “Ahoana moa raha ny lehilahy iray . . .”

Hoy izy hoe, “Tsy manao fahasamihafana iray izany.”

¹³⁷ Hoy aho hoe, “Raha manatona anao ny lehilahy iray, ary avy eo dia nilaza fa izy dia natao batisa tamin’ny anaran’ny ‘Raozin’i Sarona, ny Lisin’ny Lohasaha, ary ny Kintan’ny Maraina,’ hilaza ve ianao fa marina ny azy?”

Hoy izy hoe, “Tsia, tompoko.”

Hoy aho hoe, “Hanao batisa azy indray ve ianao?”

“Eny.”

Hoy aho hoe, “Ahoana no hanaovanao batisa?”

Hoy izy, “Amin’ny anaran’ny ‘Ray, Zanaka, ary Fanahy Masina.’”

¹³⁸ Hoy aho hoe, “Eny àry, ankehitriny dia nanao marina tokoa ianao, napetrakao . . . Raha antsoinao ireo hoe ‘anarana,’ dia nanao an’ilay zavatra iray ihany izay nataony ianao rehefa nilaza izy hoe, ‘Raozin’i Sarona, Lisin’ny Lohasaha, ary Kintan’ny Maraina,’ satria titra iray izany, ary ‘Ray, Zanaka, ary Fanahy Masina’ dia titra iray. Hitanao?”

Hoy izy hoe, “Fa Jesosy no nilaza hanao batisa, ‘ilay Anarana.’”

¹³⁹ Hoy aho hoe, “Izany marina tokoa no Tiany lazaina. Fa inona ao, tsy—tsy . . . Tsy nilaza Izy hoe, ‘antsoy ireo teny ireo.’ ‘Ataovy batisa izy ireo amin’ny Anarana,’ Anarana! Oh, oadray!” Hoy aho hoe, “‘Ray, Zanaka, ary Fanahy Masina’ dia titra. ‘Ny Anaran’ny Ray, Zanaka . . . Ny Anaran’ny Ray, Zanaka, ary ny Fanahy Masina.’ Hitanao?” Hoy aho hoe, “Inona no nilazan’i Petera an’Izany? Inona no nilazan’ny sisa amin’izy ireo an’Izany? Hitanao? Inona Izany? Ah-hah. Ny ‘Jesosy Kristy Tompo’ no Anaran’ny ‘Ray, Zanaka, ary Fanahy Masina.’” Manana eo amin’ny teratany telo alina eo izy izay tsy maintsy hataony batisa indray ankehitriny. Hitanareo? Eny àry. Fa marina izany. Hoy i Paoly hoe, “Raha Anjely iray avy any An-danitra . . . ”

¹⁴⁰ Niteny tamin’ireo olona izay tsy natao batisa tamin’ny Anaran’i Jesosy Kristy ireo i Paoly, Asa 19:5, hoe, mba handraisana ny Fanahy Masina, dia tsy maintsy manatona izy ireo. Na dia efa nihiaikiaka sy nidera an’Andriamanitra aza izy ireo, ary nanao zavatra lehibe, dia nilaza izy fa tsy maintsy miverina izy ireo ary haverina hataao batisa, indray, amin’ny Anaran’i Jesosy Kristy. Rehefa avy nanao batisa azy ireo i Jaona Mpanao-batisa, dia tsy maintsy niverina ary hataao batisa indray.

Ary hoy izy, ao amin’ny Galatiana 1:8 hoe, “Raha Anjely iray avy any An-danitra no mampianatra zavatra hafa noho izay nampianariko anareo, dia aoka izy ho voaozona.” Eny, tompoko. Noho izany dia tsy maintsy mijanona tsara amin’izany Teny izany isika, ny Teny tsirairay an’Izany. Hitanareo?

¹⁴¹ Mariho. Oh, aza manana lesoka; aoka hahazo antoka tanteraka. Raha misy zavatra misalasala ao an-tsainareo, dia tsaratsara kokoa aminareo ny manitsy an’izany ankehitriny. Aza miandry mandra-pahatongan’izany, efa tara loatra izany. Aza miandry mandra-pandraisanareo an’ilay marika tena lalina izay tsy hahitanareo an’Izany intsony mihitsy, ho jamba ianareo.

Nanajamba ny Isiraely Izy, mba Ahafahany maneho Ny Teniny. Manao an’ilay zavatra iray ihany Izy amin’ny Jentilisa, satria indro—indro izy ireo fa miditra avy hatrany ao anatin’izany tahaka ny nataon’izy ireo tamin’izany mihitsy.

¹⁴² Mariho, nandà i Eva ary namoy an’ireo zòny. Rehefa avy nahita ny Teny voamarin’Andriamanitra izy, izay efa Nataony, dia nandà an’Izany izy ka namoy an’ireo zòny. Ilay zavatra iray ihany izay nataon’izy ireo tany Nise, Roma. Ary ilay zavatra iray izay ataon’izy ireo ankehitriny ao amin’ny Fivoriamben’ireo Fiagonana, marina tokoa. Rahalahy, izany dia, manomboka amin’ny Genesisy hatrany amin’ny Apokalypsy, ilay zavatra iray ihany. Izany no nataon’i Isiraely. Izany no nataon’i Pilato. Izany no nataon’ilay zavatra manontolo, isan’andro, nanomboka tamin’i Eva hatramin’izao, ilay zavatra iray ihany. Mandà an’ilay Teny voamarina izy ireo ka maka dogma iray, eo amin’ny

toerany. Izany no manao ny fahafatesana, fahafatesana arapanahy.

Maty! Mbola toriana amin'ny maty foana ny Teny. Marina tokoa! Tsy ho mandritry ny Arivo taona izany, ankehitriny, hitanareo. Izy ireo dia—izy ireo dia, efa nitoriana. Angamba mandray an'Izany izao ankehitriny izao. Hitanareo?

¹⁴³ Ireo zanak'i Kaina, izay vokatry ny tsi-finoana ny Tenin'Andriamanitra, namingavinga ny hafatr'i Noa mpaminany ireo zanak'i Kaina. Voamarikareo ve izany? Tamin'ny Tenin'Andriamanitra no nitondrany ny—ny fitsarana voateny mialoha, ary nanana famantarana mazava tsara, famantarana voamarina fa antomotra ilay fotoana, nefà namingavinga an'Izany ireo zanak'i Kaina.

Toy izany koa no ataon'izy ireo ankehitriny. Koa, izany, no nataon'izy ireo tamin'ny andron'i Jesosy. Toy izany koa no nataon'izy ireo nanerana ny taona rehetra. Efa izany foana ilay izy. Mamingavinga sy maneso an'Izany izy ireo. Hoy Izy hoe, “Amin’ny andro farany dia ho tonga ireo mpamingavinga, hanao hoe, ‘Tsy misy fahasamihafana amin’ny fotoana, hatramin’ny nodian’ireo razantsika mandry.’” Ianareo, hitanareo?

¹⁴⁴ Toy izany koa no nataon'ireo zanaky ny devoly, tamin'ny alàlan'ny rafitra ara-pivavahana, tamin'ny Teny tonga voaseho tamin'ny andron'i Jesosy Kristy. Jereo, ireo rafitra ara-pivavahan'ny vahoaka Jiosy, (Ranabavy Rose), ireo vahoaka Jiosy izay tokony ho nahafantatra tsaratsara kokoa, saingy ny rafitr'izy ireo no nanao azy ireo handà sy hamingavinga ny Tenin'Andriamanitra (izay nihamboan'izy ireo fa ninoany) tonga voaseho, tsy nisy Teny anankiray nivoaka ny lèlana. Nanao an'ilay zavatra iray ihany izy ireo.

¹⁴⁵ Tahaka an'izany no ataon'izy ireo amin'izao andro izao. Ilay rafitra ara-pivavahana ao anatin'io milina goavana io izay apetrak'izy ireo ankehitriny no, tanteraka tokoa, nandà an'ireo teny fikasana amin'ny andro farany; miaraka amin'ny Hafatry ny andro farany, sy ny famantarana'ny andro farany, ny zavatra rehetra an'ny andro farany izay natao hisy, araka ny nitenenan'Andriamanitra azy mialoha, Teny amin'ny Teny.

Eo amin'ny horonam-peo izany. Raha—raha mitifitra ahy izy ireo, na inona na inona no mety hataon'izy ireo, dia tsy hampijanona an'izany Hafatra izany mihitsy izy ireo! Hitanareo? Hanohy handeha Izany na izany aza. Hitanareo? Efa mivoaka Izany. Efa vita horonam-peo Izany. Lasa Izany. Hitanareo? Tsy afaka mihitsy izy ireo... Izany no—Izany no Tenin'ny farany, izao ankehitriny izao. Tan—... Voamarina sy voaporofo tsara mihitsy, hatrany sy hatrany ary hatrany, amin'ny alàlan'ireo famantarana, fahagagana, amin'ny alàlan'ireo mekanika, amin'ny alàlan'ny—amin'ny alàlan'ny—amin'ny alàlan'ireo Dynamika, amin'ny alàlan'ny—amin'ny alàlan'ny siansa,

amin'ny alàlan'ny fiangonana, amin'ny alàlan'Andriamanitra Izy tenany, no nanaporofo fa izao no ora; sady amin'ny alàlan'ny Teny, no amin'ny alàlan'ireo famantarana sy fahagagana.

¹⁴⁶ Hafatra iray nankatoavin'Andriamanitra teo anivonareo, tamin'ny alàlan'ireo famantarana sy fahagagan'ny ora. Hafatra iray hoe tsy maty Jesosy Kristy, fa velona tahaka ny hany nahai-izy Azy, ary nandefa. Ary izany dia manatanteraka marina tokoa ny Malakia 4 sy ireo Soratra hafa rehetra izay nolazain'i Jesosy fa hisy amin'ny andro farany, tanteraka manontolo izany, sady ara-tsiansa, no arak'izao tontolo izao. Ary namoaka sary goavana an'ireo faribolan'ny Hazavana ireo magazina, izay voateny mialoha teto. Ireo Anjelin'Andriamanitra, izay nidina, ka tsy mahafantatra na inona na inona mikasika an'izany izy ireo. Ary manerana rehetra, hatraiza hatraiza, dia voaporofa izany, nanerana an'izao tontolo izao!

¹⁴⁷ Ny manaraka dia fanohomboana, ary miatrika an'izany isika. Tahaka ny nolazain'i Jesosy tamin'izany ve hoe, "Inona no Holazaiko, 'Vonjeo Aho, Ray, amin'ity ora ity'? Fa, tsia. Hatao anie ny Sitraponao, hitanareo, ety an-tany, tahaka ny any An-danitra."

¹⁴⁸ Izany no lazain'ilay Fiagonana, androany, avy ao am-pony hoe, "Izaho ve hikambana amin'ny zavatra iray . . . ? Tsia, Tompo, tsia. Hatao anie ny Sitraponao, tahaka ny any An-danitra."

¹⁴⁹ Mariho, taorian'ny Teny nampanantenaina ho an'ilay taona izay voamarina, dia nandà an'Izany izy ireo. Nanao an'ilay zavatra iray ihany izy ireo amin'izao andro izao. Ary ankehitriny dia tonga eo amin'ny famaranana aho ankehitriny. Ary tahaka ny Nahatongavany tamin'izany nanondro ny Teny mazava tsara ho ny Teny, ka tonga teo amin'ny fampisehoan-kery izany izay tsy maintsy nisafidianan'izy ireo ny Teny na handray an'ilay rafitra; dia tonga eo amin'ilay zavatra iray ihany izany amin'izao andro izao, tsy maintsy misafidy ny Teny na handray an'ilay rafitra. Ary nandray an'ilay rafitra izy ireo. Ankehitriny dia inona no ataon'izany? Eo am-pamaranana. Eo an-tànan'izao tontolo izao Izy. Marina.

¹⁵⁰ Ankehitriny, ny lahateniko. Lalàna lavitra iray izany mba hanorenana, fa vao manomboka mihitsy aho ankehitriny, hitanareo. Aza mitsangana, nisangisangy fotsiny aho. Jereo, ity no lahateniko. Fantatsika izany. Mametraka an'ireo fototra izany. Napetratsika ao anatin'ny vongana anankiray izy rehetra eto ankehitriny. Ndao isika hametraka tsara an'izany ka hahita hoe toy ny inona izany, hametraka azy eo ambanin'ny fitaratra.

¹⁵¹ Eo an-tànan'ny olona Jesosy. Eo an-tànan'ny fiangonana izany. Inona no hataonareo amin'io Jesosy izay antsoina hoe ny Teny voahosotra io? Ny *Kristy* dia midika hoe ny "Teny voahosotra." Hitonareo?

“Inona no hataonareo amin’io Jesosy io?” hoy i Pilato. “Inona no hataoko amin’Izany? Inona, inona no hetsiko? Inona no azoko atao amin’io Jesosy izay antsoina hoe Kristy io?”

¹⁵² Inona no notakian’izao tontolo izao? Inona no notakian’ny fiangonana? “Homboy Izany! Ajanony Izany! Tsy mila an’Izany intsony izahay.”

¹⁵³ Hanontany zavatra iray aminareo aho. Azonareo eritreretina ve ny fanamelohana eo an-tànan’i Oswald, izao maraina izao, ilay anankiray izay namono ny Filoha? Azonareo eritreretina ve hoe ho inona ny fitsarana azy raha voaporofa fa izy no anankiray izay nanao an’izany? Azonareo—azonareo eritreretina ve fa hisy famindrampo tavela ho azy? Eo an-tànanay ny ràn’ny Filohan’i Etazonia. Mihevitra ve ianareo fa ny Fitsarana Federaly... Tsy mampaninona na impiry no niangaviany hoe, “Tsy fanahy iniako ny nanao an’ilay izy,” tsy ho fialan-tsiny ho azy izany na kely aza. Ho faty izy. Nahoana? Manana ny ràn’ny Filoha eny an-tànanay izy. Azonareo eritreretina ve ny fihetseham-pony? Ho tianareo ve ny hanana an’izany eo an-tànananareo? [Hoy ny fiangonana hoe, “Tsia.” —Mpand.]

¹⁵⁴ Eny, ahoana àry ny amin’ny Ràn’i Jesosy Kristy? Mihevitra ianareo fa ho afa-tsiny, rehefa avy nohamarinina tsara mihitsy Izany? Ahoana no handosiranareo an’Izany? Eo an-tànanareo Ny Rány, meloka! Ry mpanota, ho aiza ianareo avy eto? Inona no hataonareo aorian’ny favoriana izao maraina izao?

¹⁵⁵ Mihevitra ve ianareo, hoy ianareo hoe, “Eny, nikasa aho... Tsy fanahy iniako ny ho ratsy.” Mety milaza an’ilay zavatra iray ihany i Oswald.

Raha hanao fitsarana ny fitsaran’ny Fitsarana Tampony antsika, dia hanao izy. Izany dia—izany no antsika... Izany no faratenin’ny firenena. Mifamatotra amin’io Fitsarana Tampony io ny firenena manontolo, ary tsy mety hisy na inona na inona ho tavela. Nanao heloka be vava izy. Tsy maintsy handoa an’izany izy. Tsy mampaninona na impiry no tsy nanaovany fanahy iniana, toy ny ahoana ireo fikasany, na inona na inona mikasika an’izany; handoa an’izany izy, na ahoana na ahoana.

Raha ny Fitsarana Tampony antsika sy ny fitsarany no mitaky famaizana ho tambiny, dia tsy mihoatra noho izany ve no hahitanareo ny tenanareo eo amin’ny Hazo Fitsaran’Andriamanitra, rehefa tonga miaraka amin’ny Ràn’i Jesosy Kristy eo an-tànanareo ianareo? “Inona no hataoko amin’ity Jesosy antsoina hoe ny Teny voahosotra ity?” Efa nandre an’Izany ianareo. Fantatrareo fa Izany no Fahamarinana. Voamarina tsara mihitsy Izany.

¹⁵⁶ Mpamono olona iray? Haniry mpamono ny Teny ara-anaram-piangonana iray ve ianareo, raha tokony ilay Kristy tsy manantsiny? Hanohombo ve ianareo? Ianareo ve—ho sahy haka an’i Barabasy ve ianareo? Afaka hangataka an’i Barabasy ve ianareo?

Ahoana no ahasahian'ny olona iray hanao an'izany, hangataka an'i Barabasy, ilay mpamono ny Teny; raha tokony haka ny Teny, Izay tenany, izay Fiainana. Ary eo an-tànanareeo Izany.

¹⁵⁷ Rehefa nandre ny amin'ilay mpamono ny Filoha Kennedy aho, dia nilatsaka tao am-poko ity Hafatra ity. Nieritreritra aho hoe, inona no hataon'io lehilahy io? Ary tsy misy fomba ivoahana amin'izany ankehitriny. Mety nifoha izy tamin'io fotoana io ka nahalala hoe inona no mipetraka eo aloha.

¹⁵⁸ Ary hifoha ianareo indray andro any. Eto, na eo amin'ny horonam-peo, na aiza no misy azareo, hifoha ianareo indray andro any, ry mpanota, ka hahalala fa misy Rà iray eo an-tànanareeo, dia ny Ràn'ny Zanak'Andriamanitra, ary meloka amin'ny famonoana Azy ianareo. Ny fahotanareo no namono Azy. Ny tsi-finoanareo Ny Teniny, ny fahadisoanareo tsy nahita ny fanondroana Azy, no nampalahelo ny Fanahy Masina. Ka inona no azonareo atao afa-tsy ny mitsangana eo amin'ny Fitsaran'Andriamanitra, mahafantatra an'izay hitranga aminareo! Eny, ho zavatra kely ny ràn'i John Kennedy eo an-tànan'i Oswald, noho ny Ràn'i Jesosy Kristy eo an-tànanareeo rehefa mitsangana eo anatrehan'Andriamanitra ianareo.

¹⁵⁹ "Inona no hataoko amin'ity Jesosy antsoina hoe Kristy ity?" hoy i Pilato. Efa napetraka teo an-tànany Izy.

Ary ny Ràn'i Jesosy Kristy dia mipetraka indray eo an-tànan'ity fiangonana ity. Mipetraka eo an-tànan'ity firenena ity Izany, ary manerana an'ity izao tontolo izao ity, izay efa nisy an'ireo horonam-peo, ary ireo zavatra izay efa nohamarinina sy nopofoin'Andriamanitra.

Ankehitrinhy dia inona no hataontsika amin'ity Jesosy ity izay antsoina hoe, "Ilay tsy miova omaly, anio, ary mandrakizay"? Inona no hataontsika amin'ity Jesosy ity? Vonona ny haka ny toeranareo eo Anilany ve ianareeo?

¹⁶⁰ Pilato, ary tamin'ilay zavatra iray ihany izay nataon'i Pilato, dia mbola misy zavatra telo tafajanona izay azonareo atao Aminy. Nanandrana an'ireo telo rehetra i Pilato, saingy diso an'izany izy. Tetika telo izay azonareo andramana ampiasaina, saingy tsy hety mihitsy izany. Niezaka ny hanala Azy teny an-tànany i Pilato. Fa rehefa voapetraka indray mandeha eo an-tànanareeo, dia eo an-tànanareeo Izany. Nanandrana fomba telo i Pilato, fa tsy nahomby.

¹⁶¹ Tsy maintsy miatrika an'ireo zava-misy isika hoe eo an-tànantsika Izy. Efa nahita Azy tao amin'Ny Teniny isika. Mahita Azy manamarina ny Tenany isika. Fantatsika fa Izy no tsy miova omaly, anio, ary mandrakizay. Marina ve izany?

Noho izany, tsy miresaka amin'ity fiangonana eto ity fotsiny ihany aho izao maraina izao, satria aho miresaka fotsiny ihany amin'ny olona enina, fitonjato, angamba, fa miresaka amin'ireo an-tapitrisany aho ao amin'ity horonam-peo ity izay handeha

manerana an'izao tontolo izao. Hitanareo? Eo an-tànanareo Izy, any amin'ny tanin'ny horonam-peo, na aiza na aiza ianareo. Fantatrareo fa Izany no Fahamarinana. Raha tsy mahafantatra ianareo, amin'izay fotoana izay dia jamba ianareo; tsy afaka mahita ny Teny ianareo, tsy afaka mahita an'Andriamanitra ao amin'ny Teny koa. Ary eo an-tànanareo Izy. Ankehitriny dia inona no hataonareo Aminy?

¹⁶² Niezaka niala Taminy i Pilato, fa isika tsy maintsy miatrika an'ireo zava-misy. Tsy maintsy niatrika an'Izany i Pilato. Nahafantatra izy. Nandre izy.

Eny, hoy ianareo hoe, "Tsy nahita ny iray tamin'izany mihitsy aho." Nandre an'Izany ianareo, na ahoana na ahoana. Mandre an'Izany ianareo ankehitriny. Hitanareo?

Nila an'i Jesosy hanao fahagagana iray izy, na fitapitaka iray, ho azy. Fa tsy nilalao fitapitaka Izy; nanao fotsiny ihany an'izay notenenin'Andriamanitra Taminy hatao Izy.

¹⁶³ Nandre ianareo. "Ny finoana dia avy amin'ny fandrenesana." Manana finoana ianareo, nefà niala lavitra, mba hanala an'izany eo amin'ny tànanareo. Fa tsy maintsy miatrika an'ireo zava-misy izy, na ahoana na ahoana. Niatrika izy, ary toy izany koa no tsy maintsy hiatrehantsika an'ireo zava-misy. Voatondro tanteraka Izy. Eritrereto, miaraka amin'ny Ràn'ny Lehilahy iray eo an-tànanareo!

¹⁶⁴ Tokony hitandrina ny olona rehefa manana ràn'olona hafa eo an-tànany izy. Jereo ny fiaramanidina iray. Mpanamory iray avy ao amin'io fiaramanidina io, rehefa mamoaka an'io fiaramanidina io izy, dia amarininy ny fitaovana tsirairay. Nahoana? Manana ny ràn'olona iray eo an-tànany izy. Ny fitaovana kely tsirairay izay azony amarinina, dia amarininy izany. Rehefa mivoaka izy ka mampihodina an'ilay fiaramanidina, izy—izy—atrerony ny—ny—ny motera, ny milina, ary jereny raha nafana ilay izy. Ary itsahany hatramin'ny farany eo amin'izany ilay fampandehanana, mba hahitana fa ilay fipoahana dia—dia...raha ho afaka ny—ny—ny hanery izany, na manitsaka an'ilay mpanosika, ihany koa, miaraka amin'ny rivotra ampy hanainga azy hiala amin'ny tany.

Efa nitsangana ianareo, ny maro aminareo, tao anaty fiaramanidina iray, na nipetraka tao, ary manozongozona ny tany ilay fiaramanidina manontolo, saiky. Manome azy an'izay rehetra ananany izy, mba hahitana raha misy zavatra tsy milamina. Raha hisy izany, dia hitsefotra izy ary ho simba. Fa amarininy indray izany, raha tsy maintsy hipetraka ao vetivety izy, mandra-panamariny an'izany indray. Ary mihazona ny fotoany vetivety izy ireo, dia amarininy indray izany.

¹⁶⁵ Toy ny ahoana no tokony hanamarinan'ilay Fiangonana an'izany indray, sy indray, sy indray, ary indray! Miandry Ny Fihaviany isika. Mifoha isika, miandry an'ilay fiaingàna

isika. Tsaratsara kokoa amintsika ny manamarina an'izany amin'ny Teny, tsy izay nolazain'olona iray. Aoka hahazo antoka fa mahafantatra ianareo, ny tenanareo, araka ny fahatsapana manokana iray miaraka amin'i Kristy. Amarino indray izany, sy indray, ary indray.

Nahoana? Manana ny ràn'olona eo ambonin'ny tânany izy. Tsaratsara kokoa ho azy ny manamarina.

¹⁶⁶ Ahoana ny amin'ny dokotera iray, alohan'ny fandidiana iray? Manana dokotera vitsivitsy isika mipetraka eto izao maraina izao. Mariho, fa ny dokotera iray, inona no hataony alohan'ny andehanany hankao amin'ny trano fandidiana. Mila rayon-x iray izy. Mila manamarina ny rà izy. Mila manamarina ny fo izy. Mila mahita izy raha voan'ny sery ianareo, alohan'ny anomezany an'ilay fampatoriana. Manamarina ny fitaovana tsirairay izy; ampangotrahany izy ireo, tsara mihitsy, mba hahitana raha tsy misy tsimok'aretina eo amin'izany. Manao ny zavatra rehetra izy. Manamarina hatrany izy, sy hatrany, sy hatrany, ary hatrany, indray. Nahoana? Manana ny ràn'olona iray eo an-tânany izy. Mila mahazo antoka tsara mihitsy izy fa marina mihitsy arak'izay mety hahamarina azy ny zavatra rehetra.

¹⁶⁷ Ahoana ny aminareo? Ahoana ny aminareo, ry mpanota, inona no tsapanareo mikasika an'izany?

Manana ny ràn'olona iray eo an-tânanareo, andraikitra tahaka ny mpanamory iray, ary manamarina izy; ilay dokotera, ary manamarina izy; ary inona koa, siantifika marobe; rehefa manana ny ràn'olona iray eo an-tânanareo ianareo, dia inona no hataonareo!

Rehefa hanonona ny didim-pitsarana ny mpitsara iray, jereo hoe ahoana no amakiany an'ireo boky, hatrany sy hatrany sy hatrany sy hatrany ary hatrany, hatrany amin'ny zavatra kely tsirairay izay azony jerena, alohan'ny anononana didim-pitsarana. Satria, manana ny ràn'olona iray izy eo an-tânany, tsy maintsy misy zavatra eo hanamarinany an'izany. Hitanareo?

¹⁶⁸ Ahoana ny amintsika, rehefa mahita an'Izany voatondro marina mihitsy isika, hoe, "Izy no tsy miova omaly, anio, ary mandrakizay"? Eto Izy. Eo an-tânaantsika Izy. Eo an-tânaantsika Izy. Eo an-tânanareo Izy! Inona no hataonareo Aminy? "Inona no hataoko amin'ity Jesosy izay Kristy voahosotra ity?"

"Inona no ataon'Izany? Ahoana no ahafantaranareo fa Izy Izany?"

Ny teny fikasan'ity andro ity, ny andro izay iainantsika, misy betsaka ny voalazan'ny Soratra, inches betsaka amin'Izany no natao ho tanteraka, ireo inches farany an'ity andro farany ity. Misy zavatra sasany mipetraka eto izay natao hitranga, ary eto izany. Inona izany? Ilay Kristy voahosotra iray ihany, ilay

Teny voahosotra! Inona no hataonareo amin'Izany? Hivarotra an'Izany amin'ny anaram-piangonana ve ianareo?

¹⁶⁹ Ankehitriny dia inona no nataon'i Pilato? Nanandrana ny hanasa Azy hiala amin'ny tanany i Pilato, tamin'ny filazana... Ny zavatra voalohany nataon'i Pilato dia ny nanandrana nanasa Azy hiala amin'ny tanany, tamin'ny filazana hoe, "Oh, ao tsara Izy. Mety tsara Izy." Hitanareo?

¹⁷⁰ Hoy ianareo hoe, "Oh, Pilato mampalahelo." Pilato, maro amin'izy ireo ve no manamarina azy? Tsia, tsia, tsia! Teo an-tanany Izy. Efa nandre ny Hafatra izy, efa nahita ny Teny izy, ary teo an-tanany Izy. Ary toy izany koa Izy eo an-tananareo. Marina izany.

Inona no nataony? Nanandrana izy hilaza hoe, "Oh, eny, Lehilahy tsara iray Izy. Tsy mahita fahadisoana ao Aminy aho."

¹⁷¹ Raha tsy izany no—no—no valin'ny marobe amin'izao andro izao! "Oh, tsy misy na inona na inona tsy mety amin'ny Teny. Heveriko fa ao tsara izany. Mety tsara ny Baiboly, saingy mino ny fiangonana izahay. Tsy mifanaraka amin'Izany ny anaram-piangonanay." Hitanareo? Hitanareo? Misy kilasin'olona anankiray izay manandrana manasa Azy hiala amin'ny tanany.

"Tsy mahita fahadisoana ao amin'ny Teny aho. Ao tsara Izany ho an'ireo apostoly tamin'ny andron'izy ireo, fa miaina ao amin'ny andro hafa iray isika. Tsy miaina amin'ny andron'ny apostoly isika, koa noho izany dia tsy voatery hanao tahaka ny nataon'ny apostoly aho. Tsy voatery hatao batisa tahaka azy ireo aho; miaina amin'ny andro hafa iray aho. Tsy voatery banana an'ireo zavatra izay nananan'izy ireo aho; miaina amin'ny andro hafa iray aho. Ho an'io andiany io fotsiny no nanomezana ny Fanahy Masina."

¹⁷² Hebreo 13:8 no mamerina Azy eo an-tananareo indray. Tsy misy fandosirana! Voamarina tsara mihitsy Izy hoe, "Izy no tsy miova omaly, anio, ary mandrakizay." Tsy manana fandosirana ianareo. Tsy afaka mamindra Azy mankany amin'ny taona hafa iray ianareo. Hebreo 13:8 dia manameloka ny eritreritrapero, ka mamerina Azy eo an-tananareo indray. Noho izany dia eo an-tananareo Jesosy, tahaka ny teo amin'ny an'i Pilato mihitsy.

Jereo. Hoy ianareo hoe, "Fa tsy mahafantatra aho." Eny, nahoana ianareo no mihaino?

¹⁷³ Mpanompo sampy iray i Pilato. Mpanompo sampy iray ny vadiny. Fa Andriamanitra, mba hanao an'ilay izy ho marina, dia nandef a an'io vehivavy io tao ka nanao hoe, "Aza manao na inona na inona amin'io Lehilahy marina io ianao." Hoy izy hoe, "Nijaly aho androany." Mazava ho azy, ny maraina izany, taorian'ny alina izany, ary ny efatra amby roapolo ora iray dia raisina ho andro iray. "Nijaly tamin'nynofy vitsivitsy aho alina,

ny amin'io Lehilahy marina io. Aza manao na inona na inona amin'Izany ianao."

¹⁷⁴ Ankehitriny dia hoy izy hoe, "Eny, noho izany, raha marina izany, dia hanasa Azy hiala amin'ny tànako fotsiny aho." Fa tsy afaka nanao an'izany izy.

Ianareo koa tsy afaka. Vantany vao mandre ny Fahamarinana, dia tsy maintsy manaiky an'Izany ianareo na mandà an'Izany. Tsy misy fomba... Eny, tompoko, tsy maintsy manao an'izany ianareo. Ireo fampitandremar'ny Tompo!

¹⁷⁵ Nihiaikiaka ireo Jiosy hoe, "Aoka Ny Ràny ho aminay; satria mino ny mpisoronay izahay, ny rafitray ara-anaram-piagonana, alohan'ny hinoanay Azy."

Eo ianareo izao. Hitanareo ve ireo kilasy androany? Fa tsy maintsy matrika ny fanapahan-kevit'Andriamanitra ny rehetra. Tsy maintsy matrika an'izany ianareo rehetra, na ahoana na ahoana, mpanompo sampy na mety ho inona ianareo. Tsi-mpino, Metodista, Batista, Presbyterana, matimaty, mangatsiaka, mafana, ary na mety ho inona ianareo, tsy maintsy matrika an'ilay fanapahan-kevitra ianareo na izany aza. Na tianareo, na tsia, dia eo an-tànanareo Izany. Marina tokoa izany.

¹⁷⁶ Avy eo dia nisy ireo izay nanandrana ny tetika hafa an'i Pilato mba hisorohana an'ilay fanapahan-kevitra, namindra Azy nankany amin'ny Kaisara hafa iray. Hitanareo?

Hoy i Pilato hoe, "Andraso iray minitra ankehitriny. Izaho—izaho—izaho—tsy te-hanao na inona na inona amin'Izany aho. Izaho—izaho—izaho—izaho... Lehilahy marina iray Izy. Izaho—tsy te-hanao na inona na inona Aminy aho. Oh, izaho—mino aho fa nandre. Tsy mbola nahita Azy nanao fahagagana iray mihitsy aho, saingy misy be loatra ny mijoro vavolombelona ho Azy. Izaho—izaho—mino aho fa Lehilahy marina iray Izy. Lehilahy tsara iray Izy, hitanareo, saingy—saingy izaho—tsy te hanao na inona na inona amin'Izany aho, ny tenako. Izaho—izaho—izaho fotsiny... Hanasa Azy hiala amin'ny tànako fotsiny aho. Itondray rano vitsivitsy aho. Mijoroa vavolombelona ho ahy ianareo rehetra eto." Hia. Fa Andriamanitra dia nijoro vavolombelona, ihany koa. Teo an-tànanany Izy.

¹⁷⁷ Ary toy izany koa fa eo an-tànanareo Izy. Hitanareo, ianareo, fantatrareo izay resahako. Hitanareo? Tsy ianareo irery ihany, fa ity horonam-peo ity. Eo an-tànanareo Izy. Inona no hataonareo Aminy, ity Jesosy antsoina hoe Kristy ity? Kristy dia ny Teny Voahosotra. Hitanareo? Inona no hataonareo amin'Izany? Izany ho Hafatry ny ora. Eto ilay andro, voaporofo marina mihitsy araka ny Baiboly sy araka an'Andriamanitra. Inona no hataonareo amin'Izany? Ahoana no hisorohanareo an'ilay fanapahan-kevitra ankehitriny? Ahoana no hialanareo amin'izany? Eo an-tànanareo Izy! Ary ny zava-misin'i Oswald

dia ho anankiray kely, amin'ny anareo, na mpitoriteny na mety ho iza ianareo.

¹⁷⁸ Ireo Jiosy ireo dia mpisorona, sy raby, mpampianatra, lehilahy masina; fa teo amin'ireo tānana Izy na izany aza. Izy no Teny, ilay fanapahan-kevitr'Andriamanitra ho an'io andro io, nefo diso tamin'ny fahitana an'Izany izy ireo. Ilay voafidy ihany no nahita an'Izany, ireo izay nino an'Izany.

¹⁷⁹ Ankehitriny dia tsy maintsy miatrika an'ilay fanapahan-kevitra ny rehetra. Efa tahaka an'izany ilay izy tao amin'ny taona tsirairay, isan'andro. Hatramin'ny taonan'i Eva sy Adama, nitohy nidina hatrany amin'ny taonan'i Noa, nitohy nidina tamin'ny andron'i Daniela sy Beltesazara ary Nebokadnezara, nitohy nidina nankao amin'ny andron'i Kristy, nitohy nidina tao amin'ilay tena ora izay iainantsika mihitsy, efa tahaka an'izany ilay izy, nivoaka ny fanapahan-kevitry ny Teny. Tsy ny fanekem-pinoan'izy ireo, na tsy ilay anaram-piagonana, tsy ilay dogma, fa, efa nanohitra an'ireo zavatra ireo ny fanapahan-kevitry ny Teny. Noho izany, ankehitriny, dia eo an-tānanareo Izany ankehitriny.

¹⁸⁰ Avy eo ireo izay nanandrana ny tetika hafa an'i Pilato, mba hialana Aminy, tamin'ny famindràna Azy nankany amin'ny olon-kafa. Hoy i Pilato hoe, "Ankehitriny, fantatrareo moa? Hanala Azy fotsiny eto an-tānako aho. Hanasa Azy hiala amin'ny tānako amin'ity rano ity aho. Noho izany fotsiny aho dia... Tsy maintsy manao zavatra Aminy aho. Noho izany inona no hataoko? Handefa Azy hankany amin'ny foibe aho, miaraka amin'ny eveka." Ah-hah. Hia.

Izany no andraman'izy ireo atao amin'izao andro izao. Hitanareo? Nalefan'izy ireo nankany amin'ny Kaisara iray Izy. Tsy nanala Azy avy teo an-tānan'i Pilato izany, tsy manala Azy avy eo an-tānan'iza na iza. Inona no nataon'izany? Niverina teo aminy izany. Miverina avy hatrany eo amin'ny isambatan'olona.

¹⁸¹ Hoy ianareo hoe, "Eny, izaho dia, hataoko izany. Hanaiky an'Izany aho raha hanaiky an'Izany ny anaram-piagonako."

Ny anaram-piagonanareo dia ao anatin'ny Fivoriamben'ireo Fiagonana, voaheloka! Ahoana no handraisian'izy ireo an'Izany? Miverina Izany, mankany aminareo avy hatrany. Ilay izy tsy izay lazain'ny anaram-piagonanareo; ilay izy dia, inona no lazainareo? Nolavin'izy ireo Izany; ankehitriny dia inona no hataonareo amin'Izany? Izany ilay zavatra manaraka. Hitanareo? Tsy manala Azy eo an-tānanareo izany.

Voamarina tsara mihitsy Izy. Voatondro tsara mihitsy Izy, ilay Tenin'ity ora ity, ilay teny fikasan'ity ora ity. Tsy ny teny fikasana an'ny oran'i Luther; izany Izy tamin'izany, izany no Teny tamin'ny taonan'ny mpanavao. Araka ny, ianareo

rehetra izay nandre an'ireo Tombokase Fito, rehefa lasa ny taonan'ireo mpanavao, ilay Zava-manan-aina miaraka amin'ny tarehy tahaka ny olona (rafi-pandaminana) dia niseho; fa izao no tarehin'ny voromahery, ilay Zava-manan-aina izay nandeha mba hanao ny fihaikana amin'izao andro izao.

¹⁸² Ary iza no sahy hilaza fa tsy Tenin'Andriamanitra voatsindrimandry izany, nefy Izy no niteny an'Izany mialoha, ka niseho tany Arizona ary namerina an'Izany mihitsy, na dia tamin'ny siansa sy ny zavatra hafa rehetra mihitsy aza, ary nanaporofy an'Izany ho marina! *Ity* Boky ity dia efa misokatra, marina izany, miandry fotsiny an'ilay Tombokase Fahafito ho voatondro amin'ny Fihavian'i Kristy.

¹⁸³ Eny àry, eo an-tànanareo Izy. Tsy maintsy manao zavatra Aminy ianareo. Aza esorina Izy. Eny, tompoko. Amin'io sokajy io, dia tiako ny hilaza hoe, “mamindra Azy mankany amin'ny olon-kafa.”

“Raha hanaiky an'Izany ny anaram-piangonako, Rahalahy Branham, izaho dia—hanaiky an'Izany aho. Fa, hitanao, nikambana tamin'ity fiangonana ity ny reniko.” Niaina tamin'ny taonany izy; tsy ianareo izany. Ilay izy dia ianareo ankehitriny. Jereo izay tsy maintsy nivoahany, mba ho lasa izay naha-izy azy. Ahoana ny aminareo? Eny àry.

¹⁸⁴ Jereo. Hoy ianareo hoe, “Pentekotista ny reniko. Izy dia nanao an'izao-sy-izao. Nivoaka avy tao amin'ilay raffi-pandaminana izy.” Fa miezaka miresaka aminareo aho ankehitriny. Ahoana ny aminareo? Hitanareo?

Ao amin'io sokajy io, dia mahita nianatra betsaka isika. Ankehitriny, fantatro fa handratra ny fihetseham-ponareo aho eto, saingy tsy fanahy iniana no anaovako an'izany. Raha manao aho, amin'izay fotoana izay aho—tokony handohalika eo amin'ny alitara aho, hibebaka. Milaza an'izao amin'ny fitiavana masina aho.

¹⁸⁵ Jesosy, rehefa nitsangana teo Izy, sy ireo Fariseo ireo; dia tsy maintsy nilaza hoe, “Ianareo dia avy amin'ny rainareo, ny devoly; ireo asany no hataonareo.” Kanefa nitaky fiadanana sy famindrampo ho azy ireo, teo amin'ny hazo fijaliana, izay nanohombo Azy. Hitanareo, tsy tezitra tamin'izy ireo Izy. Hoy Izy hoe, “Ianareo taranaky ny bibilava.” Hitanareo? Hitanareo? Ny zavatra rehetra, nanozona azy ireo tamin'ny zavatra rehetra izay Azony nanozonana Izy, hitanareo, nefy avy eo dia nivavaka ho azy ireo teo amin'ny hazo fijaliana. Hitanareo? Tsy hoe Izy no te-hanao an'izany; tsy izany ilay izy, fa tokony nahita ny fahadisoana izay nataony izy ireo.

¹⁸⁶ Ary milaza an'ilay zavatra iray ihany aho androany, ao amin'io sokajin'ny “mamindra ny vola any amin'olon-kafa,” na zavatra izay antsointsika ao amin'ny tafika hoe, “mamindra

an'ilay dolara any amin'ny olon-kafa." Miezaka mamindra an'izany isika, tahaka ny nataon'i Adama sy Eva.

Nanandrana i Eva. Hoy i Adama hoe, "Ilay vehivavy izay Nomenao ahy," fa tsy fialan-tsiny ho azy izany. Hitanareo? Hoy ilay vehivavy hoe, "Ny menarana no namitaka ahy. Izy... Izy no anankiray izay nanao firaosana ara-nofo tamiko. Izy no namitaka ahy. Izy no nanao an'ity." Izany tsy nanala an'ilay izy, mihitsy. Nandeha avy hatrany nankao amin'ny fitsarana izy ireo, na izany aza. Eny, tompoko. Eny àry.

¹⁸⁷ Tsy afaka mamindra an'izany izy ireo, anankiray... Tsy afaka hilaza hoe, "Raha hino an'Ity ny anaram-piangonako, izaho—dia mino koa aho. Fa, efa tao amin'ity anaram-piangonana ity aho." Tsy misy idiran'izany amin'io. Nanana an'ilay zavatra iray ihany ireo Jiosy, toy izany koa ianareo.

¹⁸⁸ Ary, raiso naoty, maro ao anatin'io, mahita lehilahy tsara kolontsaina isika ao anatin'io sokajy io. Henoy tsara ankehitriny.

Hitanareo, ny kolontsaina, izay antsointsika hoe kolontsaina amin'izao andro izao, dia izay novokarin'i Satana tamin'i Eva, fahendrena kely iray. Hoy izy, "Tsy misokatra ny masonao, ka tsy azonao ny rehetra amin'Izany." Nahafantatra ny Teny izy, ary izay ihany. Nahita an'Andriamanitra nanamarina an'io Teny io izy, ary tokony ho tsara izany. Nihazona azy tao amin'ny Fiainana Mandrakizay Izy, raha mbola nijanona tamin'io Teny io foana izy. Rehefa nodikainy io Teny io, efa nanana ny teny fikasan'Andriamanitra izy hoe ho faty izy amin'ny andro izay handikany an'Izany. Ary, rehefa nodikainy Izany, dia maty izy. Marina izany.

¹⁸⁹ Manana ny Tenin'Andriamanitra voamarina isika eto, manamarina, manaporofa amin'ny alàlan'ny Fanahy, hoe nandray antsika Izy ary nanome antsika ny Batisan'ny Fanahy Masina. Natao batisa tamin'ny Anaran'i Jesosy Kristy isika. Ilay Filazantsara iray ihany, ireo famantarana iray ihany, ireo fahagagana iray ihany, ilay asam-panompoana iray ihany, na dia ilay Andry Afo iray ihany aza dia hita maso eto anatrehantsika, maneho an'ireo famantarana sy fahagagana. Tsy misy fialantsiny iray, na aiza na aiza.

Ary izany marina tokoa no nolazain'ny Baiboly fa hiseho amin'ny andro farany, ary antso iray avy ao amin'ny Malakia 4 hoe, "hamerina ny Finoan'ireo zanaka hiverina amin'ireo rainy indray." Ary aorian'izay avy hatrany, ny ratsy fanahy dia nanitsaka...na ny marina dia nanitsaka ny lavenon'ny ratsy fanahy; tsy maintsy dorana izao tontolo rehetra izao. Ary mihantona any ambony any ireo atomá, ao anatin'ny fitoeran'entana.

¹⁹⁰ Hitanareo ve izay nataon'i Alemaina vantany vao hitan'izy ireo ny Fil-...novonoina ny Filoha? Nanangona haingana

mihitsy ny tafiny izy ireo, satria izany ihany no zavatra tokana izay nanakana an'i Rosia tsy handatsaka baomba any. Ary izy ireo namely... nandefa teny tany amin'izy ireo mihitsy i Kennedy, hoe, ny ora izay anaovan'izy ireo an'izany, dia hofafany hiala amin'ny tany izy ireo, avy any Alemania mihitsy. Hitanareo? Ary nihevitra izy ireo fa afaka nifehy azy, saingy tsy mbola izany ilay ora, hitanareo. Hitanareo?

¹⁹¹ Mahita mpitory teny manan-tsaina isika, nianatra, evanelista, miezaka mamindra an'Izany amin'ny olon-kafa iray. Hitanareo?

Nahoana, nahoana no tsy nilaza i Pilato hoe, "Eny, andraso iray minitra, ity Lehilahy ity... tonga io vady io niteny tamiko, ary nandre fijoroana vavolombelona maro ny Aminao aho. Fantatralo, izaho—liana aho. Tiako ny hahita. Inona no azoko atao hananana Fiainana Mandrakizay, Tompoko? Eto an-tànako Ianao. Inona no azoko atao?" Eny, hilaza izy—hilaza izy... Hoy izy hoe, "Ianao—Ianao ve no Mesia? Ianao—Ianao ve no—no Mpanjakan'ny Jiosy?"

¹⁹² Hoy Izy hoe, "Izany no nolazainao. Ianao no nilaza an'izany."

"Na, teneno aminay, marina tokoa, Ianao ve no Mpanjakan'ny Jiosy?"

Hoy Izy hoe, "Ho an'izany no Nahaterahako."

Hoy izy hoe, "Tsy afaka mahita fahadisoana ao Aminy aho." Ah-hah. "Eny, hanasa Azy hiala amin'ny tànako fotsiny aho."

¹⁹³ Namaly azy Izy, saingy tsy afaka nandray an'Izany izy. Nahoana? Hampiety ny lazany izany. Noho izany dia nieritreritra izy ny handefa hankany amin'ny presbytera lehibe, ka hahita izay nataony mikasika an'Izany. Hitanareo?

¹⁹⁴ Ilay zavatra iray ihany ankehitriny, mipoitra indray ilay olana. Inona no hataonareo amin'Izany, ny Teny? Inona no tokony hataonareo, hanontany an'ilay presbytera ve, na ilay eveka, na olona iray, raha afaka manova ny fototry ny batisanareo ianareo, raha afaka manao an'ity, na manao an'ity ianareo? Hitanareo *izao*, ary, "Izany tokoa, tsy ianareo izany." Mamerina an'izany mihitsy aminareo ianareo. Raha manao ianareo, dia ho voaroaka. Hitanareo?

¹⁹⁵ Hanetry ny lazan'ny olona izany. Eny, izy ireo—mihevitra izy ireo... Ary ilay favoriambe ara-anaram-piangonana dia tsy hahatanty... Tahaka—tahaka an'i Pilato namindra an'Izany nankany amin'i Kaisara; tsy hahatanty an'Izany izy ireo. Namerina nametraka an'Izany teo an-tànani'i Pilato i Kaisara. Noho izany izy ireo dia manandrana hamindra Azy teo amin'ireo—ireo sefony ara-anaram-piangonana, fa tsy mety ilay izy. Tsy nety mihitsy io fitapitaka io, ary tsy hety izany. Tsy nety izany ho an'i Pilato; tsy hety ho anareo; tsy hety ho an'iza na

iza hafa izany. Ankehitriny, faharoa, ny zavatra izay azonareo atao dia . . .

¹⁹⁶ Fahatelo, raha ny marina, dia ny manaiky Azy na manda Azy. Tsy afaka hanasa Azy hiala amin'ny tanganareo ianareo. Tsy afaka hamindra Azy hankany amin'ny rafitra hafa iray ianareo, na zavatra hafa iray. Tsy maintsy miatrika an'ilay olana ianareo. Noho izany dia inona no azonareo atao?

Tahaka an'i Pilato, nitsangana niaraka tamin'ilay zavatra iray ihany, hoy izy hoe, "Omeo rano kely aho, hanasa an'Izany hiala amin'ny tanganako aho, mba hanaporofoana!" Rehefa niverina izy, dia mbola tsy maintsy namindra an'ilay fitsarana foana izy; tsy nahafa-tsiny azy izany. Nanandrana izy ny nilaza hoe, "Eny, izaho, raha tsy afaka manala Azy amin'ny tanganako aho, dia hapetrako eo an-tangan'i Kaisara Izzy." Ary niverina Izany, nankany aminy avy hatrany.

¹⁹⁷ Izany dia miverina aminareo, ihany koa, amin'ny mahiasam-batan'olona. Inona no hataonareo? Tsy izay nataon'i neny, izay nataon'i papa, izay ataon'ny pasitera, izay ataon-dRahalahy Branham, na iza; eo an-tanganareo Izany! Inona no hataonareo mikasika an'Izany, amin'ity Jesosy antsoina hoe Kristy ity? Satria, manana Rà ianareo eo an-tanganareo, ary izany dia ny Ràn'Andriamanitra. Ankehitriny dia inona no hataonareo? Meloka amin'ny fanohomboana. Hitanareo?

¹⁹⁸ Afaka manohombo Azy ianareo, manaiky ny fanekempinoanareo na inona na inona tianareo ekena, na manao hoe, "Eny, hamindra fotsiny aho. Tsy hanao na inona na inona amin'ny iray amin'io karazan-javatry ny fiangonana io aho." Tsy afaka manao an'izany ianareo. Eo an-tanganareo Izzy. Marina izany. Tsy afaka manao an'izany ianareo. "Hohadinoiko fotsiny ilay zavatra manontolo." Tsy afaka manao an'izany ianareo. Mbola eo an-tanganareo foana Izany. "Eny, hilaza fotsiny aho hoe, 'Ny pasiterako nampianatra ahy an'ity.'" Miverina Izany, avy hatrany. Eo aminareo Izany. Fantatrareo. Ankehitriny, na ianareo afaka mandray Azy na afaka manda Azy, izay fomba tianareo hanaovana an'ilay izy fotsiny. Inona? Tsy maintsy tonga eo amin'ny iray amin'izy ireo Izany.

¹⁹⁹ Ankehitriny inona? Araka ny nolazain'i Jesosy tamin'ireo Fariseo ireo, hoy Izzy hoe, "Satria Fariseo jamba ianareo," hitanareo, Izay hilaza an'ilay zavatra iray ihany amin'izao andro izao hoe, "ianareo mpampianatra mpivavaka jamba, afaka mamantatra ny fotoan'ny kominisma ianareo. Tena miady amin'izany ianareo, nefo fantatrareo fa Andriamanitra no nanangana an'ilay tena zavatra mihitsy hamotika anareo." Hitanareo, tsy mahafantatra ny Soratra. Hitanareo? "Ianareo, afaka mamantatra ianareo fa ny kominisma no haka an'izao tontolo izao. Afaka mahita an'izany ianareo. Afaka mamantatra an'izany ianareo."

²⁰⁰ Ny lohahevitsika rehetra dia eo amin'ny kominisma. "Kapohy hivoaka ny kominisma!" Mandre an'izany aho hany ka lasa marary amin'ny fihainoana an'izany. Izaho dia manohitra an'izany, ihany koa. Izany tokoa, manohitra an'izany aho. Fa manohitra kokoa an'ilay lehilahy na ilay vehivavy izay mandà an'i Jesosy Kristy aho, ilay Teny. Na, na mpitory teny iray ianareo na inona ianareo, be trosa kokoa amin'i Kristy noho io kominista io ianareo. Tsy mahay izy ary tsy mahafantatra na inona na inona mikasika an'Izany. Ianareo no natao hahafantatra. Hitanareo? Afaka mamantatra ny fotoana'ny kominisma ianareo, saingy tsy afaka mamantatra an'ilay famantaran'ny andro izay iainanareo.

²⁰¹ Niteny tamin'ireo Fariseo Jesosy, nanao hoe, "Ianareo mpihatsaravelatsihy!" Hoy Izy, "Mivoaka ianareo ka mijery ny lanitra, ary milaza fa raha mena sy manjombona ny masoandro, dia ho ratsy ny andro rahampitso. Raha mazava ny lanitra," hoy Izy, "dia milaza ianareo fa ho andro mazava iray rahampitso." Hoy Izy, "Afaka mamantatra an'ireo famantaran'ny fotoana ianareo, na ireo famantaran'ny lanitra sy ny toetr'andro, nefà tsy fantatrareo ireo famantaran'ny fotoana." Teo Izy, ilay Mesia, nefà nandà an'Izany.

Ary miresaka mikasika ny kominisma foana isika sy ny sasany amin'io karazan-javatra io, nefà, ny famantaran'ny fotoana, tsy azontsika Izany. Hitanareo? Tsy hitantsika izany, avelantsika izany. Miara-mikambana ao amin'ny tsi-finoana izao ankehitriny izao, ary mandray an'izany izy ireo, saingy diso tamin'ny fahazoana sy fahitana an'ilay famantaran'ny fotoana izay nolazain'ny Baiboly fa hisy.

Azonareo ve Izany? Tsy maintsy mamarana, haingana mihitsy ankehitriny. Efa tara izao, hitanareo.

²⁰² Tahaka ny nataon'ny rain'izy ireo, dia toy izany koa no ataony, ilay zavatra iray ihany amin'izao andro izao. Ankehitriny, efa noraisina ny fanapahan-kevitra. Tsy maintsy raisina izany. Tsy maintsy mandray an'izany ianareo, amin'ny fomba iray. Hitanareo? Fanohomboana ny Teny indray, sa inona no hataonareo? Antomotra ny fanohomboana ny Teny. Manohombo sy mampijanona ny Teny voamarina, noho-nohon'ny ara-anaram-piagonana, tahaka ny nataon'i Pilato, nanandrana ny namindra nankany amin'ny olona iray. Ankehitriny dia inona, amin'ny maha-isam-batan'olona, no hataonareo amin'ilay Teny voahosotra izay antsoina hoe ilay Kristy?

Ilay tsy miova omaly, ilay Kristy iray ihany izay nanosotra ny Teny tamin'ny andron'i Noa. Ilay Kristy iray ihany, ilay-ilay Hazo izay tao amin'ny sahan'i Edena; izay navelan'i Eva, tsy nihinana avy tamin'io Hazon'Aina io, mba handraisana an'ilay hazon'ny fahendrena; izy, navelany ilay Hazon'Aina,

mba handraisana an'ilay hazon'ny fahafatesana. Nanao an'ilay zavatra iray ihany tamin'ny andron'i Noa. Tamin'ny andron'ireo mpaminany, dia nanao an'ilay zavatra iray ihany izy ireo. Tamin'ny andron'i Kristy, dia nanao an'ilay zavatra iray ihany izy ireo.

Ary eto izy ireo amin'izao andro izao. Satria ny tsirairay avy dia miresaka ny fotoany, ka, rehefa tanteraka io zavatra io, dia nandray ny hevity ny anaram-piagonana izy ireo isan'andro, sy ny sisa, ary ny fahendren'izao tontolo izao raha tokony ho ilay Tenin'i Kristy voahosotra. Inona no hataonareo, amin'ny maha-isam-batan'olona?

²⁰³ Tsy nahafaka Azy teo amin'ny tānany mihitsy i Pilato. Izaho dia—mamarana aho, noho izany dia mitonia tsara vetivety fotsiny. Tsy nahafaka Azy teo amin'ny tānany mihitsy i Pilato. Tsy hahafaka koa ianareo, tahaka ny nataony, manandrana ny iray amin'ireo tetika ireo. Tsy nahafaka mihitsy izy. Fantatrareo ve izay nitranga tamin'i Pilato? Veriny ny sainy. Ilay izy dia lasa hoe ny hany azony norenesina dia io fanohomboana io. Ny hany azony norenesina dia faharomontana, ka farany dia lasa narary saina izy.

²⁰⁴ Ary manana angano iray izy ireo any Norvège, na tsy... Mamelà ahy. Any Soisa; izay, efa tany aho, misionera iray. Nilaza izy ireo fa an'arivony no niangona tany, avy tany amin'izao tontolo izao, tamin'ny Zoma Masina; lava-drano iray izay namonoan'i Pilato tena. Farany dia nanjera ny tenany ho faty tao amin'io dobon-drano io izy. Ary milaza izy ireo fa isaky ny Zoma Masina, amin'ny telo ora ny tolakandro, dia mivadika manga ilay rano, mangotraka ilay izy eo amin'izay nandrian'ny vatan'i Pilato. Nolaviny Izany. Mbola misy Rà foana eo an-tānany. Ary nandà izy, nolaviny; ilay rano.

Tsy afaka manasa Azy hiala amin'ny tānanareo ianareo. Tsy misy rano, tsy misy vaingan-tsavony, izay afaka manadio an'Izany. Eo an-tānanareo Izy. Inona no hataonareo Aminy?

²⁰⁵ Ity no zavatra tokana azonareo atao. Raha tsy afaka manasa Azy hiala amin'ny tānanareo ianareo; tsy afaka mamindra Azy mankany amin'ny zavatra hafa ianareo; tsy afaka miala amin'izany amin'ny anganonganana fotsiny ianareo. Tsy misy fomba eto amin'izao tontolo izao. Ny zavatra tokana azonareo atao dia ny manaiky an'Izany, ao am-ponareo. Izany no fomba hialanareo Aminy. Manala Azy avy eo an-tānanareo ka mametraka Azy ao am-ponareo, na mamela Azy eo an-tānanareo ary miharitra ny Fitsarana. Izany no zavatra tokana azonareo atao.

Ny fiafaran'i Pilato dia anankiray mahatsiravina.

²⁰⁶ Milaza ny Teny fa ireo izay mihazona Azy eo an-tānany... Saiky hovakiako Izany. Fa Izao no voalaza hoe, "Niantsoantso an'ireo vatolampy sy tendrombohitra izy ireo.

Nivavaka izy ireo, saingy tara loatra ny vavak'izy ireo.” Hitanareo? Niantsoantso izy ireo hoe, “Afeno amin’ny tavan’Ilay mipetraka eo ambonin’ny Seza fiandrianana izahay, ary amin’ny fahatezeran’ny Zanak’ondry, izany hoe amin’ilay Ondrilahy, ilay Fiainan’ny Zanak’ondry izay ho avy. Satria, mitranga ilay Andron’ny Fitsarana lehibe, ka iza no afaka hahatanty?”

²⁰⁷ Inona no heverinareo fa hataon’i Oswald ankehitriny rehefa mandeha eo anatrehan’ny Fitsarana Tampony izy, ary mahita an’ireo maso tezitra an’ilay—ilay mpitsara ary ny rehetra mipetraka eo? Fantany izay hitranga. Izany dia ho efitra misy entona iray, na tady iray mihantona eo, na zavatra iray. Tsy maintsy miatrika an’izany izy.

²⁰⁸ Fa ahoana moa raha mandeha eo miaraka amin’ilay Rà eo an-tànanareo ianareo, nohon’ny fandàvana? Ary mahafantatra fa mipetraka eo anoloanareo ny helo, faharavàna Mandrakizay; miantsoantso an’ireo vatolampy sy tendrombohitra; nefà nivavaka, fa tara loatra ireo vavaka.

Ao amin’ny Hebreo 10, “Raha minia manota isika.” *Fahotana dia “tsi-finoana.”* “Raha minia tsy mino isika rehefa avy nandray ny Fahamarinana, ny fahalalana ny Fahamarinana.” Tsy voatery handray an’Izany ianareo; mahafantatra mikasika an’Izany fotsiny. Tsy voatery hanana an’Izany ianareo, ianareo fotsiny.... Oh, tsia, tsia. Hitanareo? Tsy nilaza hoe, “rehefa nandray ny Fahamarinana isika.”

... *raha minia manota isika rehefa isika... nahazo ny fahalalana hoe izany no fahamarinana, dia tsy misy fanatitra ho an’ny fahotana intsony,*

Fa ny... *fiandersana mahatahotra... ny fahatezerana mirehitra, ... izay handany ny fahavalao,*

... Satria hoy Andriamanitra hoe, *Ny famaliana dia Ahy, ary Izaho no hamaly, hoy—hoy ny Tompo.*

²⁰⁹ Raha tsy mino an’Izany isika, minia, rehefa avy naseho tamintsika ny Fahamarinana, dia tsy hisy famindrampo intsony. Tsy hisy famindrampo ho ekena intsony.

Ry pasitera, izay mihaino an’ity horonam-peo ity, ahoana ny amin’izany? Ry mambram-pianganana, izay mihaino an’ity horonam-peo ity, ahoana ny amin’izany? Inona no hataonareo, raha minia tsy mino an’Izany isika? Tsy afaka manasa an’Izany hiala amin’ny tènanareo ianareo. Tsy afaka mamindra an’Izany mankany amin’ireo foibe ianareo. Hiverina izany, mankany aminareo avy hatrany. Efa nandre an’Izany ianareo. Ahoana ny aminareo? Ahoana no hitsangananareo amin’izany Andro izany?

Na Izy eo an-tànanareo na ao am-ponareo, ny iray na ilay hafa. Hanampy antsika anie Andriamanitra.

²¹⁰ Raha—raha afaka mieritreritra famonoana iray fotsiny ianareo, sy izay tsy maintsy handalo ao am-pon’io lehilahy io.

Inona no nataony? Tara loatra no nifohazany, rehefa avy nanao an'izany izy.

Jereo, nanana an'ilay fanararaotra izy. Teraka ho Amerikana afaka iray izy. Amerikana iray izy. Saingy tiany ny hivarotra ny fizokiany, ho lasa Rosiana iray, ka niverina izany. Nanambady zazavavy Rosiana iray izy. Ankehitriny izy dia mpisaina-malalaka iray an'ny antoko kominista an'i Cuba.

Fisainana malalaka, “Manao ny fisainako manokana aho.” Tsy tonga saina ianareo. Inona no hataonareo amin’i Jesosy antsoina hoe Kristy? Tsy mpisaina-malalaka ianareo. Tsy misy ny fisainana malalaka. Aoka ilay saina izay tao amin’i Kristy ho ao aminareo.

Ndao isika hivavaka.

²¹¹ Eritrereto ireo eritreritra ireo, “Raha misy dera, raha misy hatsaram-panahy, dia hevero izany.” Eto afovoansika izao maraina izao, ary ao amin’ity horonam-peo ity, ihany koa, no iresahako. Raha manatrika eto ianareo izao maraina izao, ka fantatrareo fa tsy mahitsy amin’Andriamanitra ianareo, ary tsy nateraky Ny Fanahiny ianareo, ary Andriamanitra dia . . .

Hoy ianareo hoe, “Eny, efa nanao fiaikena iray aho.” Tsy izany no resahako. Nanaiky an’izany ve Andriamanitra? Afaka milaza ianareo hoe, “Eny, izaho, efa nanao fiaikena iray aho, sy ny sisa. Eny, mino aho.” Toy izany koa i Pilato, “Efa nanao fiaikena iray aho, azo antoka tokoa, ‘Inona no hataoko amin’ity Lehilahy marina ity?’” Tsy afaka manasa Azy hiala amin’ny tānanareo tahaka an’izany ianareo. Tsia, tsia.

²¹² Inona no hataonareo Aminy? Raha tsy Kristiana nateraka indray ianareo, miaraka amin’ny Fanahy Masina velona ao anatinareo, manatsara ny Fiainanareo, dia nahoana no tsy raisinareo Izany ankehitriny? Tsy hanasa an’Izany hiala amin’ny tānanareo mihitsy ianareo. Tsy handre ny faran’ity Hafatra ity intsony ianareo. Haneno hatrany Izany mandra-mpitondranareo an'ilay Hafatra hankao am-ponareo, hoe Jesosy Kristy no tsy miova omaly, anio, ary mandrakizay.

²¹³ Ao amin’ity mpanatrika hita maso ity izao maraina izao, hisy ve eto ireo izay mahafantatra fa, fa diso izy ireo, ka hanangana ny tānanareo. Tsy manana efitra ho an’ny antso eny amin’ny alitara isika, tena hipoka ny toerana. Fa manaova fotsiny hoe, “Mivavaha ho ahy, Rahalahy Branham. Hanampy ahy anie Andriamanitra.” Andriamanitra hitahy anareo, hitako ny tānanareo. “Ilay izy dia, izaho te-hanao, ankehitriny. Eto mihitsy no ilako, eo anatrehan’Andriamanitra, Azy hahafantatra fa meloka aho, ary fantattro fa meloka aho. Izaho—mila Azy hiala amin’ny tānako aho; mila Azy ao am-poko aho.” Atsangàno ny tānanareo, manaova hoe, “Mivavaha ho ahy, Rahalahy Branham.” Ny Tompo hitahy anareo. Mahita aho, ao

amin'ity isan'olona eto ity, angamba tànana efapolo, dimampolo mitsangana eto.

Miantso androany, miantso androany,

Eritrereto izany ankehitriny, Izy no miantso. Miantso Jesosy. Izy no miresaka aminareo.

²¹⁴ Nanota ve ianareo hatramin'izao, hany ka tena potika ny fonareo, hany ianareo ka tsy, tsy afaka mandre an'Izany intsony mihitsy aza? Fahiny, raha zazalahy kely iray na zazavavy kely iray, dia efa nandre an'Izany ianareo. Nanana faniriana hanao an'izany ianareo, saingy najanonareo Izany, ka nopotechinareo fotsiny sy nopotechinareo ireo fanapahana sy fisintonana. Tena lasa lavitra ve ilay izy ka tsy afaka mandre an'Izany intsony ianareo? Ianareo ve mitsangana eo... manana ny... eo amin'ny toerana tahaka ny itsanganan'i Oswald izao maraina izao, izay fantatrareo? Ah! Ahoana no ahafahanareo manao an'izany?

Hisy iray hafa ve alohan'ny hamaranantsika sy hanolorako vavaka? Na aiza na aiza ato amin'ny tranobe mihitsy, izay tsy nanangana ny tànanareo mihitsy, manova hoe, "Rahalahy Branham, hatramin'ny nilazanao an'ireo teny farany ireo mihitsy, izaho—dia tsapako izany." Ny olona rehetra, any ivelany, ao amin'ireo lâlantsara, manerana ny varavarankely, na aiza na aiza, tsy mampaninona. Izao fotsiny...

²¹⁵ Andriamanitra hitahy anao, ramatoa tanora. Andriamanitra hitahy anao, tompoko, ianao. Hitako ianao. Izy dia eo... Andriamanitra hitahy anao, ramatoa. Misy olon-kafa ve? Andriamanitra hitahy anao, ramatoa. Andriamanitra hitahy anao, eto. Ary Andriamanitra hitahy anareo ery, zazalahy kely, zazavavy kely. Eny, ny Tompo hitahy anao. Iry aoriana iry, tompoko. Hia.

Ankehitriny dia ndao isika hieritreritra an'izany fotsiny ankehitriny. Tiako ianareo hanao an'izany raha mihira moramora an'ity isika, *Miantso Jesosy*. Ankehitriny dia tiako fotsiny ianareo hanao hoe, "Tompo, mamindrà fo amiko, mpanota, na mpihambo. Mambram-piagonana iray aho, Tompo, saingy izaho—izaho—mila Anao aho. Mila Anao aho. Ampio aho! Izaho dia—hanompo Anao aho. Mampantanena an'izany aho, izao ankehitriny izao. Efa nanangana ny tànako aho, hoe mila Anao aho. Ankehitriny dia Atsanganonao ny foko, mba handraisako Anao, dia handray Anao ato am-poko aho." Raha mbola mihira an'ity andininy ity indray isika, dia hataonareo ve izany?

Miantso androany, miantso androany,

²¹⁶ Ankehitriny dia mivavaha amin'ny fanaonareo manokana. Mivavaha ankehitriny.

Miantso Jesosy...

Izy no miresaka. Izany no antony nanangananareo ny tānanareo.

. . . miantso malefaka androany.

Miantso Jesosy, O henoy Ny Feony,
Henoy Izy . . .

Izao ankehitriny izao, henoy Izy. Manova hoe, “Tompo, meloka aho. Eo an-tānako Ny Rānão. Mpanota aho. Tsy mila an’Izany ho eo intsony aho. Tsy afaka manasa an’Izany aho; efa nandramako izany, nandritry ny taona maro. Tsy handà Anao tahaka ny nataon’i Pilato aho, ka hanandrana handefa Anao hankany amin’ny olon-kafa. Mila Anao aho. Midira ato am-poko, izao ankehitriny izao, Tompo. Mandray Anao aho. Mahita Anao mitsangana eto anatrehako mihitsy aho, tahaka ny sary iray mitsangana eo; amin’ny finoana no idirako mankao Aminao avy hatrany, mahafantatra fa mamela ahy Ianao. Ary izaho dia . . . Ho ao am-poko Ianao, manomboka izao.”

. . . androany,

Mivavaha ny olona rehetra.

Miantso Jesosy, Miantso malefaka Izy androany.

²¹⁷ Ray any An-danitra, tapitra ilay hafatra kely. Ary ankehitriny, ireo fanapahan-kevitra, mipetraka ny fitsarana izao maraina izao. Miangona ato anatin’ny efitra ireo Anjely. Eto ny Fanahy Masina lehibe manome fanamarinana fa mbola velona Jesosy. Izy no loharanon’ny Fiainana Mandrakizay. Tsy afaka nihazona Azy ny fasana, tsy afaka nihazona Azy koa ny helo. Niakatra Izy; nivoaka avy tao amin’ny helo, nivoaka avy tao am-pasana. Ary mitsangana eto anivonay Izy, androany.

Ary ireo fanekem-pinoanay sy anaram-piangonanay no namatotra ny maro tamin’ny olonay, Tompo. Ny fahotana no namatotra azy ireo, fa androany dia te-ho afaka izy ireo. Mitsangana tahaka an’i Pilato izy ireo, ary, raha tokony hanandrana hamindra Azy mankany amin’ny olon-kafa, dia nanangana ny tānany izy ireo hoe, “Midira ato am-poko, Tompo Jesosy. Tsy hanasa Anao hiala amiko intsony aho. Tsy afaka manao an’izany aho. Mbola eo an-tānako foana Ianao. Efa nanasa mihitsy sy nanasa aho, nefy tsy niala Ianao, fa mandray Anao aho ankehitriny. Mila Anao aho amin’ny fiainako, ary mandray Anao aho ho ao amin’ny fiainako. Tompo, raiso aho ho ao amin’Ny Fanjakanao, amin’ny famelàna ny fahotako, ary omeo finoana aho hinoana fa mandray ahy Ianao, Ray.” Ekeo izany. Amin’ny alàlan’ny Anaran’i Jesosy Kristy, no ivavahanay.

²¹⁸ Ary ankehitriny raha manondrika ny lohantsika ianareo. Finoana, amin’ny finoana . . . “Ary, Andriamanitra, Ampionao aho mba hahitsy fo. Fa mahafantatra fa Ianao no mampanantena fa . . .”

“Izay hanatona Ahy, dia tsy Holaviko mihitsy. Ary Izaho hanome azy Fiainana Mandrakizay, ary Izaho hanangana azy amin’ny andro farany. Izay manaiky Ahy eo anatrehan’ny olona, dia hanaiky azy Aho eo anatrehan’Ny Raiko sy ireo Anjely masina. Izay mandre,” ny tena fandikana, marina an’ny Masindahy Jaona 5:24 eo, dia, “izay mahazo, izay mandray Ny Teniko. Izay mandray Ny Teniko, ka mino an’Izay naniraka Ahy, no manana Fiainana mandrakizay, ary tsy ho hantsoina hankeo amin’ny Fitsarana.” Tsy ho tonga eo amin’ny Hazo Fitsarana tahaka an’i Oswald ianareo. “Fa ianareo dia efa tafafindra,” miaraka amin’ny famelàna malalaka, “avy tamin’ny fahafatesana ho amin’ny Fiainana.”

²¹⁹ “Tompo, tsy fantatro hoe ahoana, tsy fantattro hoe nahoana, fa—fa mino aho fa mitranga izany. Mino aho fa, ato am-poko, lasa ny tsi-finoako. Afaka manao ‘amena’ am-pahalahahaha amin’ny Teny rehetra izay Lazainao aho, ary manaiky an’Izany izao ankehitriny izao. Mino an’izany aho.”

²²⁰ Ankehitriny miaraka amin’ny lohanareo miondrika. Ianareo izay mino an’izany, izay hanangana ny tànanareo fotoana vitsy lasa izay; ary amin’ny finoana no ahitanareo ny sarin’i Kristy mitsangana eo, ka tokony ho ao ianareo. Mandeha amin’ny finoana ianareo ankehitriny, minoa fa voavela ny fahotanareo. Ary manomboka amin’ity andro ity, dia vonona ho amin’ny batisa Kristiana ianareo, ary vonona ny hiditra ao amin’i Kristy ianareo ankehitriny. Tianareo ve, ho fijoroana vavolombelona Aminy, ny hanangana ny tànanareo indray, hanao hoe, “Amin’ny finoana no inoako an’Izany amin’ny foko rehetra”? Andriamanitra hitahy anareo. Tsara izany. “Manaiky an’Izany aho ankehitriny. Izaho—manaiky aho; tsy misy na inona na inona azoko atao.” Andriamanitra hitahy anareo. Toy ny hoe mahita ny tsirairay avy aho. “Manaiky aho ankehitriny.”

²²¹ Hitanareo, tsy tsara ianareo, tsy tsara mihitsy ianareo, tsy mety ho tsara ianareo, fa maty ho an’ny olona tsy tsara Jesosy. “Inona no tokony hataoko, Rahalahy Branham?” Ekeo fotsiny izay Nataony, ekeo fotsiny izay Nataony ho anareo. Ary ankehitriny amin’ny finoana an’Izany sy fanekena an’Izany . . .

Ankehitriny, mino aho, ny pasitera, hisokatra ny dobo. [Hoy Rahalahy Neville hoe, “Eny.”—Mpand.] Ho voalamina ny batisa, raha te-hatao batisa ianareo.

Raha nandray an’ireo titra ianareo hoe, “Ray, Zanaka, Fanahy Masina,” ianareo dia marina tokoa . . . Milaza an’izao amin’ny fanajana sy fankatoavana aho, fa, amin’ny fahitako azy, dia tsy vita batisa ianareo. Tsy vita ianareo, satria tsy nanatanteraka an’izay Nolazainy ianareo.

²²² Hoy Izy hoe, “Mananova batisa azy ireo amin’ny Anaran’ny Ray, Zanaka, ary Fanahy Masina.” Raha nanana an’ireo titra ireo nantsoina teo aminareo fotsiny ianareo; tsy nilaza mihitsy

Izy hoe, "Mandehana antsoy ireto *titra* ireto; mandehana antsoy ireto *anarana* ireto." Tsy mbola natao mihitsy izany tao amin'ny Baiboly. Tsy tahaka an'izany mihitsy no nanaovana azy. Izany dia, manao batisa araka ny nolazain'i Jesosy hoe, "Amin'ny Anaran'ny Ray, Zanaka, ary Fanahy Masina," dia Jesosy Kristy.

²²³ Petera, niaraka tamin'ireo fanalahidy, dia nilaza an'ilay zavatra iray ihany; ny apostoly hafa rehetra, ilay Fiagonana manontolo; mandra-pahatongan'ilay Fivoriamben'i Nise voalohany izay nandrafetan'ny fiagonana Katolika Romana, nanaiky an'ireo titra raha tokony ho Anarana. Na ianareo vita batisa tao amin'ireo dogma Romana an'ny anaram-piagonana, na vita batisa tamin'ny Anaran'i Jesosy Kristy, ny iray na ilay hafa. Eo an-tananareo Izany; tsy afaka manasa an'Izany hiala ianareo. Eo Izany.

Nanaiky an'Izany ianareo ankehitriny. Hanontany anareo aho, raha ny—raha ny mpitendry orga sy ny mpitendry piano hitendry an'ilay hira fiderana malaza fahiny:

Ny finoako miandranda Anao,
Ianao ry Zanak'ondrin'i Kalvary,
Mpamony Masina;
Ankehitriny henoy aho raha mivavaka,
Ary esory ny heloko rehetra,
Ka avelao aho manomboka amin'ity andro ity
Ho Anao manontolo!

²²⁴ Aoka tsy hisy anankiray hiala amin'ny tranobe. Mitsangàna am-panajana fotsiny ankehitriny, ka ndao isika hanangana ny tànantsika mankany Aminy ankehitriny.

Ny finoako miandranda Anao, (Ary Izy no Teny.)
Ianao ry Zanak'ondrin'i Kalvary,
Mpamony Masina;
Ankehitriny henoy aho raha mivavaka,
Esory ny otako rehetra,
O avelao aho manomboka amin'ity andro ity
Ho manontolo . . .

Manontolo sy tanteraka, ho Anao! Manolotra ny fiainako aho ankehitriny.

²²⁵ Ho vonona afaka minitra vitsy ny rano. Raha tsy afaka manao ny batisa ianareo ankehitriny, dia hanao batisa indray izahay rahariva.

Eritrereto izany, ny tolakandro manontolo, "Eo an-tananareo." Esory Izany. Ny fomba tokana azonareo atao, dia, misasa ao amin'ny Ràn'i Jesosy Kristy, Izay . . . Hitanareo? Eny, tompokeo. Tsarovy izany ankehitriny raha manondrika ny lohantsika isika. Miantehera Aminy ankehitriny.

Raha ny lala-maizin'ny fiainana . . .

²²⁶ Ao am-ponareo ilay fanapahan-kevitra ankehitriny. Eo amin'ny raharaha-m-pitsarana Izy. Vonona ho an'ny fano-homboana ny Teny. Eo amin'ny raharaha-m-pitsarana Kristy. Inona no hataonareo amin'i Jesosy antsoina hoe Kristy?

Aoka Ianao no ho Mpitari-dàlako;
 Didio ny aizina hivadika ho andro,
 Fafao ny alahelo, ireo ranomaso,
 Ka aza mamela ahy ho very lâlana
 Hanalavitra Anao.

Ankehitriny eo am-panondrehana ny fontsika eo amin'izany.
 [Manomboka misamonomonona ny *Ny Finoako Miandranda Anao Rahalahy Branham—Mpand.*]

²²⁷ Eritrereto lalina, ry sakaiza. Mety ny anaranareo no anankiray farany izay misoratra eo amin'ilay Boky. Eo amin'ny andro farany isika. Eritrereto tena lalina ankehitriny. Ianareo ve, misy olona iray ve eto izay nandà Azy?

²²⁸ Tsarovy, mety tsy hiverina intsony indray izany. Tsy nanana anjara hafa intsony i Pilato. Nanandrana ny tsarany indrindra izy mba ho voavonjy, fa tsy afaka nanao an'izany izy. Teo antânany Izany. Ka inona no hataonareo amin'ny Teny voahosotra ho an'izao andro izao, antsoina hoe Kristy? 

INONA NO HATAOKO AMIN'I JESOSY ANTSOINA HOE KRISTY? MAG63-1124M
(What Shall I Do With Jesus Called Christ?)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 24 Novambra, 1963, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org